

P. o. germ.

2095

P







P.O. germ. 2095 p

<36630001830014

<36630001830014

Bayer. Staatsbibliothek

ref: Fischart, Johannes

Flöh Haz/ Weiber Traz

**Der Uherwunder vnrichti-
ge/ vnd spotwichtige Rechtshandel**
der Flöh mit den Weibern: Ain Neu gelas/
auff das vberkurtzweiligst zobelachē/wa anders
die Flöh mit stechen ain die kurtzweil
nicht lang machen.

**Durch Sultrich Skopfcleron/auff ain
netwes abgestosen vnd behobett.**



Wer willt om̄ tommen will zu Haus/
Kauff sein Weib diß Buch zu voraus/
Dan hierin̄ sind sie weg vnd mittel/
Wie sie die Flöh auß Beltzen schüttel.
Vnd hüt sich jedermänniglich
Bei der Flöh vnqnad/ bis vnd stich
Das er diß Werck nit nach wöll machen/
Weil noch nit außgeführt sind die sachen:
Dan der Flöh Appellation
Mäg noch inn kurtzem nachher gon:
Auch bald der Beltz Defension.

Im jar 1594.

R. B.
MURKIN

2011/52

Glück zu ohn schrecken/
Das uns die Flöh nicht wecken.

Zultrich Elloposcleros.

E hat ainmal das hoffen/harren/
Mich nit gemacht zu ainem Narren:
Sonder mich nū ansehlich gmacht
Das man mich gar für kug jek acht:
Dann da ich erstlich diß Buch schmitt/
Hofft ich gonst zuerlangen mit/
Bandes bey Mannen/so bedauren
Das Flöh so auff jr Weiber lauren:
Vnd auch bey Weibern/die gern wißten
Wie sie die Flöh außbürsten müßten:
Welches mir dann wol ist gerahen/
Dann ich bey bayden kostn zu gnaden/
Weil ich dem Man die Fraw begnädig/
Vnd auch die Fraw von Flöhen lödig:
Solch gonst darauß ich mercken kan/
Weil jederman diß Buch will han:
Vnd man es nicht genug kan trucken/
So vil pflegt mans hinweg zuzucken:
Auch weil ich kaum ain hauß schier find
Da nur drey/vier Weibsbilder sint/
Da nicht diß Edel Büchlin sey
Vnd prang bey andern Büchern frey:

Vnd hat so groß Authoret'
Das es gleich beym Catechismo steht:
Ich rieth in/ das sie sissen binden
Gleich an ire Betbüchlin hinden:
Oder an Albert Magni Buch:
Dan schönes tuch/ das zirt ain pruch:
Ich hör auch/ es hab ain diß Büchlin
Gebunden in ain senden Tüchlin/
Vnd warm auf blosse haut gebunden
Da hab sie kein Floh meh empfunden/
Die lob ich/ dise glaubt vns doch/
Dann wir es ernstlich mainen noch.
Auch sag ich danck den andern allen
Das sie die müß in lassen gefallen/
Dann Wie manchen giftigen biß
Thaten die Floh/ als ich schrib diß/
Aber sie konten mich nicht wenden/
Vnd solt sie der Flohcankler schänden/
Dann ewer gonst vnd lib zuhaben
freut mich meh/ dan der schwarzen Knaben?
Wolan kaufft auff/ ir thut jm recht/
Versucht ob jr meh kauffen möcht
Als vnser Trucker trucken nun/
So werd jr jm ain Schalckheit thun.

Ernew:

Ernewerte Flohflag/wider der Weiber Plag.

Muck.

W

Als hör ich auß dem winckel dor
Füraingschrai/wz kleglich wor
Es ist fürwar ain raine Stim/
Daraus ich leichtlich wolvernir
Das es nit sein kan etwas groß
Deßhalb ich mich wol zu im loß

Aber Bog Laus/es ist der Floch/
Wie Kompts:er springt jetz nicht hoch/
Als wann er pflegt die Leut zustrupffen:
Er kan jezund kaum hinden/hurffen.
Ich glaub im sey ain bain engway/
Er führt wol so ain Jamergschray/
Wiewol er sonst schweigt allezeit/
Weil schreyen nicht dint zu seim Streit/
So gfrirt im jetz der Schnabel auff:
Gewiß bedeuts kain guten kauff:
Dann wie die Wunderbücher sezen/
Bedeuts nichts guts/wañ die Thir schwezen/
Vnd (das ich wend groß gleichnuß an)
Wann singt der Schwan/so stirbt er dran/
Vnd mancher der lang Redlos ligt/
Red doch/wann nun der Tod sich fügt/
Vnd der Brand/so lang nit kont essen/
Darff zu lez dem Tod zu layd fressen:
Vnd die Saw/so sonst allzeit grumint/
Schreyt anders/wann der Metzger kummt:
Also sorg ich/mein Sommergellen
Wöll der Tod nach der Gurgel stellen:

Ernewerte Flohflag,

Wolan/ich will jm hören zu/
Was in dazu bewegen thu.

Floh.

Nich wie kan ich auch lenger schweigen;
Der trotz will mir zu hoch auch steigen/
Der vnbill bricht mir auff den mund/
Gleich wie ainem geschlagenen Zund.
Wem soll ich aber mein noth klagen
Den Menschen kan ichs nicht wol sagen/
Wiewol sie von Natur erkennen
Was gut/ vnd was recht sey zunennen/
Dieweil sie mir sint gar gehässig/
Vnd der ghässig spricht vnrechtmessig.
Soll ichs dann meines gleichen sagen/
So wird er mit hinwider klagen/
Ist also klag vñ gegenklag/
Welche kainen nichts fromen mag/
Wa nicht ist ainer/der es richt/
Vnd nach dem Rechten drunter spricht,
Derhalben will ich zu dem sihen
Von dem wir all den anfang sihen/
Welcher nach seiner güt vnd macht
Auch nicht das geringste gschöpff veracht/
Vnd vberal ganz nichts verwarlost.
On deß will kain Thier sein har lost;
Darumb O hoher Jupiter
Mich armes Thirlin nun gewär/
Sehan/wie ich geplaget bin/
Daß ich weiß weder auß noch hin/
Wann du nicht werst/so stünd ich bloß/
Wan stelt mir nach auff alle stroß/

Wider der Weiber Plag.

Man verfolget mich also sehr
Als ob der ärgste Buh ich wer/
Hab doch kain nie kain Roß gestolen
Vnd kainen vmbgebracht verholen;
Het ich Löwen vnd Bären weiß
Das ich die Menschen niderzeiß/
Oder stil wie der Wolff die Schaff/
So verdienet ich vielleicht straff/
Aber ich bin vnschuldig dessen/
Noch muß das Leberle ich han gessen:
Vnd muß gethan han die größt schmach/
Vnd bin doch nicht so groß darnach;
Ich muß allain haar lassen gar/
Hab doch am ganzen leib kain har:
Seh/wie ich nur bin zugericht/
Ei das nicht droß der Himel bricht/
Ich seh kain ehrlichen Floh meh gleich/
Ich bin ain lebend todenleich/
Das macht ain vnzarts Frawenbild/
Die wol haist ain hart rauhes Wild/
Wiewols ain linden Beltz tregt an/
Thut sie kain lindes hertz doch han.
Dan ich mich selber nun erbarm/
Das ich hab kain ganz bain noch arm;
Hetz mit O Jupiter nicht geben
Nach deiner fürsichtigkeitt eben
Also vil bain/iez her ich kain/
Vnd müßt entweder tod nun sein/
Oder müßt von der Schlangen lehren
Auff mein bauch kriechen/vnd mich nehren;
Dan ich wol ain halb dozent füß
Im lauff jezund dahinden ließ/
A 117

Ernewerte Flöhflag!

Die sie gewiß nun auff wird henden
um Spiegel irs Sigs zgedencken.
Das ist weit ain anderer schad/
Als den das Zündlin von Bretten that.
Ach/ich kan mich kaum kehren/wenden/
Also sind mir zerürt die Lenden/
Als wer ich an der Solter ghangen/
Vnd het gebeicht alls was vergangen.
Da Soltern komt mir wol inn sinn/
Dann sie ist wol ain Zenderin:
Aber keine Beichtmutter nit/
Dann sie gibt kainen Ablass mit:
Steiß hinweg mir platz vnd fleck
Es äß es schier kaim Wolff hinweg:
Man zält schier alle Rippen mit/
Das Eingewaid herausß will schier:
Der kopff ist mir voll beulen/schrunden/
Als het in mir ain Riser gbunden.
Seh/wie mir ist verwirt das knick/
Als wer ich gfallen von ain stück/
So nah griff sie mir nach der hauben/
Das ich mich gar kaum auß mocht schrauben/
Vnd ietz kaum kangen zimel sehen/
So schön kont sie den halß mit trehen.
du böß vnbarmerzig art
die von kaim Menschen gboren ward/
Sonder vom Crocnil komt her
Der zum Mord waint/wan mördet er.
an als es mir am ärgsten ging
bei dem hartz/welchen sie anfang/
Da lacht sie zu all disen dingen
Das irn die Augen vbergingen.

Wider der Weiber Plag.

O Jupiter/wie kanst zusehen
Solche vnbilligkeit geschehen?
Dieweil alle vnbilligkeit/
Erweckt Gott zur vnwilligkeit.
Ich thu je diß/ dazu mich schuffst/
Vnd nehr mich/ wie du mich beruffst/
Etwa mit ainem tröpflein Bluts/
Vnd thus nicht/wie man main / zu trutz/
Sonst müßt zu troz der Mensch der Erden
Sie so zerackern mit den pferden/
Vnd müßt zu trutz dem Schaff es bschären/
Dem Baum zu laid die Frucht ablären:
Dazu die menschen Nain doch sagen:
Welches doch oft nicht zu will tragen/
Wann sie es brauchen vberflüssig/
Dan hiezu sind die Schöpff verdrüssig/
Was aber man gibt auß vrrutz
Da nints der Nimmer je zu trutz.
Vnd der meh/dan er bedarff/sammelt/
Da neben jm noch mancher mangelt/
Der nimt dem Schöpff je vil meh ab
Dan jm Gott vnd die Natur gab/
Weil die Schöpff sind zur Nötlichkeit
Geschaffen/nicht zur Neidlichkeit.
Ich aber trinck nicht vberflüssig:
Dan vberfluß treibt nur der müßig.
Ich aber kan nicht müßig sein/
Weil ich mit müh erlang das mein/
Welchs mir doch von Rechts wegen gehört/
Vnd doch darob stäts werd verfürort:
Dan wa kein sicherhait nicht ist
Daselbs hin vberfluß nicht ist.

Ernewerte Flöhsflag/

Vnd wann ich mich schon vbertränck/
So trinck ich doch auß keiner Tränck/.
Dahin man es vor längst thet schöpffen/
Dan ich mit Not erst meins muß zäpffen/
Darzu man mir nicht laßt der weil/
Sonder ich muß thun in der eil.
Was aber geschicht mit eil vnd müh
Das würd keinen faist machen nie,
Der Esel/so das Bronnrad tritt/
Würd von dem Wasser faister nit
Welches er muß herausser spinnen/
Er trinckts gern/da es selbs thut rinnen.
Vnd ist auch schier kein wunder zwar/
Das ich so klein muß bleiben gar/
Dieweil ich je nicht kan gedeien
Bei solchem schrecken/sorgen/scheuen/
Dan sorg vnd angst dörzt auß das hertz/
Den Leib verzert des Gmütes schmerz:
Es wundert mich/das mir arm Flöh
Stäts bleiben schwarz/wie es vns geh/
Da wir doch grau wol solten sein/
Vor grosser mülichkait vnd pein.
Aber man sicht nicht stäts an haren/
Ob ainer etwas hab erfahren/
Sonder an der Stanthafftigkeit/
Ob ainer tragen mag das laid/
Dan welcher stirbet gleich vor schrecken
Den soll man mit Büfat bedecken.
Ich möcht wol mein Verfolger fragen
Warumb sie mich so jagen/plagen/
So ich doch nicht den leib verzere
Sonder vom oberfluß mich nehre?

Wider der Weiber Plag.

Vom Blut/welches vtleicht ist böß/
Vnd außlaufft inn der Aderläß?
Sparen also den Schrepfferlon
Das sie nicht in das Bad darff gon:
Wie man che hett der Tod verzucht.
Hett ich nicht jr böß Blut verschluckt?
Darumb muß ich so schwarz auch sein
Weil böß Blut nicht schön farb gist ein.
Sie fangen doch oft selber auff
Die Blutägel mit grossen hauff/
Vnd thun auff ire haut die setzen
Das sie das böß Blut außher legen/
Vnd wollen solchs von vns nicht haben/
Die wir doch auch han dise gaben:
Vnd besser/dieweil wir bey innen
Gewont sint/vnd gar gern in dinen.
Jene aber sint auß dem Mur/
Darauß sonst Kompt alle vnser.
Wir thun doch nicht/gleich wie die Bienen/
Die jnen/wie sie sagen/ dinen/
Dann wann sich die an Leuten rechen
Lan sie den Angel zu dem stechen:
Welches dann ist ain solches weh
Deßgleichen nicht thun tausent Flöh.
Noch halten sie die für des weiser/
Vnd bawen jnen dazu Häuser:
Vns aber/als das Hellsch Heer
Verfolgt man biß auß eusserst Meer/
Da wir doch kainen Angel lasen
Sonder böß Blut herausser blasen.
So sind wir auch kainen Scorpionen/
Die mit Giffit wolln jr stich beschonen/

Ernewerte Flohflag.

Sonder wann einer sich nur juct

Ist vnser stich als bald vertruckt:

Was sag ich stich? es ist kein stich/
Ein Küglen ist es eigentlich.

So sind wir auch nicht so vngschliffen

Wie Silgläuß/die inn dhaut einschleifen/
Die man gar tif heraus muß zwacken

Mit langen Niegeln/wie mit Zacken/
Drob mancher die zön zsamien beißt

Wann er das blutig har außreißt/
Da freß der Teufel mit ain kraut/
Wann ich dran dendt/mir selber graut.

Wir aber hupffen gleich daruon/
Wann wir ain stichlin han gethon:

Vnd machen nicht vil federlesen/
Man würd vns sonst gar vbel messen.

So stincken wir wie Wantläus nicht/
Dern man sich schämt/wann man sie richt:

Sonder wir sint das sauberst Thir
Dessen kainer sich schämet schir:

Vnd wiewol wir kain Bisam legen/
Darff man vns doch auch nicht nachfegen/
Vnd kombt noch kainer/der kan wissen

Wahin wir brünzlen oder Bissen:
Wiwol es vns zum schaden raycht:

Dann wann wir ständen auch vileicht/
Würd vns das sauber Frawenzimmer

Zwischen den fingern reyben nimmer.
Entlich stechen wir auch kain heulen

Wie die Schnacken/die darzu heulen/
Sonder es gibt ain rotes flecklin/
Welchs offt wol steht an ainem Bäcklin/
Dnd

Das ist ein Flohflag, die man sich an den Fingern stechen kann.

Das ist ein Flohflag, die man sich an den Fingern stechen kann.

Das ist ein Flohflag, die man sich an den Fingern stechen kann.

Das ist ein Flohflag, die man sich an den Fingern stechen kann.

Das ist ein Flohflag, die man sich an den Fingern stechen kann.

Das ist ein Flohflag, die man sich an den Fingern stechen kann.

Das ist ein Flohflag, die man sich an den Fingern stechen kann.

Das ist ein Flohflag, die man sich an den Fingern stechen kann.

Das ist ein Flohflag, die man sich an den Fingern stechen kann.

Das ist ein Flohflag, die man sich an den Fingern stechen kann.

Das ist ein Flohflag, die man sich an den Fingern stechen kann.

Das ist ein Flohflag, die man sich an den Fingern stechen kann.

Das ist ein Flohflag, die man sich an den Fingern stechen kann.

Das ist ein Flohflag, die man sich an den Fingern stechen kann.

Das ist ein Flohflag, die man sich an den Fingern stechen kann.

Wider der Weiber Plag.

Vnd wann sie solchen wolstand wisten/
Sie litten oft/dass wir sie küßten/
So dörrften sie die blaiche Backen
Nicht erst mit fingern pfezen/zwacken:
Oder mit Nestel Leder reiben/
Oder mit Glantzstaub sie bestäuben.
Wie manche han wir durch solch possen
Verkaufft/da sie sonst wer verlossen?
Han manchem Bulen/so thet liben/
Ain weis Ross für ain rot vertriben?
Hissen also Schwerber wol/
Die man in ain Statt kauffen sol.
Noch tragen wir kein danck davon/
Sonder der Gutthat lon ist hon/
Der Welt trinckgelt ist gallentranc
Welcher verbittert allen danck.
Dann sie/die wir so trewlich mainen/
Das wir bey in meh sint/dann kainen/
Die verfolgen vns noch vil ärger
Als Waydvergiffret/Landverherger:
Deß steh ich zu ain Schawspil hie/
Verwunt/das ich kaum Atham zieh/
Vnd kan dir Jupiter kaum sagen/
Was grosser vnbil ich muß tragen/
Dieweil mir würd das hertz zu schwach
Wann ich red/vnd ersinn die sach.
Die schmach/wann man ir dencket nach/
Kränckt ainen/vnd bewegt zu Rach:
Es solten alle Flöh forthin/
Zu layd disen Flöh henderin/
Wann sie in schon all fuß außrissen/
Noch kriechen/das sie sie nur bissen/

Ernewerte Flohflag.

Vnd Jovem betten vmb ain Angel/
Das sie einbrächten iren mangel/
Ja ainen dreyspitzigen spieß/
Den man biß an das häfft in stieß:
Ja das der fromme Jupiter
Mit seinem stral schieß in sie her/
Vnd lehret sie solch Mutwill vben
An Geschöpfen/die niemand betrüben:
Aber/wie ainer schrib ainmal/
Es sind gar tewr bey jm die stral/
Weil alt ist worden der Vulkan/
Das er nicht wol meh schmiden kan:
Oder die stral sind bey jm werd/
Das er nicht vmb ain jede bschwerd
Sein stral so liederlich verwaget/
Gleich wie man von Sant Peter saget
Der/als er Herz Gott war ain tag/
Vnd Gern sah stelen aine Magt/
Wurffer jr gleich ain Stul zum schopff/
Erwiß also sein Peterskopff:
Zets solcher gestalt er lang getriben/
Es wer kein Stul im Himmel bliben:
Also solt Jupiter so offte
Als man verdint/das er vns strofft/
Seine stral auff vns schiessen loß/
Er het schon lengest kein geschöß:
Doch soll drumb kainer sicher sein/
Ain langsam pein ist lange pein:
Vnd allzeit vnter der langmut
Bindt Gott den sichern ain lang Rut/
Welches auch jr Flöhmörderin
Wol führen möcht zu hertz vnd sinn:

Dann

Wider der Weiber Plag.

Dan es würd nicht sein allzeit Feirtag/
Sonder es komt ainmal ain Feurtag/
Da der zorn/so lang glüht vnd feiret
plötzlich anbrent/vnd alls verfeuret:
O könt ich ietz ain Zigel kochen/
Ich liß es doch nicht vngerochen.
Dan wie kan ich mir doch abbrechen/
Das ich mich nicht solt greulich rechen?
Weil sie/als die greulichste Feind
Ermört han mein getreuste Freund?
Mein Eltern/Gschwister/vnd mein Brüder
Ja mein Gemahl/die liebe Mäter:
Ach das mir nicht vor grossen schmerz
Inn tausent stück zerbricht das hertz/
Wann ich gedencß daß die lieb Freund
Dazu noch vnbegeben seind:
O wer ich grad/ich wagt die haut/
Dieweil sie doch vor ist zerhaut.
Ach/warumb hast mich also gemacht
Dem Weibsvolck nur zur Opferschlacht:
Oder warumb hast also geschaffen?
Die Weiber/dasß sie vns nur straffen?
Entweder es solten sein kain Flöh/
Oder kain Weib solt werden meh/
Dieweil sich die bald nie vertragen/
Es muß ainmal ains lan den fragen/
Aber es ist gar vngleich ding
Das ain Zwerg mit ain Risen ring:
Darumb was zorn ich lang dazu/
Mit zorn ich weh mir selber thu:
Ich wills dir Jupiter Befehlen
Du kanst mein Recht zu Recht bestellen:

Ernewerte Flohflag/

Rech du den Mord inn vnserm namen/
Laf vns dein gschöpff nicht so beschamen:
Dan nicht an Bösen vben rach
Da haist den Fromen anthon schmach:
Vnd wa man nicht die Bösen straffet/
Mainen sie/sie hans wol geschaffet/
Vnd werden dan halstarrig drinnen/
Das täglich ärgers sie beginnen:
Derhalben solchem fürzukömen/
So hilf/ O Jupiter/den Frommen.
Vnd hilf mir auch von disem schmerzen
Den ich trag bald am leib vnd hertzen:
Dan ach/ich werd vom Reden schwach/
Es wil mir schir vergehn die sprach:
Aber/was hör ich rauschen hie/
Ich glaub/es thu not/das ich flieh:
Aber wa will ich hinauß fliehen/
Ich kan doch kaum die lenden zihen:
An mir gilt iz nichts der Nam Floh/
Dan warlich ich nicht sehr wol floh:
O wer ich iz ain Muck vnd Fligen
So könt ich davon izund fligen:
Dan wa ich nur was rauschen hör/
Fürcht ich/es komm ain Flohfeind her.

Muck.

Ich kan mich nicht enthalten meh
Das ich nicht zu meim Gsellen geh/
Vnd in anred vmb seine flag/
Ob ich in vielleicht trösten mag:
Dan warlich/wie ich an im seh/
So ist im biß zur Seelen we.

Wider der Weiber Plag

O Bruder liebster Sommergell/
Wa komst inn dises vngesell?
Wer hat dich also zugericht.
Das man dir biß zur Seel schter sicht:
Ich hab von weitem wol vernommen
Das du bist vnter Mörder kómen/
Aber ich kont nicht mercken eben.
Wie sich doch solchs hab Begeben?
Derhalben ist's dir's nicht verträßig/
Erzehl mir's/weil ich doch bin müßig

Floh.

Ja Bruder/bistu/wie sagst/müßig/
So bin ich/wie sagst/auch verträßig:
Der Jupiter wöll dir nur geben
Lang ain solchs sicher müßig leben/
Vnd mir verwenden mein verdruß
Zu trost/vnd meinem Feind zur buß.

Muck.

Ach lieber Floh/mein Sommergell/
Dich ab mir nicht so frembd nun stell/
Ich red es dir nicht zu verdruß
Das ich sag/wie ich nun hab muß.
Aim der allzeit betränget ist
Thut für ain Jar wol ain Klain frist:
Vnd der/so jezund würd beträngt/
Nicht an vergangen gut tag denck:
Es ist mir etwan vbel gangen
Hab etwan auch gut tag empfangen
Es geht dir jezund herb vnd rauch/
Es gieng dir etwa besser auch:
Hat es sich können nun verbösern
Es kan sich wider auch verbessern.

Ernewerte Flohflag/

Derhalben sei nicht also schmah/
Vnd denck/dasß ichs gern besser seh/
Ain Freund sicht gern den andern gsund/
Sicht er in Kranck/würd sein hertz wund:
Ist dein Feind Kranck/so bin ich gsund/
Ist dein Feind gsund/so Bin ich wund.
Dan fräud vnd laid/ist Freunden gmatn.
Vnd leid vnd fräud sich kainer allain.
Derhalben wolst zu gut mir tragen
Das ich dich wie ain Freund thu fragen:
Kan ich dir schon kain hilff erwerben/
Kan ich dir doch auch nichts verderben
Wann mir schon sagest dein anligen:
Es Kränckt ain / was inn ain bleibt ligen/
Vnd was ainer nicht außher sagt
Dasselbig ain das hertz abnagt/
Den schaden schweigen/macht in stetigen/
Vnd in anzaigen/macht in naigen:
Verschwigen Schäden wachsen hatmlich
Dasß man sie nie darnach halt rainlich/
Das laid würd leidlicher damit
Wann man es meld/vnd außher schütt/
Dan wer sein Freund thut sein laid klagen
Sucht ainen ders jm halb hilff tragen.
Hierumb mein lieber Sommergärt
Sag her/wer hat dich so beschwärt?

Floh.

O Freund/die so gsund vnd wol leben
Können gut trost den Krancken geben.
Aber kain Gsunder glaubet nit
Ain Krancken/wie jm sei damit

Wider der Weiber Plag.

Derhalben wann ichs dir schon klag/
So mach ich mir für ain drey plag:
Erstlich bekömmet ich damit
Den/der mit doch kan helfen nit.
Solgends/so muß ich zweyfelnschir/
Ob man den schmerzen glaubet mir.
Fürs legt/vnd welches ist das größt/
Ich mich damit in kein weg tröst:
Sonder vernew den schmerz zur stund/
Vnd haw in aine frische wund/
Man soll aber nichts schlaffend wecken/
Welchs wann es wacht/nur bringet schrecken.

Muck.

Ach das sind schlecht entschuldigung
Aim Krancken/der sucht besserung/
Fürnemlich bey aim guten freund/
Ders mit seim freund/wie mit im gmaint
Gut Raht vnd trost steckt nicht allain
Bey denen die ansehlich sein/
Sonder oft aim/so ist ringschätzig/
Vnd nicht vil mächtig/prächtigt/schwenztig/
Dem seine witz ligt in der äschen/
Da der Reichen ligt in der täschen:
Die Täschenwitz nicht lenger gilt
On als lang man hat gelt vnd gült/
Die Aeschenwitz ruht wie ain Scharz/
Vnd scheint/wann man sie fürther kratzt:
Solt man oft Rahts den Bürtel fragen
Solts besser dann der Schulthais sagen.
Der Reichen Raht zum pracht nur geschicht/
Da es der Arm von hertzen spricht.

Ernewerte Flohflag/

Bey grossen ist die witz auffgblasen/
Darauff man sich nicht darff verlasen:
Bey denen/so sint niderträchtig/
Ist sie vnscheinbar/doch sehr mächtig:
Als wenig die Stärck ist allain
Den hohen vnd grossen gemain/
So wenig hat auch Rhat vnd witz
Allain inn hohen iren siz:
Gemeinlich würd Großmütigkeit
Bey hohen zur hochmütigkeit/
Vnd ir macht würd zu ainem pracht/
Ir Rhat zur gewaltsamen Tacht tracht:
Da der gering muß halten ein
Mit trew vnd gwissen thun das sein.
Bin ich schon klain/kain Straussen gnäß/
Hab ich gnug witz zu meiner größ/
Zu meiner größ/bin ich gnug böß/
Schreck manchen auch mit mein getöß:
Der Strauß ist groß/doch sein witz klain/
Dann er maint wann er steck allain
Den kopff/das man den nicht kan sehen
So sey der ganze leib versehen.
Vnd thut gleich wie die karge Fuchß
Verwart das Gold/vnd gniest sein nichts:
Klain Leut bedörffen klaine lücken/
Groß Leut sind nicht bald zuvertrucken.
Der Kaincke Fuchß kam durch ain loch
Darinn der Bruninger steck noch:
Klain Leut bedörffen klainen Rhat/
So kommen sie auß grossem schad/
Groß Leut auch grosse hilff bedörffen/
Dann in der enge sie sich schärffen/

Wider der Weiber Plag:

Inn sum/ das klain Kompt auch zu statten
Ain klains h rlin gibt auch ain schatten.

Vnd het ich schon nicht die genod

Das ich ain andern weislich rhot/

So waisst den Spruch doch/ der vmbgaht/

Die Lib sucht Raht/ Der Lib sucht that.

Die Lib zu ain/ lehrt ain offr rahten

Damit er sein Freund rett auß schaden:

Kan ich dir schon nicht rahten weislich/

Will ich dir doch gern rahten trewlich.

Zum andern/ liber Spisgesell/

Ist dis an dir ain grosser f l/

Das du ain Freund darffst trawen zu

Das er dir nicht wol glauben thu:

Dann dis ist aller fceunt schafft giffte

Misstrawen/ das der Teufel stift.

Vnd wie solt ich nicht ainem glauben

Den ich armselig seh vor augen?

Das aber sorgst/ du m chst erfrischen

Ain schmerzen/ so wer zuuerd sten/

Sohalt ich dich als ainen Floch/

Von gm t so standhaftig vnd hoch/

Das du abbrechen k nnt dein layd/

Vnd nicht erligst von traurigkait:

Dann weil in ewrem Fl hgeschlecht

Es gibt vil Ritter vnd Kriegsknecht/

So steht es zwar nicht Ritterm ssig

Ab jedem Kommer sein mutl ssig/

Ain Mann soll im layd nicht verzagen

Vnd inn Freud nicht zu hoch sich wagen/

Derhalben trawst mir gutes zu

So sag/ was dir anligen thu?

Genewerte Flohlag

Wer soll dem Krancken anders rathen
Als der Gesund/so ist on schaden?
Vnd auch zuuor erfahren hat/
Was Kranckhait ist/vnd was sie schad?
Wie soll ain Kranck dem andern dinen/
So sie vor schmerzen zusammen ginen?
Es muß der Blind den Lamem tragen
Vnd der Lam muß den weg recht sagen/
So wird jr keiner nicht verkürzt/
Da sonst ain Blind den andern stürzt.

Floh.

O Freund/dein trost erquickt mich was
Das ich schir werd was fecker Bass/
Dann ain getrost hertz/ist halb haylung/
Vnd antwortung ain halb kurtzweilung.
Du bist fürwar ain held mit trösten
Ich hers gesucht nicht bey dem grösten:
Bist nicht allain ain Sommer freund
Sonder Winter vnd Kommerfreund:
Beyd nutz im Sommer vnd zu freud
Vnd auch im Winter vnd zu layd.
Dieweil du dann nicht nach wilt lay
Biß ich dir zaitg mein leyden an/
Vnd nicht deß minder auch ist wor/
Gleich wie du hast gesaget vor/
Das ainem werd sein leyden leycht
Wann er es ainem Freund nur beicht/
So will ichs dir gleich nun erzelen
Was vnd wer mich thu also quelen:
Vnd will ain feck hertz an mich nemmen:
Durch standmut alle Blainmut demmen:

Wider der Weiber Plag,

Aber/seh/wie mirs jezund geht/
Da ich anfang/die Red mit steht:
Das hertz ist groß/der schmerz noch grösser/
Das hertz ist gut/der schmerz noch böser,
Dan wie kan dencken ich ohn wainen
Den jämmerlichen Tod der meinen?
¶/das ich nicht auch bliben bin
Bei jenen auff der Walstatt drinn,
O Bruder/du bist wol glückselig/
Du kanst fligen/wann dir ist gefellig/
Ich aber wann ain hartz anfänge
Das ain Flöhklauberm vns trängt/
Da muß ich nur hoch hupffen/springen/
Vnd kan mich doch nicht dannen bringen/
Es dörrft/das ich vil flügel het/
Weil sie durchsuchen die ganz stett:
Dan seh/ich hab mich wol gebraucht
Gedantz/gehupfft/auch das ich kaucht/
Noch kam ich besser nicht davon/
Als wie du mich sichst vor dir ston:
Dan das recht Aug/vnd noch vier bain/
Die sind dahinden bliben rain/
¶n was ich hab für pletz Wunden/
Vnd gefallen bin für beulen/schrunden.

Muck.

Ja laider/das seh ich zu wol/
Dass wußt bist gefahren durch die Koll/
Aber jezund ich gern vernäm
Waher dir doch der vnfall kām:
Vnd das du mich glückselig scherzst/
Dieweil ich flig/vnweißlich schwertzst/

Ernewerte Jontag/

Dan welchem Kind ist nicht bekant/
Wie es mich fang mit holer hand/
Vnd dan entweder mich berupff
Auff das ich/gleich wie du/auch hupff/
Oder mit mir kurzweil vnd geß
Vnd inn ain Muckenhäußlin steckt:
Da mirs bald nach dem Sprüchwort goht/
Der Bazgen Schimpff ist der Maus tod.
Oder sie machens Türckisch greulich
Martern mich sonderlich abscheulich
Stecken mich an ain Nadelpsol
Vnd treiben mich dran vnhher wol:
Wann ich zur leg dan pfeis vnd schrei
Solachen sie zur Musick frei/
Mainen/wieder/so Schnecken Briet
Man sing jnen zu tratz ain lied/
Oder stecken an ain Gluff treißig
Vnd braten sie beim liechtschein pfeisig/
Oder den Kopff sie vns abknicken
Vnd zu den blinden mäusen schicken:
Vnd solchs thun nicht allain die jungen/
So singen wie die Alten sungen/
Sonder baid Mann vnd Weib sich fleissen
Das sie vns alle schmach beweisen/
Mit Leimruten/vnd Obrentenwein/
Vnd was dergleichen Luder sein:
Sie jagen vns mit Muckenwädeln
Wie opfaffen dz Gspänst mit Sprengwädeln:
Auch müssen dran brait Schusterpleß
Damit man vil ainsmals verlez:
Hörst nicht von tapffern Schneidertknecht
Der trei inn ain strach tödet schlecht:

Ja

Wider der Weiber Plag.

Ja auch die Vöglin sie anweisen
Als Mückenstecherle vnd Miasen:
Vnd fürnemlich schad vns die Spinn
Die recht Erzmuckengiffterin:
Heiffen also vns nichts die Flägel
Das man vns nicht brächt inn die Rigel,
Darumb schweig von glückseligkeit
Aim jeden ist sein Spinn bereit/
Vnd den Spinnen jr Spinnenstecher/
Es hat ain jedes seinen Recher.
Vnd sag mir jetzund her darfür
Wie es doch sei ergangen dir?

Flöh,

Nun Bruder/wir sind ains des Strelts/
Jeder maint/er hab das gröst Creutz.
Du hast ain Spinn/die dich sehr plagt/
So main ich/die so mich stets jagt/
Die sei die Erzspinn aller Spinnen/
Dan sie auch listig ist von sinnen:
Zu dem das sie stäts greulich ist
Wider das Volck der Flöh gerüst/
Schlägt aber list zur greulichait
Hilfft für den Tod kain gscheidigkeit,
Ja, das ich dirs mit ain wort sag/
Die Weiber sinds/darab ich flag/
Das sind die rechten Erzflöhspinnen/
Welcher Netz man kaum kan entrinnen/
Dan sie nicht ain Web han/wie dein/
Dieweil sie Tausentkünstlerin sein/
Sonder Weben all augenblick/
Das sie vns jagen inn jr strick.

Und welches doch gar ist abscheulich/
 Sie sind nicht für sich allain greulich/
 Sonder verfahren auß bösem mut
 Die Kinder/das vnschuldig Blut/
 Und lern sie für die hailigkeit/
 Das Flöhknicken vnd greulichkeit/
 O wie werd jr schwer Rechen schafft
 Geben/wa jr es nicht abschafft.
 Jr Mütter dörrft nun nieman klagen/
 Daß so vbel die Kind außschlagen/
 Als euch nur selbs/die jr sie lehrten
 Wie sie vnschuldig Gschöpff ermorden/
 Und jr zart Kläglin gleich besflecken
 Mit Blut/vnd sie darauff auch ledten:
 O jr wißt nicht/was Blut vermag/
 Es kochet inn aim sein lebtage/
 Biß endlich es ainmal außbrech/
 Und sich an seinem Thäter rech:
 Auch schuldig Blut nagt aim den Mut/
 Ich gschweig was daß vnschuldig thut.
 Wazu man erst die Kinder zoch/
 Das geht in all jr lebtage noch:
 Die Statt Sparta/wolt ainen Knaben
 Von Königlichem Stamm nicht haben
 Zum König/da sie han erfaren
 Das er auch bey Kindlichen Jaren
 Den Vöglin stach die augen auß/
 Dan sie namen sein art darauß/
 Daß so ers alter solt erlangen
 Wärd er wol greulichers anfangen:
 Was wärdten sie gesagt haben
 Zu vnsern Märdlin vnd Knaben?

Die

Wider der Weiber Plag.

Die nicht die armen Flöh nur blenden/
Sonder sie tödten vnd gar schenden?
Aber was ist sich zuuerwundern
Wann in der hitz die Wolcken tondern?
Das ist/wann jugend ist mutwillig
Welche es jnen halt für billich?
So es doch kalte Wolcken thun?
Das ist/die alte Vetteln nun?
Die doch auff der verschmorten haut
Nicht solten fülen/wann mans haut/
Angesehen/das der Schrepffer doch
Neunmal haut/eh er macht ain loch.
Aber (das Aber macht mich alber/
Wer aber sagt/der hats nur halber.)
Was soll ich von den Vetteln sagen?
Ich muß noch edler Geschlecht verklagen/
Namlich die zarte Jungfrawbilder
Die sich auch nicht erzaiigen miltel/
Sondern sind vnjungfrewlich gewulich/
Denen doch Blut solt sein abschewlich/
Dieweil man mancher doch den Rüssel
Auffbrechen muß mit ainem Schlüssel/
Wann sie sich nur stricht mit der Nadel/
Da es wol thet ain Farzenwadel.
Dann das ich dir/mein Sommergsell/
Den rechten buzen nun erzehl/
So wiß/das aine Jungfraw eben
Mir also geschoren hat zum leben.
Vnd wiewol das best mein Säß thaten/
Das ich auß der Schlacht bin gerathen/
Sind mir dahinden bliben doch
Mein altern/Freund vnd Gesellen noch/

Ernewerte Flohflag.

Muck.

Das hab ich jetzt oft gehört/
Wie deine Eltern sind ermört/
Drum ist mir für dich herzlich layd
Vnd verfluch die vnmultigkeit:
Das die Rachgier/nicht würd gesättigt/
Biß sie als inn grundboden schädigt.
Aber es will mich schier beduncken
Ir seyt entweder gewesen truncken/
Oder habt vnfürsichtig gar
Die Sach angriffen offenbar:
So ist's euch gangen in dem Stretten
Wi alln vnfürsichtigen Leuten/
Da nemlich vnfürsichtigkeit:
Bringt allzeit ein vnrichtigkeit.

Floh.

Es ist nicht orn/wir waren frech/
Da wir anfangen das gestech/
Vnd wann ich sol die warheit sagen/
So bringt vns Mutwill vñ den fragen/
Deßgleichen fürwitz vnd der schlech
Wir wolten zu den Erbsen speck.
Dann disen ganzen Sommer lang
Hatten wir ainen sichern gang/
Bey den Magden im Hünerhauß/
Sie lissen zihen ein vnd auß
Vnd haben kainen nie geschreckt/
Ich geschweyg ainen je erlegt:
Die Köchin vnd Kindsmaydlin auch/
Waren nicht gegen vns vil rauch/

Wider der Weiber Plag.

Dieweil sie zu faul waren Bayd
Aufzuheben it Zembd vnd Klaid:
Am Schelmenbain stact in im ruck'en/
Das sie sich gar kaum mochten bucken/
Gaben wir ainer schon ain Zwick/
So wars zu thun nur omb ain Ruck/
Das sie vns zog das flaisch auß zänen/
Darauff thät sie ain stund sich dānen/
So war es widerumb verschmārtzt/
Vnter des sprangen wir wie Hirtz/
Vnd worden bey solch sauberm Gsind/
Verwānt / faist / frech / vnd vnbesint:
Dann vberfluß bringt sicherhait/
Sicherhait zu Gay' hait verlayde.
Vnd weil Gay' hait nicht lang wol thut/
So war vns auch bereit ain Rut/
Vnd auff das die deß schwerer würd/
Worden wir tieff ins Bad geführt/
Vnd lang genug zuuor gebairt
Das wir nur würden wol verraitzt.
Dann soll ich sagen nicht von jamer/
Der Pluto. trug mich in ain Kammer/
Die war sehr herzlich zugerüst/
Als außgewäscht vnd außgewischt/
Vnd glantz von Seydin / Sammat / Gold/
Als wer es von ain Maler gmolt:
Ey / das ich nicht ain Bain abful/
Das ich mich da hinein verstufl/
Da ich nicht maint / bey herzlichkeit
Sein also grosse gfärlichkeit:
Pflay auß du Kammer voller Kommer/
Das dich beschein kain Sonn noch Sommer.

Ernewerte Flohflag.

Ruck.

Was ist dir Floh/das so verfluchst
Das gmach/darinn dein speiß doch suchst:
Ich maint/das bey köstlichen Leuten/
Auch köstlich speiß wer zuberbeuten.

Floh.

Ja wol bey köstlichen köstlich beut/
Ja vil mehr ain gar stolzer Heyd:
Niemand ist karger dann die Reichen/
Die iren aygnen Saych auch eichen:
Vnd ab ain jeden han verdruß/
Der sich nehrt bey irn vberfluß/
Sih zu/es zittern mir mein glider/
Wann ich denck an die Kammer wider/
Ey das mich nicht errrencket hat
Mein Mutter in dem ersten Bad/
So het ich nicht mit meinem pracht
Ins grab sie vnd den Vatter bracht.

Ruck.

Sag an/wie ist dir gangen dan
Als du kamst in die Kammer an?
Damit es mir zur warnung din/
Wann ich mich auch begeb dahin:
Dann ich auff köstlich ding gern sitz/
Vnd mit meim Wappen es beschmütz:
Wiewol ich deß offtr hab kain danck/
Macht mich doch der vergonst nicht krand.

Wider der Weiber Plag.

Floh.

Ich will dir sagen / laßt vns sitzen /
Du sichst / wie ich vor forcht thu schwitzen /
So bin ich auch so heffrig gsprungen /
Daß mir zerint schier an der Lungen.
Wiewol mir thut das sitzen weh
Schad mir doch jez das steht vil meh.
Als ich kam inn selbigen Sal /
Ein schöne Jungfraw vberal /
Sand sitzen ich bei eynem Bett /
Die jr gwand abgezogen het /
Vnd wolt sich legen da zur Ku /
Ich schawet jren fleißig zu /
Vnd nam beim weisen leib bald ab /
Das sie ain zartes Fleisch auch hab /
Es danczten mir die zån gleich drob /
Ich dacht / hie mustu thun ain prob /
Gewiß ich hie keyn Hundfleyß find /
Noch auch keyn Kind voll wust vnd gründe
Pfeu auß / mit alten Weibern allen /
Die nur den Arschmärsuchern gefallen /
Pfeu auß jr Vihmäd / die jr stinck /
Daß eyner schier inn ohnmacht sinck /
Jr Kusläus vnd jr Ruchinrätz /
Mein zån ich nicht meh an euch wez.
Hie komm ich zu ain frischen Brünlin /
Das ist ain rechts Kindbetter Hünlin /
Hie will ich zäpfen / hie gut schröpfen /
Nach allem lust mich hie betröpfen:
Was soll das täglich Waidwerck mir
Ich mag auch nun keyn Kindfleyßch schr:

Ernewerte Bloßflag/

Diß Wildpret vnd diß Federspil/
Das thät es/das muß sein mein zil:
Was nuzt ain/wann ainer raist/
Et findt rats/dasß er vor nicht waist:
Wer ich im Rüh vnd Zundsfall bliben
Ich het nicht diß stuck Wilds aufftriben:
Es grummt mir schon darnach der Bauch
Ich schmagt/dasß sie es schier hört auch.

Muck.

Verzeth mir/dasß ich dir red ein/
Es mant mich dises Wildpret dein/
An ienen Wolff/der nüchters Munds
Ain Surz ließ/das es gab ain dunst/
Da sprach er/das ist ain gut zaihen/
Dan es von fälle her thut raichen/
Diß bedent/dasß ich noch werd heut
Fällen die häut mit guter beut:
Gieng demnach drauff gleich auff die stras/
Da fand er bald ain Todenaß
Von ainem Schaff/darauff vns mucken
Sitzen/vnd tapffer inn vns schlucken:
Da sprach er/das ist nicht die beut/
Der Surz noch etwas bessers deit:
Zog fort/da kam er zu ain Roß
Wat krank gelassen von dem Troß:
Da sprach er auch/diß ist zu kurz/
Es bedent etwas frisch der Surz.
In des sicht er von ferz zwen Wider/
Die zsammen lauffen auff vnd nider
Mit hörnern auff der schönsten Waid:
Vnd sprach: Der Surz vns diß beschaid/

Wider der Weiber Plag.

Das ist frisch blut/gibt frisch geblät/
Gieng drauff zu jnen inn der güt
Fragt sie/was diser Streit langt an/
Ob er in nicht entschaiden kan:
Die Widerlin/als sie nun sahen/
Das sie der Wolff gern wolte sahen/
Fanden sie flugs ain list bereit/
Sagten der Streit wer vmb die waid/
Vnd weil er wer ain alter Man/
Wie seine Har dan zaigen an/
Wöllen sie in zum Richter setzen/
Vnd im den/so verliert/zuschehen:
Er nam ain an/wolt sie doch bald/
Vnd ließ sein Opffer ain klain fräud/
Vermaint/sie würden schmacken daß
Wann vbung sie vor wärmet was:
Der Wolff setzt sich fein in die mitt:
Die Wider saumten sich auch nit/
Liffen zusammen auff den Richter/
Daß er da starb fein also nüchter/
Auch vngebeicht all seiner sünd/
Vnd on eyn Testament geschwind:
Secht/solchen außgang hett der Schais/
Darauß der Wolff weissagt sein Rais/
Das im der Atam ward zu furtz:
Ließ ob dem furtz den letzten furtz:
Also sorg ich/werd dein Bauchgrummen
Vnd dein glüß dir auch sein bekummen:
Dan wann nach Honig glüß vns flügen.
Dörffen wir wol inn d Leimrut flügen.

Stoß.

C

Ernewerte Flohflag.

Du hast es warlich wol errathen/
Dann mich der glust bracht in groß schaden.
Vnd grumbt mir noch der Bauch daruon/
Der glust bekam den wust zu lon:
Dann als ich sucht allweg vnd weiß
Wie ich erlang die zarte Speiß/
Wolt ich am Bett hinauff fein ritschen
Darob mir doch die Füß stäts glitschen
Weil ich nicht wol beschlagen war/
Vnd das Bett glatt gefürnüßt gar:
Welchs mir solt sein ain warnung gewesen
Daß ich diß Wildpret het vergessen.
Zu dem het sie all jr gewand
Hoch hangen dort an ainer wand:
So vbel trawet diß schön Bild
Als wers im wald erzogen wild:
Dazu het man auch ihre Schu
Hingtragen/ als sie kam zu Khu:
Vnd strich jr Marmolsteinin füsßlin
Gantz nett vnd rain ab/ bey ain Bißlin:
Da dacht ich/ hie findest noch kain weg
Wie ich mit jr znacht essen mög/
Sie haben hie all weg verlossen/
Bin darauff in ain Winckel gschlossen/
In ainen klainen Riß vnd spalt/
So gnaw erspechten sie den Wald:
Dessen ich vor nicht war gewon
Da ich in Strällen vmb rher gon/
Behulff derhalben mich die nacht/
Morgens gleich frü ich mich auffmach/
Gedacht/ wie ich weg möcht errathen
Zu gniessen deß erschmackten Braten:

Drauff

Wider der Weiber Plag:

Drauff sül mir ein das sprichwort wol/
Das man Raht bey den Alten hol:
Beschloß derhalben rahts zufragen:
Mein Eltern/was die würden sagen:
Als ich nun zu meim Vatter kam/
Mein Mutter mich von standan nam/
An ir liebe schwarze arm
Sprach/Son wie ist dir also warm.
Du hast gewiß ain Not bestanden/
Dann ich dich lang nicht sah vor handen:
Ich sprach/O Mutter/trawets hertz/
Es ist mir fürwar gar kein schertz/
Dann ich an orten war gerait/
Da sah ich ander Schnabelwayd:
pfuy dich Buchin vnd Zünerhauß/
Hu! Strosack für all Teufel auß:
Ja woi der alten Trumpeln Nest/
Ich weiß ain /ist glat wie ain fest/
Stehat so ainen zarten balg/
Das ain gelust/das er sie walg.
Das blut scheint durch die weisse haut
Als rot Rosen durch Lylgenkraut:
Erzelt in folgends alle sach
Was ich dort sah/darauff bald sprach
Mein Vatter/der fromm greyse Man/
Son/Son/schaw was du sahest an/
Es laßt sich nicht so leychtlich scherzen
Mit edelm gmüt vnd hohen hertzen/
Die Jugend sacht offtmalen an
Das lang kein alter het gethan/
Drumo soll der Jugend vngstamm that
Sein mässigen der alten raht/

Ernewerte Stoßflag.

Dann der Alten Kälfsinnigkeit
Silt der jungen Künsinnigkeit:
Vnd der alten lang groß erfahrung
Dinet den jungen zur verwarung:
Dann mir auch noch sehr wol gedendert/
Wie in dem alter ich mich hengt
Ainer Gnadstrawen inn das gwand/
Welches sie nachschlaiff durch kat vnd sand/
Vnd das ganz hauß damit thet fegen/
Da hofft ich sicher mich zuregen/
Aber die Bärtschmägde kamen bald/
Durchsuchten all hecken im wald/
Schlugen vnd Kiopfften in den Hurst/
Das mir das hat stund widerburst/
O wie schwerlich bin ich entwischt/
Vnd hab der Magd ins gbräm genist:
Bin darnach nie so keck gewesen
Mit solches Waydwerck zuerlesen:
Allain zweymal da muß ichs wagen/
Als dich dein Mutter noch thet tragen/
Vnd het sehr wunderlich gelüst/
Das ich jr die büßt vnd vertüst.
Darnach als sie inn kindbet lag/
Mit Jungstrawblut ich jren pflag/
Dann Jungstrawblut ist köstlich gut
Gleich wie den Juden Christenblut.
Gleich wol wolt sie es gar nicht han/
Wolt sich eh leyden wie sie kan/
Aber die Ehlich lib mich trib/
Das ichs wolt wagen jr zu lib.
Dieweil dus dann/sprach sie/wilt wagen/
So seh für dich/es kost dein tragen:

Wider der Weiber Plag.

Ich hab wol etwas mehr erfahren
Als du/beym Weibervoldt/vor Taren/
Darumb ich dich wol warnen darff/
Das du sechst auff sie gnaw vnd scharpff/
Gleich wie sie scharpff auff dich auch schawen/
Traw inen gleich wie sie dir trawen.
Dann etlich sind der Lusten voll/
Das sie ain Siedt von langer woll
In Busen stecken/sezst dich drein/
Gar bald sie zwar vorhanden sein/
Vnd klauen hurug dich heraus/
Vnd richten dich/drab mit schon graust.
Etlich lasen die Busen offen/
Bist du alsdann hinein geschlossen/
Zusehen was im Thal da steck/
So haut sie dich gwiß wie ein zweck.
Etlich die hosenband lufft binden/
Wilt du dich dan dazwischen finden/
So ziehen sie denselben zu/
Vnd fangen dich mit guter Ruh.
Sint das nicht wunderliche garn/
Zufangen vns arm Weiberstarn?
Etlich haben stäts aine Hand/
Vnter dem fürtuch vnd gewand/
So bald ein flöblin nur dar schmedt/
Ist es von stundan nidergelegt.
Dann sintemal sie mercken all
Das wir gern im vndersten Thal
Vns wayden/dieweil daselbs ist
Zugleich die Speiß vnd wasser frisch/
So dencken sie auff alle weg
Das man vns da den paß verleg:

Ernewerte Flöhsflag/

Machen eh für den langen Ritz
Inn Rod vnd Belg ain langen Schlitz/
Damit sie gschwind den Krebs ertappen
Eher mag nach der hülen schnappen.
Im Niderland der Weiber hauff,
Macht die Röd auff den seyten auff/
Damit sie fein zu bayden seyten
Ain strachwehr han/vns zubestreiten.
Die Krampuppen machen zum schein
Die Geltseck ins fürnich hinein/
Vnd doch ain loch in jeden Sack
Damit sie zu vns greiffen strack/
Vnd thun als ob nach gelt sie fischen/
Da sie doch Flöhs für Gelt erwischen:
Oder machen zwen Säck zusammen/
Da der ein hat deß Geltsacks Namen/
Vnd doch ist ain recht Mördergrub/
Dadurch man auß dem Nest vns hub:
Man solt die Säck mit ihren Säck
Auch in den Säck all erstrecken.
Noch ward ich denen feind ob allen/
Welche erdachten die Flöhsfallen:
O Phalaris/du solst heut leben/
Du thest dem/so es hat angeben/
Wie dem/der den Ochsen erfund
Darin man die Leut brathen fund/
Das nemlich er die erste Prob
Müßt thun seinem newen fund zulob/
Vnd in ain grosse Leymthonu schlieffen/
Vnd sein arm leben drinn vertrieffen:
Drumb seh mein Mann/vor allem wech/
Was sicht dem Gold vnd honig gleich/

Dann

Wider der Weiber Plag.

Dann jener Magd von Gold auch träumt
Vnd griff in Zindstreck vngeträumt/
Kreuch auch kain er gar in ain Or/
Du werst sonst ain zwysacher thor.
Dann welcher gferlichkait thut lieben/
Der wrdt darinnen auffgeriben.
Solche vnd andre lehren meh
Gab sie mit in angehender Eh.
Darauff macht ich mich schnell daruon/
Vnd vnder wegen traff ich an
Ain guts Flöhbürstlin/welche kamen
Von der Statt/welche hat den namen
Von Flöhen Pulcans gnant
Slagen in Pantagruels Land/
Thut hinder Flain Egypten ligen/
Drauß die frommen Sygeiner fligen:
Die sagten wie gen Pulican
Sie herten ain walfart getan/
Da sehr ain herlich Stiff dann wer
Zu deß Sant Franzen Ordensehr/
Dann die Flöh kain Cartäuser geben/
Weil Cartäuser kains flaischs geleben.
Dann es stah in Sant Franz Legend/
Daß der fromm mann hab allzeit gneht
Die Flöh vnd Läuß sein Ordensbrüder/
Vnd gbotten/das deß Ordens ieder
Sich von seins Pruders blut enthalt/
Vnd drum kain Floh noch lauß töd bald/
Er sah auch vnter dem Brautessen
An negeln/wer sich het vergessen/
Der mußts zu Wasser vnd Brot büßen
Den Brudermord/mit blossen füßen

Ernewerte Flöhflag/

Auch in das Hochstift keyne mögen/
Dan alte Flöh vnd vnuermögen/
Derhaiben sie nicht namen an
Ovidium/den Glehrten Man/
Welcher sich zu in wünschet vil/
Auff daß er vil mit Maidlin spil:
Dieweil er vnter dem Flöhklaid
Sucht weg zutreiben sein gailhait:
Dis ist wol/sprach ich/bedacht worden/
Wer gut es geschäh inn allen Orden:
Dieweil vnter dem Schaffsklaid
Vil schein suchen irer Wolffswaid.
Auch sagten sie/wer daselbs meh
An Vbungschul für Junge Flöh/
Da man sie leret seltsam spräng/
Vnd stechen nach dem Jungfrawring/
Zubrauchen solches inn der Not/
Vnd zugewinnen damit jr Brot.
Also wir fort inn dem gsprach zugen
Vnd vnter wegen vil rhat schlugen
Wie wir die Raif wol legten an
Zubringen eyn gut beut dauon:
Da befand thatsam der ganz hauff
Das man eyn Haupt werff aller auff/
Vnd damit es abgieng on neid/
Solt das Loß scheiden allen streit:
Wiewol es waren vngwont sachen
Eyn Hauptmann durch das loß zumachen/
Dieweil es noch wol glück bedarff
Wann man sie auch erwelet scharff:
Idoch ful gleich das Loß auff mich/
Vnd ward vnschuldig Hauptman Ich:
Welches

Wider der Weiber Plag.

Welches ich dann nicht widersagt
Damit man mich nicht schilt verzagt:
Wiewol mich mein Gemal zur hand
Darumb nicht hatte außgesand
Derwegen gar nichts zu versaumen
Ließ ich die ganze Nacht mit traumen,
Vnd weil ich allweg het gehört
Wann man kam an eyn frembdes ort/
Solt erstlich man zu Kirchen gon/
Da daucht es mich auch wol geton/
Fürnemlich darumb/weil ich wußt
Daß man ganz still daselbs sein muß/
Vnd in der stillneß man vor andacht
Gleichsam verzuckt ligt inn der onmacht/
Da/dacht ich/würd man vns nicht achten/
Wann spannenlang wir flecken machten.
Drumb morgens/als zum Ampt man Lutt/
Ermant mein Kriegsleut ich damit/
Vnd sagt zu meinem Leutenant
Aynen der war Pruchsidel gnant:
Vnd saß auff eynen meiner Knecht
Den brauch ich für mein Leibhengst recht/
Dan je eyn Mensch den andern auch
Helt für eyn gaul vnd Esel ranch:
Als der Tärck lehrt die Christen büßen
Das sie den pflug im zihen müssen:
Vnd der auß Moscau zwingt sein Bauren
Sein gschütz zuziehen für all Mauren.
Als wir die andacht nun befunden
Geschwind zustrümen wir begunten
Den Weibern vntern Belzen her:
Ich dacht/dieweil ich Hauptman wer

Ernewerte Flohflag/

Gebürt es sich/das ich mich thet
An ain hoch ort vnd achtung het
Wie es mein Kirchen stürmern gang/
Drumb ich bald auff die Cangel sprang/
Sügt mich vnter des Priors Butten
Welcher sich deß nicht thet vermuten/
Vnd macht im Trysaments gut tuch/
Er het schir fallen lan daß Buch/
Vnd wer in der Red hstanden schir |
Alß er griff in den Latz nach mir/
Het schir die Pest den Bauren gflucht:
In deß ich ainen außgang sucht
Oben beym Fragen/daß ich seh
Wie es meinen Spißbrüdern geh/
Doch ich kein Kemmetfeger gab
So schreyen vom Schornstein herab:
Alß ich nun also sah herunder
Da sah ich auß der Butt mein wunder/
Ja wol andacht/Ja wol gebett/
Keine auff d'predig acht meh het/
Nichts sah ich alß ain rucken/zucken/
Ain schmucken/bucken vnd ain trucken/
Ain zwicken/stricken/vnd ain knicken/
Vnd vil zerriben gar zu stücken:
Ich gdacht bey mir/gewiß ich glaub
Die straff komm vns vom Kirchenraub/
Wie den Römern bekam das Gold
Welchs sie zu Tholou hant geholt.
Gleichwol ain guter Boß daz geschah
Ain Weib saß bey der Thüren nah/
Damit sie lufft gehalten könt/
Dann vnterm gwelb den schwangern gschwint

Vnd

Wider der Weiber Plag.

Vnd het ain treybainigen stul/
Ich waiß nicht/wie die andacht ful
Dass sie andächtid drob entschlieff/
Ainer auß vns bald zu jr lieff/
Vnd künzelt sie in ainer seyt
Das sie vberlaut O we schreyt/
Vnd wie sie eylend wolte zucken/
So salt sie hinder sich an rucken/
Das jr der Rock ful vbern kopff/
Der prior drob das aug zustopff/
Also der grewel im anlag/
Vnd ward drob hayser wol acht tag/
Jedoch erschrad sie nicht so sehr
Das sie nicht griffen het zu wehr/
Erhascht den sloh/warff in gen boden/
Vnd knirscht in mit dem stul on gnoden:
Vnd diser war mir was verwant/
Hieß Schneick insthal/ von gutem stand/
Als ich nun mercket den verlust
Macht ich mich auß dem Kuttenwust/
Berufft mein Volck an ain gwiß end/
Richt auff noch vier sloh Regiment/
Vnd zaigt in mein vorhaben an/
Wir wolten nun hin auff den plan
An Markt/da möcht vns baß gelingen
Diweil die Weiber vnser dingen
Vor irem gschweiz nicht würden achten/
Dann eh sie ain halb stund gelachten/
Vnd Scheren schliffen aine stund/
Da in nicht gstehet hand noch Mund/
Eh sie iren Gvatin außlegen
Wie vil jr zennen Ayer legen

Ernewerte Flohflag

Vnd wie vil Mäuß jr Ragz nechst fing/
Vnd wie es der Nachbaurin ging
Nechten/da jr das flaisch brant an/
Vnd wie voll gwesen sey jr Man:
Was holdseligen Kind sie het/
Wie vil wochen sie tragen iher/
Vnd wie jr Magd die Häfen brech
Vnd jr Knecht als verthu/verzech/
Wie vil sie garn gespunnen hab/
Wie jrs nur halb der Weber gab/
Wie vil Blayder im trog sie hab/
Was jr der Man inn d Bindbet gab/
Vnd wie sie jezund in Hundstagen
Die Flöh so leyden vbel plagen:
Eh sie/sagt ich/solchs iren grattern
Nach der leng blatern vnd erschnattern/
Dieweil können wir an sie setzen/
Vnd sie nach allem vorthail pferzen/
Dann vor angstigem hezengschwertz
Empfinden sie nicht vnser pferz.
Darauff wir bald dem Markt zulifen/
Vnd tapffer auff die Weiber griffen/
Hinwider sie auff vns auch tapten
Vnd etlich fein gsellen erschnapten/
Als Sensimhemd/den Hindenzu/
Den Lagnasß/vnd den Nimmerru.
Ich als ain Hauptman hezt sie an
Sie solten nicht so schlecht nachlan.
Da sah man ainen grossen Streit/
Vnd der weiber sehr grossen Meyd
Welchen zu vnserm gschlecht sie tragen/
Dann wiewol man pfelet zulagen/

Wider der Weiber Plag.

Es hindert stäts/vnd sey nicht gut
Wann man zwo arbeyt ainsmals thut/
Jedoch die Weiber vns zu layd
Eriben zugleich jr gschwezigkait
Vnd auch jr gifftig grimmig griff/
Man griff sie an hoch oder tieff.
Vor zorn sie durch die zän auch redten
Wann sie ain zwischen fingern hetten/
Stelten auff andre zornig sich
Vnd mainten vns doch aygentlich:
Wie pferd im Notstall stampfften sie
Wann wir in sassen vnter im knie/
Sie stunden eh auff ainem fuß
Das vns der ander reyben muß.
Aine erwischer ainsmals zwen
Zerknitscht sie auff dem Korb ganz hön/
Vnd sprach dazu auß grossen grim/
Die Todten/hör ich/beissen nimm.
Ain andre hat gekauffet fisch/
Vnd drüber gossen Wasser frisch/
Als offt dieselb mocht ain erwischen/
Warff sie in ins Wasser zun fischen/
Also im Wasser sterben theten
Die nie kein Wasser betrübt hetten:
Vnd vnter in dein bayde Vetter
Der Hochpliz vnd der Wollenschretter.
Aine ain Neglinstocck het kaufft/
Als dieselb der Hundshummel kaufft/
Sieng sie in/steckt in inn den scherben/
Mußt da lebend begrabend sterben/
Ain andre stund da in der Metzig.
War wie ain Guckgauch grindig/krätzig/

Ernewerte Flohflag/

Als ir ain Floh kroch vbern rucken
Thet sie sich an ain pfoften schmucken/
Vnd rib sich wie ain ander Saw/
Vnd da blib deß Hundsthumfels frau.
Aine saß dort/vnd hatte sayl/
Zu deren n:icht auch ain gut rhayl/
Die losung war ir nicht dermassen
Hoch anglegen/das sies kont lassen/
Zugreiffen zwischen bayde Bam/
Sonder griffernstlich flugs hinein
Vnd jaget das Schwarze Wildpret,
Das sich im Forst gesamlet het/
Sie wußt kein ort sie zuerschlagen/
Zu lezt richt sie sich auff den Schragen:
Die hießen Schluschen/Supfloch/Schratter/
Vnd waren drey Brüder vom Vatter.
Es het aine ainen gefangen/
Aber er war ir da entgangen.
Da wurff sie ir Schlaphaub nach im/
Vnd all ir Schlüssel vngestüm.
Ain andre dort zu Mittag aß
Vnd als der Silzfloh ir hart maß/
Fuhr sie hinein mit Schmutzg henden/
Tapt so lang an den schmutzigen wenden/
Biß sie ertappet iren queler/
Da richtet sie in auff dem Teller/
Bey Wein vnd Brot/die man solt ehren
Vnd nicht mit Blut verguß vnehren:
Da dacht ich an den Traculam
Der sein Mal vntern todten nam.
Ain Magd zu ainem Bronnen kam/
Derselben eylends ich warnam/

Wider der Weiber Plag.

Gedacht/da hastu gute weil/
Dann weil sie schöpffet in der eyl/
Banst du jr Blut dieweil auch schöpffen:
Vnd dich nach aller gnüg bekröpffen:
Der Aimer war nicht halb heruff/
Da gab ich jr ain satten puff/
Nub bey der Waych/da es was süß/
Den Aimer sie bald lauffen liß/
Vnd hub sich schnell auff hunden/biß
Man iren sah die Kerb gewiß/
Ich marc't den bossen/sprang hindan/
Da kam sie ainen andern an/
War seiner Mutter ainzig Kind
Vnd hieß mit namen Pferz sie Lind/
Der muß das junge leben sein
Da lassen auff dem kalten stein.
Noch felt mir ein ain schlimmer Sott
Ain alt Weib saß dort wie der Tod
Am Grämpelmarc't/hat wol sayl war/
Die wol so alt als sie alt war/
Alt Lumpen/Windeln/Birenschuitz/
Gusen vnd Kladein ohne spitz/
Alt Zufeyssen/die man mit lachen
Soll können zu rostig Gold machen/
Stumpff krumme Negel/die die Buben
Im regen auß den Lachen gruben/
Zerbrochen gläser/Spindelspitzen/
Bauchzapffen/Römisch Mänz auß pfitzen/
Vnd ander meh selzam Gerümpel
Alles gestämpelt vnd verhämpelt/
Darauß sie groß Gelt gewinnen wolt
Zu irem gmatnen Zupplersold.

Ernewerte Flohflag/

Dieselb het nach alten gebräuchen/
Die her von Lue Belg solln raichen
Eyn lügen Belg vmb/sah darauff
Wie eyn Schiltkrott auß irem Hausß:
Zu diser alt verrostet Schellen/
Fügten sich etlich meiner Gesellen/
Der Belzkrebs/vnd der Zindenpick/
Der Kammergail vnd Sommerflick/
Die stüben inn dem Belg herumb
Als ob es wer jr aygenthumb:
Den trotz/wolt sie kurgumb nicht leiden
Inn iren Forstgerechtigkeiten/
Sie zandct mit füßen/Ars vnd Händen/
Vnd schwur der Teuffel solt sie blenden
Wa sie in nicht den trotz vertreib/
Vnd solts kosten iren Jungen Leib/
Siugs griff sie zu mit baiden fäusten
Vnd jagt sie tapffer durch die Käuschen/
Der Belzkrebs konnt sich nicht so schmucken/
So war die alt im auff dem Rücken/
Biß sie zu letzt den Armen tropff
Erhascht bei ain Bain vnd dem kopff:
Vnd weil sie vnter sich het gestellt/
Eyn alten Hasen für die Kält/
Warff sie in inn die glut hinein/
Der nie vergifft het pferd noch schwein/
Vnd da er zerknällt inn der Glut/
Lacht sie/vnd sprach noch wolgemut/
Diß ist nichts/du hast noch Gesellen/
Die müssen mit dir auch zerschellen/
Ergriff darauff den Sommerflick/
Den Kammergail vnd Zindenpick/

Vnd

Wider der Weiber Plag.

Vnd warf sie auch hinein ins Feuer/
Welchs war zusehen Vngeheuer:
Aber die Hailig Gerechtigkeit
Die kain vnbill vngrochen leid/
Auch rächt ain klains vnschuldig Schaf/
Die schicket iren aine straf:
Dan sie inn der Glutkästen protet/
Vnd weil sie ain Käst nicht het gschrotet/
So ward diselbig gar aufdrörsch/
Vnd macht die ganze Glut Rumdrörsch/
Sprang/vnd warf vnsich Kol vnd äschen/
Vnd zündt schir an der Nitzen Gläschen.
Iraht Cavern/zusamt dem Loch
Daraus der stinckend Atam Kroch/
Welchs/wie ich glaub/ain deltnus war/
Das sie noch solt verprennen gar:
Auch solt ain weib ain Warnung sein
Die Glut zustelln zwischen die Bain/
Dan sie mag aus dem windloch leicht
Blasen zu starck oder zu feucht
So geht die Glut an/oder stinckt/
Welchs inen bald gros Vnfall bringt:
Aber sie thun es vns zu Laid
Vnd inen zu aine Augenwaid:
Darum ain schelm der Weibern schonet
Vnd inen nach verdinst nicht lonet.
O wie daurst mich/du Beckimschlaf
Vnd du Nachtwacker/ever straf/
Das jr nicht euerm Nam nachkamen/
Vnd disen hatz bei Nacht fürnamen/
Weil offt der Namen bringt ain Amen/
Daraus man wais bald glück vnd stamien/

Ernewerte Sloßflag

Jedoch der Tod ist euch kein Schmach
Wieder/so lahn kein gedächtnuß nach/

Dann ewer Feindin/die euch töd/
Auff mittelm Markt da legen thet
Ain stain auff euch/stätszugedencken
Das euch der vnfall liß versencken.

Also muß der Feind vnuerhofft
Auch seine Feind verehren offt.
Vil störzten sie inn Fluß vnd Brunnen/
Die darnach sind inns Mörz gerunnen/
Welches mit in mitleiden hat
Vnd warff sie wider ana gestad/
Sie zubegraben inn den Sand/
Wie von pultican ich verstand.

Ain Bäurin wol beklait mich zwilch
Sas dort/het ain Zaffen mit Milch/
Vnd weil nicht gleich ain Kauffman kam/
Ain klaines Schläfflein sie einnam/
Vnd als ain wenig sie entmuckt/
Eilt Schleichinßthal/gab ir ain truck
Am ort da sie es nicht het genuck/

Es war nicht weit vom finstern stern:
Sie auff/vnd streckt den fuß von sich/
O wie muß ich erlachen mich:

Den Milchhaffen sie gleich vmsstieß/
Vnd ainen furtz dazu fein ließ/
Vnd schwur bet ihres Bauren ding/
Darauff flugs inn ain Winckel gieng/
Sas nider/als ob sie wolt Wässern/
Vnd griff allweil nach iren Zässern/
Lezlich ergriff sie in beim Fuß/
Komm her/die Milch mit zalen muß/

Wider der Weiber Plag.

Sprach sie/vnd nam in zwischen dzân/
Zermalt in Flain: Ich hab dirs gân.
Sich da/was grosser greulichkeyt
Erfur ich da mit herzenlatd:
Ich dacht/hie ist nicht gut zuharren
Der Teuffel ist in dWeiber gfarend/
Bain scham ist bei in meh zufinden/
Greiffen am Marck fornen vnd hinden/
Sordert desßhalben bald zusamen
Die vberblibne/so entkamen/
Sprach zu inen: Ir Spißgesellen
Alhie würd nicht lang sein zustellen/
Der Marck hat Marcks art/nemlich zand/
Vil Hadern/palgen vnd vndand:
Wir wollen vnters Tach vns geben/
Villeicht han wir ain sicher leben:
Dann je von wegen sicherhait
Wider der Thier vngstümigkait
Worden erstlich gebaut die Häuser/
Da das Volck miltet ward vnd weiser:
Wie solten Greulichkait die vben
Die das greulich Wild von sich triben?
Ich denc/
Ir Heuser sind kein Hülen:
Darin Löwen vnd Bären wülen:
Es sei dann/wie ich schter muß sorgen/
Das villeicht darin ganz verborgen
Ain vnruh die Flöhbärin machen/
Die Weiber/die vns stets verwachen.
Doch in seiner Hül kein Thier wüt/
Also kein Mensch in sein gebit:
Derhalben laßt es vns drauff wagen/
Verzagte Jäger nichts erjagen.

Ernewerte Flöhsflag/

Als sich das Volck nun zsammen funde/
Sand ich vil Bainschröt vnd verwundte:
Die sand ich gen Sant pulican
Ins Flöhsstift/in zurathen lan/
Da mochten sie in beiden Läusen
Auffschlagen lassen newze eisen.
Vnd weil ich mein Volck fand sehr schwach/
Wolt ich mit vortheyl thun zur sach/
Wagt selber mich recht zuerspehen/
Wa man dem Setz d möcht possen trāhen.
Nam zu mir etend fünff Trabanten
Beishart vnd Irtsi sie zwen nanten/
Desgleichen Hanspitz/Schauderfalt/
Bauchtrom/Harwurm/vnd Finsterwald:
Mit disen trabt ich zu aim hauß/
Da gieng mir von stund zu eyn grauß
Oben zu eynen Laden auß/
Dann ain Weib h'elt da ainen strauß
Hinden vnd voren nackt bloß/
Mit vilen Flöhen kleyn vnd groß/
Welche der Hauptman Stampffhart füret/
Vnd in jr Zembd træn einfuriet/
Die sprāngt sie zu dem Laden ab/
Da es dann vil krumm schendel gab/
Vad wann sie ainen da ergriff
Den Benzengawer sie im pfiff/
Vnd knilt in mit so grosser gir/
Küchlin het's gessen nicht darfür/
Noch ließ ich michs nicht schrecken ab/
Sonder ins hauß ich mich begab
Zusehen die Flöhsrāngerin/
Was sie noch weiters greulichs künnt/

Wider der Weiber Plag.

Da sah ich auff vnd ab sie gehn
Gantz nackend inn der Kammer schön/
Damit sie die Flöh an möcht bringen/
Das sie jr an die Schändel springen/
Vnd sie darnach ins Wasser straißen/
Vnd inn am Tuber gar erläuffen.
Da dacht ich/die hat meh verstand
Als ane/die ich ainmal fand/
Welche da sie sah bei dem Liecht/
Wie allenthalb man an sie fricht/
Da sprach sie/O ihr Lausig Flöh/
Den possen ich nun auch versteh/
Ich will das Liecht jetz löschen eh/
Was gelts wa jr mich finden meh?
Aber dise jr füß fail bot
Auff das sie vns verkaufft den Tod:
Ja sie trieb zu der gscheidigkeit
Auch so hönische greul. chkeit/
Das es mich Hertzlich hat verdrossen:
Dann wann man sie zu hart wolt stossen/
Sprach sie/O du schwarz Teufflich Hertz/
Du bist nicht raines Wassers werd/
Ich muß dich in eyn Seychbad schicken/
Darinn du must vor Hitz ersticken:
Beutelt demnach/was an thet henden/
Innd Seychfachel/sie zu extrencken.
Wann sie dann diß Bad auch vollend/
Kam eilend sie zum Berh gerent/
Wurff schnell die Decken hin vnd wider/
Vnd siicht nach Krepsen auff vnd nider/
Ersucht zupffel vnd all Nätlin/
Wie arme Leut die Seckeltädlin/

Ernewerte Flöhflag/

Zieng darnach Leilach/ Beltz vnd Zembd
Fürs Fenster/welchs mir war gar frembd/
Weil alls war auff die Flöh gericht/
Als ob es wer im Lerchen strich:
Dann auch die Kammer war besprengt
Vnd Tgelschmaltz darein gehendt/
Desgleich vil Junger Ehrlinzweig/
Damit man das Flöhgsindlin treug:
Sie nam auch des Mans hosen her
Zusehen ob auch Wild drin wer/
Sucht in dem Gläs/ sucht in den stümpffen/
Sucht vmb den Latz in allen Sumpffen.
Da dacht ich/hie machstu Keyn Mist
Wa man so gnau mit suchen ist.
Trabet deshalb an eyn ort
Da ich vil Kinder wainen hort/
Da sul mir ein/das wer ain sach:
Dann weil die kind sind blöd vnd schwach/
Vnd sich nicht können wol erwehren/
Mögen wir vns bei in wol nehren/
Sand derwegen auß mein Trabanten/
Das sie das Volck zusamen mahnten/
Darauff sie gleich zusamen kamen/
Mit Heereskrafft das hauß einnamen/
Den Nechsten eyner eynem Knaben
Thet vnter das gewantlin traben/
Deßgleich der ander vnd der drit/
Das Büblin mochts erleiden nit/
Sonder krümmt sich gleich wie eyn Wurm/
Vnd schrey/als ob man läutet sturm/
Rufft die Großmutter hertzlich an/
Dieselbig als bald frachen kam:

Sprach/

Wider der Weiber plag.

Sprach/Liebes Kind/wa ist dir we?
Es sprach:Mich beissen sehr die Flöh:
Bald hub sie im das ärßlin vff/
Es mit dem Kopff durch d Bain jr schluff/
Da sucht im ab die Alte schell
Die Flöh allsammen wunder schnell/
Da blib im lauff der Jungfrawgramm/
Der Kalmauß/Marckstich/Hauindschram/
Vnd was sich sonst da hinden saumbt/
Das ward mit dem Troß auffgeraumbt:
Dann sie der Süchs mehr her geschunden/
Vnd jhr tag vil hart biß empfunden.
Ein Kind lag dort inn seinem schloff/
Zu dem flugs inn die Wiegen schloff
Der Bettraub mit sampt seinen Gellen/
Vnd stupfften es/das es thät/gällen/
Als ob es an aim spiß thät stäcken.
Wolt auch nicht schweigen meh vor schrecken
Die Kindsmagd sang im oder pfiß/
Biß die Magd inn aim zorn ergriff/
Die Wagband/vnd sie schnell wand auff/
Vnd warff die Windlein all zu hauff/
Zusehen ob es vnrahn Lig/
Oder was im sonst fälen müß/
Da sah sie ettlich Schwarze Reuter/
Vnd rufft als bald/Nun seh ich leider/
Was dem armen Kind hat gemangelt/
Seh/wie es die Dieb hand geangelt:
Sind das nicht Mordtbrenner zuschätzen
Die so vnschuldig Blut verletzen?
Ei das euch schwarze Ertzschandschelman
Der Hencker müß ainmal noch helmen

Ernewerte Flohrlag/

Jagt demnach die Schwarz Rott herum/
Biß sie den Bettraub trat gar krum/
Ober den ainen gieng die Wag
Das er vor ihr gestreckt lag/
Ihr zwen sie mit dem fuß zertrat
Vnd bewiß kurtzum kaim genadt:
Ir etlich andre kind angriffen/
Dieselben flugs zur Mutter liffen
Vnd konnten vbel sich heben/
Da kamen all Belzwürm vmb leben.
Sürnämlich ainer dauert mich sehr/
Der war der frömbst im ganzen hör/
Dem thäten sie all fuß außzucken
Vnd darnach inn das Salzfaß trucken:
Vnd hies Leistapp/der auch verlur
Zwen Brüder/Schlagin/Pfinnenspur.
Etliche hieng man an die fuß
Gleich wie die Juden/zu verdrieß:
Die heissen Plutdurst/Sporst/Toznwang/
Kopfflug/Schrepffer/Vortif/Zohnzang.
Etlichen zog man seiden faden
Durch die Nasß/vnd hiengs für den Laden/
Etlich wie Haring vñ den Offen/
Viel ihm Offenkessel ersoffen/
Darauß warm wasser sie dann Namen/
Vnd schöne suppen drauß bekamen:
Etlich sie zu Sant Lorenz machten/
Vnd inn den glüend Bacheln bachten/
Welche sie als dan thäten rieren
Für Sänchel inn die Spraten Biren.
Vielen schnitten das Maul sie ab/
Die doch/welchs groß verwundern gab/
Dauon

Wider der Weiber Plag.

Dauon sprungen/dauon zukommen/
Vnd bettelten darnach wie die stummen;
Vnd zwar/gar nah es mir da stund/
Wann ich nicht gewesen wer so rund/
Vnd von dem kind entsprungen wer
Dem Maidlein inn den Busen lähr/
Dem ließ auß Rachgirt ich ain Netz/
Vnd gab ihm inn die seit ain pferz/
Das es auffhupfft/vnd ruffet Och/
Vnd ließ das kind falln wie ain bloch.
Die Mutter laufft zu zornig gäh/
Wolt das kind nicht auffheben eh/
Bis sie das Maidlin bei dem Kragen
Genommen het/vnd gnug geschlagen.
In summa da war solche Not/
Das nichts da war/als der gwis Todt/
Darum wir vns alobald verglichen
Vnd inn ain ander Gemach schlichen/
Darin zusammen kommen waren
Viel Geuattern/von vil Jaren/
Da übten wir vns weil sie spinnten/
Vnd schwazten von den Alten kinden/
Sie aber als die Rechte Spinnen
Spinnten ain Netz/vns zugewinnen.
Dan zwo Alt verteln sich da hielten/
Die kain Speichel im Mund meh fülten/
Vnd hätten drum an Rocken ghenck
Häfflin vnd Horn/voll wasser gschendck/
Dieselben/was sie da erzwaecten
Flugs inn ihr wassergschirlein stackten/
Vnd leckren sie heraus doch wider/
Kamen also inn Wagen nider:

Ernewerte Flohflag.

Damit auch Hack'insbäcklin gieng/
Den die Alt an der Tochter fieng/
Auch Blutkropff/Sanhack/ Hechelhor/
Der Buckelsprung/vnd Jungfrawspor:
Ain ander het Prüst wie Hürtrummen/
Drauff man wer/wie auff Blasen gschwummen/
Vnd thaten so steiff dazu ragen/
Das sie zwo Maskann mochten tragen/
Darhinder schantz sich Stechzumkrantz/
Mit viren/so wagten die schantz.
Aber die worden sehr geträngt/
Dann sie di Prüst herfürher zwängt/
Vnd truckt den Arm zu/da sie huckten/
Vnd fieng ihr drey/die sie sehr truckten.
Sie liesen ettlich lang vmschwaifen/
Biß sie die gar woll mochten greiffen/
Als dann nexten die finger sie/
Vnd fiengen das ainfaltig vieh:
Welchs sie dann auff dem Teller knillten:
Doch die so ettwas verstands hielten
Das Tischtuch hinder sich vor zogen/
Vnd knidtschens mit dem Ellenbogen/
Manche griff hinauff biß an Nabel:
Manche het am hals ain gezabel:
Die Greta wolt auch nicht meh spinnen
Wanns am Rücken der Flöh ward innen/
Sie mörd wol iren ettlich Schlägell/
Das sie bekam gar Rote Nägell/
Vnd war ihr Richtstatt der nächst stul/
Doch unuerdampft vor dem Richtstul.
Die ander sie mit Wörden knidtschten/
Vnd stachen sie mit Spindelspitzen/

Wider der Weiber Plag.

Da blieb/welchs immer ist ain schand/
Der frembd Ritter/pulsfüler gnant/
Dazu nur durch ains Maidlins finger:
Dann der Tod würd geacht geringer/
Den ainem anthun grosse Leut/
Als dann wird man zur Grossen Bent:
Aber es wer im auch nicht glungen/
Wer er nicht dem Harigel gsprungen
Ins schmutzig Lausig Strobelhar/
Darinn er gleich verwirret gar.
Gleich wie auch geschah dem Nägelspreiß
Als er ins Flachswerdt sprang ganz leiß.
Aine warff ir Nähwerdt beiseit
Vnd griff hinab/wais nicht wie weit/
Vnd holt in ainer finstern Hurst/
Des Leutenants Bruchfidels Hurst/
Dieselb zerschnitt sie mit der Schär/
Damit sie nur gung zornig wer.
Aine het vor dem Maul die Kant/
Krazt doch im Gfäs mit ainer Hand:
Meine Trabanten sand ich auß
Weiter zusehen vmb im Hauß/
Da kamen sie gleich in die Buchen/
Vnd theten die Köchtn besuchen/
Die erhascht bald den Springinsröckel
Vnd töd in auff dem Hafenteckel/
Den Topffsifect hieng sie in Rauch/
Stecht inn Hasen den Mausambauch.
Der Düttengeiger kaum entran/
Das er mir zaiht den Janer an/
Auch vilen sie die Köpff abbrenten
Vnd vil an beiden augen blendren/

Ernewerte Flohflag.

Aber fürnemlich ich erblick
Etlich fürnäm greuliche Stück/
Nämlich inn ain Buzschär sie steckten
Zwen Brüder/die sie drinn ersteckten/
Inn dem giftigen rauch vnd Gestand/
Dauon man Malzig wird vnd Franck:
Den Edlen Hauptman Rauschimbart/
Der sie lang het geplaget hart/
Mit haissen vnschlicht sie beträufften/
Ainen in Weinglaß sie ersäufften:
Ja auff das sie nur greulich Schaden/
Ain togend Flöh in Wein sie thaten
Vnd sofften die eynander zu/
Zum Bund/zulassen vns keyn ruh/
War das nicht ain gewlicher Bund
Der inn ains andern Blut bestund?
Auch den Hauptman Habhindenacht
Haben sie wie ain Saw geschlacht/
Ja hant im wie Sant Asmus auch
Die därm gehaspelt auß dem Bauch
An eyne Nadel/vnd das hertz
Wein liecht gebraten für eyn scherz:
Ain alte die an Krucken gieng/
Etlich ans creutz der Krucken hieng/
Vnd mit dem spitzigen beschlag
Stach sie nach inen alleweg/
Zu zeiten ir Rachgitz zustillen
Töd etlich sie auff irer prillen
Die Hund auch nach vns schnapten häßlich/
Vnd bissen inn jhr Haut selbs gräßlich.
Inn summ/sie eyn solch Morden hetten/
Das ich mich kaum samt dritt mocht retten.

Wider der Weiber Plag.

Ir sechs/die gar plump einhin plumpten/
Inn ain Milchhasen sie eindunckten:
Aine stelt sich so gar greulich frembd/
Das sie eyn Stück riß von dem Hembd/
Vnd es mit samt dem Floch verbrent/
Auch drob verbrent schier ire Hent/
Eilich vergruben sie inn Schne/
Die ich darnach sah nimmermehr/
Wiewol man sagt/was im Schne steckt/
Der Sommer widerumb auffdeckt:
Vnd mußt ich/vnd der Leutenant/
Auch der Zuiauff/vnd eyn Trabant
Aim Hündlein/welchs luff auß vnd ein/
Tieff schleffen in die Woll hinein/
Auff das es vns mit gutem fug
Auß diser Mördergruben trug:
Gleich wie auch der Vlisses that
Als in versperet der Säuklops hat
Inn sein Stall mit den Kaisgefärten/
Vorhabens sie all zu ermorden/
Da schmuckten sie den Schaaffen sich
An ir Bauch vnten listiglich/
Vnd kamen also auß dem Last/
Weil der Knopff die Schaaff oben tast:
Also thaten wir auch hierinnen
Bei den Säuklopisch Flöhfresserinnen.
Nun als ich kommen war hinauß/
Da kam mich erst an der recht grauß/
Als ich von anfang erst bedacht
Was für schön Volck wer umbgebracht/
Dasselb bekümmert mich vil mehr
Als das ich war verwundet sehr/

Wiewol

Ernewerte Flöhlag/

Wiewol ich da bekam den straiß/
Mit einer Arucken in die waiß/
Dauon ich noch heut hincßen muß/
Vnd bracht dauon ain lamen fuß.
Sidher hab ich das Weiber gschlecht
Verfluchet wie das Schlangen gschlecht.
Vnd halt die Häuser/da sind Weiber/
Für Raubhäuser voll Strassenrauber.
Was nimmstu nun mein lieber Son
Wie dein Mutter hab ab mir gton/
Als ich kam also zugericht
Vnd hat dazu nichts außgericht/
Fürwar ich muß besorgen mich/
Das sie nicht also krencket sich/
Das sie vor angst/die sie einnam/
Ins Kranckbett auß der Kindbett kam.
Derhalben Son/ist dir zurhaten/
So stoß dich an deins Vatters schaden/
Ich war auch/wie du Jung gesinnt/
Aber het man mir diß verkünt/
Wie ich dir jezund saiget an/
Kain Roß mich gezogen het hinan.
Wir haben nicht geringe Feind/
Ober all list die Weiber seind/
Nicht anders traumen sie vnd dichten/
Als wie sie von der Welt vns richten:
Gewiß wann sie in gdancken sitzen/
Auff vns sie ir gedancken spitzen.
Wann sie am Nagel sich vergafften/
Wünschen sie/das wit all dran hafften:
Sie lernens her von Jugend bald/
Vnd werden darin auch veralt/

Wider der Weiber Plag.

Das sie mainen/kein Todtschlag sein/
Wann sie schon Leben lisen kein.

Die Kind hans von der Mutter erschmackt
Wann sie den belz klopfft fein im tact/
Vnd keren flugs ihr Belzlin vñ
Vnd schlagen auch fein auff der Trumm.

Vnd je meh stattlicher sie seind
Je minder Leiden sie vns feind/
Mainen es soll in nicht geschehen/
Dieweil sie hergehn auff den zähen/
Vnd können das Loch selzam trehen/
Das Maul krümmen/als äsens schlehen.

Darumb laß dich deins Glück's benügen/
Dan höher fliegen thut betriegen.

Du bist nicht hoher Leut genoff/
Zu grossen gehört auch etwas Groß.
Bleib du bei Bündel vnser Magd/
Da kanstu waiden vnuerjagt:

Dann sie ist also mächtig faul/
Ich glaub wann auff sie trädtt ain Gaul/
Sie wendet sich nicht vñ ain hor/
Wie der/dems Wasser troff inns Ohr.

So ist sie auch fein schmutzig fett/
Das allzeit ihr anklebt das beth/
Dan kan sie schon nicht drinnen sein/
So gnet sie doch stäts darein.

Bei deren Kanst ain bitten finden
Du wollst daforren oder hinden/
Nächstmals sie bei dem Herd entschlieff/
Die supp all inn die äschen lieff/

Das mit dem Gfas sie darein saß/
Vnd schlug die Flamm ihr gar zur Naß!

Ernewerte Flohflag

So brann jr auch die Tupp am Loch/
Noch wolt sie nicht erwachen doch/
Biß d'Katz den Praten nam vom spiß.
Wie mannst/das ich sie damals biß?
Am Leib macht ich jr so viel Flecken/
Als säs sie inn den Nesselhecken.
Die jr darnach die Fraw im Haus
Mit Ofengabeln fein rib auß:
Drum wilt du lieber sicher leben
Als inn stären vnruen schweben/
So bleib bei dem bescherten As/
Vnd dich nichts fremds verleckern las:
Bei schlechtem ist man sicher baß/
Weil nieman ain vergonner das:
Nurwillig macht die schlechthafft spets/
Das man mit Eseln geht auff's etc.

Muck.

Sürwar/mein Bruder Kästingläs/
Der kalte Rhat war gar nicht böß
Den dir dein Alter Rachelbrut
Gab/folgen wer gewesen gut.
Dann halt nicht ghört von der Stattmauß/
Wie sie spaziert ins feld hinauß/
Da sie zu gast die Faldmaus Lud/
Zunehmen mit dem feld für gut:
Küst darauff zu/trug fürher dar
Was im äusersten Winckel war/
Was sie den Winter her gesparr/
Das schier lâr die Speiskammer ward/
Damit sie nur der Zarten zucht
An gniegen thât mit schönster frucht.

Aber

Wider der Weiber Plag.

Aber was man vorsezet immer
Dem Stattjundher vom Strawenzimmer/
Darab rimpft er nur stirn vnd Nasß/
Sagt/wie nur Bawrenwerck wer daß/
Er aber hett drinn in der statt
Nin andern lust/desgleich nicht hatt
Der Feldmauß König mit sein Hauff/
Bet im sei schleckhafft speiß vollauff.
Sein speiß sei gsotten vnd gebraten/
Hab fleysch vnd brot/vnd Käß zum Gladen.
Solches zuerfaren/wie sie meid/
Führt sie die Feldmaus auß dem Feld/
Vnd kómen in der Stattmaus Hauß/
Da wolten leben sie im sauß/
Die Stattmauß bei der schwär aufftrug/
Vnd fragt all weil: Hast noch nicht gnug?
Inn des/weil sie sich da vergessen/
Vnd eynander tapffer zuessen
So hören sie den schlüssel trähren
Im schloß/vnd jemans zu in nähren/
Die Stattmaus auff/vnd fleucht dauon/
Die Feldmauß wolt auch nicht beston/
Vnd kont doch schwerlich auß der gfar/
Weil sach vnd ort ir vngwont war.
Als nun der Haußknecht war hinweg
Gieng die Stattmaus wider zu irn schleck/
Vnd rufft der Feldmaus auch zu Tisch/
Sie wolten zechen nun auffs frisch:
Aber sie wolt lang trawen nit/
Doch wagt sies endlich auff die bitt.
Als nun die Stattmaus sie hieß zechen/
Vnd wolt trincken/sich zuerfrechen/

Ernewerte Flohflag.

Fragt sie die Statmauß/ob sie offte
Solch gfar bestehn müßt vnuerhofft.
Sie antwort/Es wer ihr gmain brot/
Man müß nicht achten ain gmain Not:
Wie? sagt die Feldmauß/ist dirs gmain?
So achtest du dein leben klain.
Wer sich mutwillig steckt inn Not
Der ist selbs schuldig an sein Tod.
Mir nit des schleckens/welchs pringt schrecken/
Schrecken würd kainen faister strecken/
Dein speis mit zucker ist besprengt/
Aber mit gfar auch sehr vermengt/
Was der Honig daran versüßt/
Dasselb die gfar wider verwüßt:
Mir aber will die speiß nicht gefallen/
Was schon verhönigt ist die Gallen.
Ich will lieber mit sicherhait
Mein sparsamkeit vnd dörffrigkeit
Als deinen vberfluß vnd schlecken
Mit solcher angst/sorg/flucht vnd schrecken.
Sich/lieber Gsell/diß io:rest du
Auch han betracht/so heist nun ruh/
Solst sein bei deiner Kunczel bliben/
Dich nicht an töstlich Leut han griben.

Floh.

Ja Gsell/du hast jertz gut zurehaten
Nach dem vergangen ist der schaden/
Was thut aber die Jugend nit?
Es glust sie/was man jr verbit/
Sie denckt nicht weiter als sie sicht/
Vnd was sie sicht/darnach sie richt:

Widerder Weiber Plag.

Gleichwol war ich auch nicht so dumm/
Ich folgt ain weil dem Vatter frumm/
Behulff mit faulen Weibern mich/
Aber es wolt nicht reymen sich
Träg Blut in ainen frischen Leib/
Vnd zu günden ain fauler Keyb/
Ich bekam nur davon die Scheyß/
Dann würckung ist gleich wie die Speiß.
Zu dem so solt du diß auch wissen
Der Kundel bain warn stäts beschissen/
Man het mit ainer Zellenpart
Darein gehawen kaine Schart/
So was so schmutzig auch ihr Leib
Das ich wie im Leym hangen bleib.
Vnd wann ich schon abwächßlen wolt/
Tauscht ich kaum Messin für schlecht Gold/
Nämlich ain achtzigjähig Weib
Der so einschmorzt die Haut am Leib/
Das wann sie den Leib zsammen zoh
Sie gleich damit zerknitscht ain Floh/
Mit ainer Art het kainer nit
Ir geben können ainen schnit.
War dazu Kostig Korzig auch/
Zuset als steck sie stäts im Rauch/
Speyt omb sich/vnd warff schnudet auß/
Das kainer sicher war im Hauß/
Wurff auch mein Vettern schwenck vndrenck
Mit roß ain bain engway am glenc.
Derhalben kont ich mit nicht masen/
Ich must ainmal stellen nach, Hasen:
Derwegen lautt ich allezeit
Auff die Jungstraw/vor angedeit/

Ernewerte Flöhflag/

Vnd als ich hat erfahren woll/
Das sie gladen zu gafft gehn soll/
Da kam ich zu meinem Vatter gsprungen/
Sprach/ Vatter/ nun ist vns gelungen/
Ich hab gespäht das Wildpret auß/
Nun gang geschwind/ nun dir nit grauß/
Beseh die Edel Creatur
Deßgleichen nicht schuff die Natur/
Du sagst mir wol von grosser gfar/
Welche sei bey köstlicher wahr/
Aber wie kan ain solch milt bild
Seind also vngeschlacht vnd wild/
Das sie ihr zarte raine Hand
Im Plut verunraimet vnd schänd/
Sie hat ain zartes Büchlinmündlin:
Ich glaub sie erzörn nicht ain Kindlin:
Ich wais sie würd all vnser pferzen
Für eitel Büchlein schätzen.
Dann sie würd wol gewonet sein
Irs bulen pferz inn d'seit hinein.
Wie? solt man dann auch finden Raine/
D' es mit vns barmherzig gmaine?
Vnd wa dan ist zu finden aine
So ist es gwiß die/ so ich maine.

Muck.

Was sagt hierauff dein Vatter dann/
Wolt er es so geschehen lahn?

Stoh.

Na/n/er wahr schwerlich zubekren
Wolt von Weibsmultigkeit nicht hören/
Sagt

Wider der Weiber Plag.

Sagt/das vnder dem milten schein
Offt steckt ein hauend wildes schwein.
Vnd legt dabei ain geschicht mir auß
Von ainer alt vnd Jungen Mäuß/
Die Jung/als sie wurd etwas groß
Das enge Nüstlin sie vertroß/
Vnd wer lieber spazmausen gangen/
Die Mutter sorgt es würd gefangen/
Vnd hielt ihr söhnlín státs zu hauß/
Noch wolt das Söhnlín státs hinauß:
Vnd lag der Mutter so lang an/
Biß sie sprach/Söhnlín/Nun/wolan/
Weil es dann kan nicht anders sein/
So folg doch: ez den lehren mein/
Wann du herfür komst inn das hauß
So lauff nicht flugs den plan hinanß/
Nicht setz dich mitten auff den platz
Auff das dich nicht erhasch die Baz/
Nicht lauff ferri von dem Vatterland
Vnd halt dich hart nah an der Wand/
Damit dem Murnar mögst entwischen
Wann er vielleicht wolt nach dir fischen/
Das Mäußlin liff/guckt gleich hinauß/
Da saß ain Weis Baz dort im hauß/
Vnd muzt sich mit den pfoten glantz/
Wie ein Jungfráwlin zu ain dantz.
Das Mäußlin kondt sie nicht gnug bsehen/
Die Baz aber thát auff sie spehen;
'Inn des floh der haußhan herfür
Mit grossem schall auff die hausthür/
Drab das Mäußlin erschraet also/
Das es liff hinder sich alldo

Ernewerte Flohflag.

Vnd fül der Mutter in den Schoß/
Sie sprach/Son wie bist so krafftloß?
Was ist dir also bald geschehen/
Es sprach/ich hab ain Thier gesehen
Das ist gar grausam vngewehr
Es hat ziffel so rot als Sewr
Auff seinem Kopff vnd vnten dran/
Vnd schrey laut Guckenguckenhan/
Das Thier erschrockt mich/das mir noch
Das Herz E.oppfr/wie Holzwürm im Bloch.
Da sprach die Mutter/sag mir her
Hastu auch was gesehen mehr?
Ja sprach es/ich sah auch dort sitzen
Ain saubers Weiblin thet sich nutzen/
Vnd hat ain weisses Beltzlin an/
Ich het wol mögen zu ihm gahn.
Ach/sprach die Mutter/lieber Sohn/
Da herst du wie ain Kind gethon/
Nit schew das Thier welchs also schrett/
Dasselb trägt gegen vns kain Meyd/
Das Weiblin in dem Beltzlin weiß/
Das also laurt/vnd tritt so leiß/
Dasselb der rechte Zurnar ist/
Vor dem hat dich/er ist voll list/
Also sagt er/das ich mich hute
Vor scheinender angmaste güte:
Vor stillen Wassern/die grund fressen/
Vnd vor den schön gefärbten essen.
Man hüt sich leicht/vor den die Bochen/
Aber nicht den/die lang Meyd kochen.
Wann sich der böß am frömbsten stelt
Ist er der ärgst Bub in der Welt:

Wider der Weiber Plag.

Darumb that er/ich solt nicht trauen
Den Jungfrawen/die so süß schauen/
Im Kram hats vil gemalte Laden/
Die doch mit giffte offte sind beladen.

Muck.

Fürwar das waren gute lere/
Hetzst du dich daran wollen kehren/
Aber ich denck/das dir auch war
Wie allen Jungen Leuten zwar/
Welche fürwitzig sind vnd frech/
Vnd wagens ob es schon auch prech.

Stoß.

Ja/Laider/ich war nur zu frech/
Vnd gab nichts auff diß gut gesprech/
Sonder thet vnaußhörlich betten
Den Alten/mit mir anzutretten/
Das that er zulezt/mit zum besten/
Mich mit seim Rath allzeit zutrösten.
Als wir an dasselb ort nun kamen/
Da wir die schön Jungfraw vernamen/
Da sprach er/Son/du bist kein Gecß
Dein augen sind dir nicht mit spect
Kingsest/du kennst wol zarte Leib
Diß ist ein außbund von ain Weib/
So alt bin ich nicht diser stunden
Mich frewet/solt ich sie verwunden.
Aber die gfar ist vil zu groß
Das weger ist/man vnterloß.
Ach/mein Vatter/sprach ich zur stund/
Mein hertz ist gegen ir gar wund/

Ernewerte Flohflag.

Wann ich sie jezund nur anblick
So geb ich ihren gern ain zwick.
Dann sie ist linder dann eyn schmalz/
Ich wag vmb sie kopff/bart/vnd Hals/
Wiltu mir nicht behülfflich sein/
Will ich mich wagen selbs hinein.
Als er mich reden hört dermassen/
Wolt er mich auch alleyn nicht lassen/
Sonder es wagen sampt der Mutter/
Wie es auch gieng ob disem Luder/
Damit sie mir behülfflich seien/
Dann es sie immer würd gereuen
Sprachen sie/wann man mich verlore/
Dieweil das eyngig kind ich were/
Vnd auß zweymal sibemal sibem
Alleyn noch were vberbliben,
Hierauff gab der Vater den Rhat
Das man noch meh freund hiezü Lad/
Den Sechtimbusch/vnd Ruchhinan/
Den Knilienscheu/vnd Wegdenzan/
Vnd andre/die vns Vetter hießen/
Dann freund was guts alleyn nicht gnissen.
Auch sagt er ferner/dieweil dann
Die Jungfraw soll zur Hochzeit gahn/
So hab man acht/wann sie komt wider
Auß der Kirch/vnd zu Tisch sitzt nider/
Vnd schmollt vnd prangt/gantz vnuerwent/
Vnd kaum bewegt augen vnd Händ/
Da fall man an inn vollem lauff/
Aber wann man stahet wider auff
Da mag eyn jeder sich wol packen/
Dann als dann wirds gehn an eyn zwacken.

Wir

Wider der Weiber Plag.

Wir folgten diesem guten Rath/
Jeder tapffer den Sturm antrat/
Särnemlich aber war ich schnell
Ihren zugerben das zart fell/
Es mocht feyn plaz am Leib nicht sein/
Da ich nicht schlug mein hacken ein/
Da bracht ich ein mein langes warten
Vnd haut ihr warlich tapffer scharren:
Noch war so groß die zucht vnd scham/
Das sie sich vmb feyn Haar annam/
Als ob ihr etwas Laids geschach/
Wann es gab etwan eyn gespräch/
Oder das man jr leger für/
Griff sie darnach mit schöner zier/
Vnd rucket dann eyn wenig mit/
Doch das mans konte spüren nit/
Damit sie mit die speiß abbrech/
Ich aber fuhr fort im gestech/
Wann sie sich hat zur Khu begeben/
Vnd hat fürwar eyn köstlichs leben.
Ich ward dabei so gesund vnd frisch
Als im feym Wasser ist kein fisch.
Da man aber vom Tisch auffstund
Mein Vater mich zu warnen begunt
(Ach warumb folgt ich nicht der frist/
So gahts/wann man vngehorsam ist)
Er sprach/ich solt eyn gnügen halten/
Alls glück eyn weil/sprechen die Alten/
Wann man hie mitten ist inn fränden/
So thut sie gmeynlich eyn erlaiden:
Ich aber wolt nicht von dem Ort/
Vnd gab dem Vater höne wort;

Ernewerte Flohflag/

Sprach / Es wissens nicht alls die Alten/
Jung Leut die Junge Welt erhalten/
Nun geht die Jungfraw erst zum dantz
Da mög gerhaten auch ain schantz.
Die Eltern folgeten mir Jungen/
Vnd bliben stecken halb gezwungen/
Dann die Lieb ist ain solcher Notzwang
Die ain oft thut biß zum Tod trang.
Nun laßder hör / was da geschach/
Als man stund prangen im gemach/
Gab ich ihr manchen guten stich
Das sie darab recht rümpffet sich/
Vnd zu letzt also ward erzürnt/
Als ob sie gänglich wer erkürnt
Stries flugs die finger in die Nas/
Welchs dann der rechte bossen was/
Vnd macht ihr selbs zuschwaissen die/
Sprach eilend / Ach was geschicht mir hie/
Erlauber mir / ich muß hingon
Ain wenig biß mirs Blut thut ston/
Alsdann will ich bald widerkeren/
Mann lies sie gehn mit grossen ehren.
So bald sie nur kam für die Thür/
Luff sie mit wunder schneller gir
In Kammer zu als ob es Brandt/
Ich saß noch oben im gewand/
Mairndt nicht das sie vns bürsten solt/
Sonder das sie nur brüנגlen wolt/
Darum mein Eltern ain klains schlieffen/
Auß miede von dem gehn vnd schlieffen.
So bald sie aber kam zum Bett/
Lößt sie sich auff schnell auff der stätt/
Vnd

Wider der Weiber Plag.

Vnd macht jr weite vmbzutasten/
Vnd laurt ganz fleissig wa wir tasten/
Griff darauff in ain augenblick
(O du betrogen böses Glück)
Mein Vattern mir gleich an der seyt/
Ach jamer/ach der bösen zeit/
Ich kan nicht wissen wie mir war/
Ich war verjrt vor angsten gar/
Insonderhait da ich must sehen/
Mein Vatter seinen Hals vmbtrehen.
Hey warumb bin ich nicht auch lieben
Auff der Walstatt bey meinen bliben.
Noch het ich gern geruffen sehr
Der Mutter daß sie sorgsam wer/
Aber eh ich den Mund auffhat/
Die loß Flöhmauserin sie hat/
Rib sie/vnd warff sie die Wand/
Bertrat sie mit dem Fuß zur hand.
O liebe Eltern/die auß lieb
Zu mir/vmbkamen/vnd mein Lieb/
Ach solt so schlechtlich ihr vmbkommen
Die so auß mancher Schlacht sind kommen.
Ach/wie kan ich genug mich klagen/
Ich muß nun wie ain Wayß verzagen.
Ey daß die loß Flöhsürmerin
Jr lebtag kainen Bulen gwin.
Aber was nuzet mich daß klagen/
Ich muß von meinem fall dir sagen.
Nach dem mein Eltern also ging/
War ich verfürzt gar ob dem ding
Vnd wußt schir vmb mich selber nit/
Grund stock still/vnd ging nit ain tritt/

Ernewerte Flöhflag/

Inn dem so greiffst di Flöh vnruw
Nach mir mit baiden Händen zu
Walgert vnd blotzt mich heßlich ding/
Das auch der Wust wuest von mir gieng/
Vnd richt mich also schandtlich zu
Gleich wie mich hie magst sehen du/
Doch weil sie allzu girig wahr
Auff meiner Vetter andreschar
Wolt sie die Händ flugs wechseln ab/
Inn des bekam ich Lust darab
Vnd walgert allgemach zu thal
Das zwischen die Bein ich ihr fall.
Da binn ich krochen auff all vieren
Biß ich mich mocht darauß verlieren.
Wie aber mein freunden sei gangen/
Hab ich erst zettung heut empfangen/
Das als sie an die Wand hinsprungen/
Sie ertlich hab zu tod getrungen/
Vnd fürnämlich ain gewlich stück
Begangen an dem Supff vnd schlück/
Gleich wie du vor auch sagtest mir
Das Elaine Kinder auch thun dir/
Nämlich in an ain Nadel gesteckt
Vnd darnach zu ain Liecht gelegt:
Ist das nicht ain schandliche thar
Vom Menschen/der vernunfft doch hat?
Ja von ain Weib/welchs mit soít sein/
Vnd schewen ab Blut vnd der pein.
Aber ich halt dich auff zu lang/
Mein Bruder/vnd thu dir erst trang/
Dieweil ihr Nucken nicht lang bleiben
An ain ort/wie wirs auch fast treiben:

Jedoch

Wider der Weiber Plag.

Jedoch/weil du es hast begert
Hab ich es dir auch nun erklärt:
Sintemal ainem sein Not klagen/
Haisst halber sich der Not entschlagen.
Noch wiewol ich meh hert zu klagen
Ober der Weiber plagen/jagen/
Vnd fürnämlich mein Eltern frum/
Vnd doch/wann ich dran denck/ werd stum/
So will ich es jezund einstellen
Vnd es dem Jupiter befelen.

Muck.

Zwar Bruder/ich hab woll Vernommen
Inn was für Leiden du bist kommen/
Vnd ist mir hertzlich für dich Laid
Wie auch für deine Eltern baid/
Aber das ich dich nicht beklag/
Wie Alte Weiber hand ain sag/
Wann ainer bricht ain Bam entzwei
Sei Glück das er nicht gar Tod sei.
So sag ich/das dein vnfall zwar
Woll ist zu klagen/vnd dein gfar.
Dann wie mögen die Menschen doch
Sein so vergünstig/neidig noch/
Das sie auch solle diß verdriessen
Wann man ihrs oberfluß will gniessen?
Wie stünd es vñ das Menschlich leben
Wanns Nöhr von ihm kein wasser gebe?
Was nimpts/wan Menschē euch lan schöpffe
Das Blut/welchs sie herauß sonst schrepffen
Jedoch weil diß nicht trösten haisst/
Wann man den vnfall erst hoch spreißt.

Ernewerte Flöhflag/

So must du denden daß du auch
Villich hast vbermacht zu rauch/
Vnd billich die straff hast bekommen
Damit du nicht möchst gar vmbkommen/
Dann ain verbrennt kind scheucht das Sewr/
Kompt also Sewr jm auch zu stewr.
Dann also ist vns auch gegangen
Da wir Mucken hant angefangen/
Den Leuthen auff die Nasz zusitzen
Da haben sie die Nasz azuschützen
Die Muckenwädel gfüret ein:
Ich wolt es müßt ohn wadel sein
Ain jeder Muckenwädelmacher
Dann es sind rechte Hagelbacher.
Also glaub ich/das ihr auch wolten
Das die Flöhfallmacher sein solten.
Aber böß wünschen macht kein schrund/
Aber böß thun/das macht ain wund.
Drumb sind dein Eltern schon gestorben/
Ist jr geschlecht doch nicht verdorben/
Sintemal es in dir auffgah/
Vnd Bawst was in jnen abgah:
Wer aber hinder ihm verlor
Ain Rächer/der ist nicht gar Todt
Haben die Römer schon geschlagen
Hanibals Vatter in sein tagen/
Ist doch der Hannibal fürkrochen
Der hat den Vatter wider krochen.
Allweil ain Floh noch fre:chen kan/
Vnd ain Weibsbild zart flaisch wirdt han/
So lang wirdt bleiben auch ain streit
Zwischen bayd thaylen nur auß neyd.

Wider der Weiber Plag.

So bist auch nicht derselb allain
Der von den Menschen leidet pein/
Es sind doch schier kain Creaturen
Die iren mutwill nicht erfuren/
Beseh man nur des Hasenflag
Vnd was die Nuss beim Naso sag:
Druñ seuffzen sie auch stäts auff erden/
Das sie möchten erledigt werden.
Es würd sich ainmal ändern müssen
Oder man würd nicht gehn auff füssen/
Es würd ainmal sich alls verkeren
Wann das wüst kochen würd auffhören/
Vnd all Leut vnter sich ains werden/
Ain münz vnd glaub würd sein auff Erden.
Alsdann werden die Frauenbildet
Auch werden gegen Flöhen miltet.
Ich glaub/der frid wer auch gmacht eh
Wann Weiber trügen kain Beltz meh/
Dan jr Flöh mainen/euch gebür
Das inn den Beltzen stecken ihr/
Dieweil der erst Floch/wie man meldt/
Ward drein geboren auff die Welt.
Hinwider die Beltzpuppen mainen
Siedörfen inn dem Beltz gar kainen/
Der iren Beltz mit in hab gmain:
Kommen also nie vberain:
Darauß dann würd ain Beltzenstreit
Der so vil Flöhblut kostet heut.
Wolan/dem sei nun/wie man wöll/
Kain vrthail ich darüber fell/
Sonder beuehls dem Jupiter
Wie dann auch selbs ist dein beger:

Ernewerte Flöhflag!

Der würd wol deine Unschuld rechen
Vnd der Flöhflagen vnbill brechen.

Flöh.

Ja Jupiter/du rech vnd prech/
Vnd straffe die Flöhpeinigerin frech/
Störz vmb das segfeuer aller Flöh/
Leid kaine Beltzflöpfferin meh/
Töd die Flöhstörck vnd die Flöhzazen
Die vns ohn vnterlaß stärs sazzen/
Da wir doch wie Häuschrecken nicht
Verderben auff dem Land die frucht/
Noch inn die Weingart fallen ein
Wie Staren/so schaden den Wein:
Ohn das wir vnsern durst was leschen
Es sei auß täschen oder fleschen:
Mit disem muß ich sein ernehrt
Wel ich kain ander handwerck lehrt:
Noch verdrüss die Flöhstiberin
Wann ich nur an ain härlin spinn.
Wie seit jr Weiber auch so zart
Das vnser künzeln euch dunckt hart?
Wir sind doch bschlagen Ksel mit/
Vnd hant wie Schazff keyn harten tritt/
Ir solten schämen euch zusagen
Das eyn solch kleyn Thier euch soll plagen/
Ja euch dazu inn harnisch bringen
Als ob jr wolten Teuffel zwingen.
Wie Kompts/das jr den Mutz verdeckten
Wann wir die schlaffend Mägd auffwecken/
Besser als inn dem Haus keyn Zan/
Aber der Meid kan nichts verstan.

© Jupiter

Wider der Weiber Plag.

o Jupiter/groß ist dein sinn/
Das diese Flöh verfolgerin
Nicht zu Kriegsleuten hast gemacht/
Sie ziehen sonst mit aller macht
Inns feld wider die armen Flöh/
Vnd thäten in mit schiessen weh.
Man könt in nicht gnug büchssen machen
Noch pfeil vnd flitschen zu den sachen.
Vnd da solchs inen fälen thut
Sind sie so gar von tollem Mut/
Das sie oft Gott anrüssen dörfen/
Vm ain Flöhlin/welchs sie thut schärffen:
Wie der/da im ain Floh entran
Rufft den starcken Herculem an/
Das/weil er all Scheusfall vnd wunder
Mit seinem Kolben schlug herunder/
Er im auch soll hie beistand thun
Inn ains Floh vberwindung nun.
So gar hat sie der Kleid beschissen
Das sie zubetten nicht recht wissen:
Sie werden bald vñ hilff auch bitten
Die Risen/so den Himmel bstritten.
Aber du grechter Jupiter
Der das gering achst wie das schwer/
Du wirst vrtailn nach Gerechtigkeit/
Vnd straffen nach deine Mächtigkeit.
Das thu ich nun/sampt allen Flöhen
Inn aller andacht dich sehr flehen.

Ruck.

Also mein Bruder thust im recht
Das du es Jouu befihest schlecht/

Ernewerte Flohflag.

Der würd dein bitt gwiß nicht verschmehen/
Weil er kann vnrecht laßt geschehen:

Dem will ich auch befelen mich

Was mir geschicht vubilliglich:

Aber wir habens lang gemacht/
Es fällt jezunder ein die Nacht.

Derhalben wilt du bei mir bleiben

Will ich dir hie ain herberg bschreiben.

Floh.

Ja/Wann mir wüßst ain sicher gmacht/
Du aber wonst gern vnterm tuch/
Darunder mir alls vbel geschah/
Darum ich nicht gern zuhin nah.

Set ich die nacht nur herberg hie

So wolt ich morgen auff sein früh/
Vnd raisen auff Sant Pulican/
Wein wunden da zrahten lan.

Muck.

Ich will dir ain gut herberg sagen/
Da du dich sicher magst betragen/
Drinnen im hauß ain hündlin ist
Das schlafft jezund zu diser frist/
Dem sitz zwischen das haßband hnetn/
Da würestu gwis gar sicher sein:
Dann es biß morgen nicht erwacht/
Da hat man deinen gar kain acht

Floh.

Ich danck dir für dein guten Raht/
Dem will ich folgen mit der that.

Wider die Flöhplag.

Hiermit wünsch ich dir ain gut zeit/
Daß die nicht schad der Spinnen Heyd:

Muck.

Hinwider wünsch ich gesundhalt die
Daß dich das Weibergschlecht nicht thür/
Vnd das all die Flöhpalgerin
Bekommen ainen andern sinn/
Vnd nicht nachschlagen meiner spinnen/
Das man nicht sag vulleicht von jnen/
Sie seyen giftig wie die Spinnen/
Welchs zwar brächt ain groß nachthail jhnen.
Hiermit/mein Bruder/ain gut nacht
Das dich der Hund heut wol verwacht.

Nothwendige verantwor-
tung der Weiber auf die vnbandi-
ge Flag des Flöhbürstlins/ sambt desselbigen
aufffürlichen vnd rechtgebürlichem vertrag vnd
verthail/ gestellet auß volgegebener macht deß Ju-
peters/ durch den Flöhcantzler/ vnd Obersten
Flöharzt/ vnd zu trost der Frawen.
weiß/ vnd zu troz dem
Flöhgemaß.

Woz Laus/ ihr Flöhs/ sicht all von hinnen/
An Weibern werd ihr nichts gewinnen/
Ihr secht am Tag hie / den sie treiben/
Das sie noch ewre Ertzfeind bleiben/

Der Weiber verantwortung

Derhalben könnt ihr hupfen/springen/
So möcht ihr euch von dannen schwingen.

Das wil ich euch ihr schwarze Knaben
Mit grossem ernst gerachten haben.

Maint ihr/die Weiber lahn sich reuten
Von euch die es vom Man kaum leiden?

Wiewol ich erst hab diese tag
Vernommen euer grosse Klag

Die ihr zu Jupiter dan thaten
Vom Weibervolck/so euch sehr schaden.

Aber ihr falsche Flöh komt her
Ich wil euch sein der Jupiter/

Vnd das recht von seint wegen sprechen/
Auch vber euch den stab nun brechen.

Dan ich bin der Flöhkanzler worden/
Der euch sol bringen inn ein Orden/

Der Weiber Arzt/Notarius/
Ir Fürsprech/Secretarius.

Mit Tonner wurtz vnd Rinderschmaltz
Hab ich mich schon gespickt/gesalzt/

Das ihr mir doch nicht schaden mögen/
Wann ihr euch all wider mich legen:

Wan ihr schon schöne Sechtspräng thut/
Bringt euch das springen doch kein blut:

Zupft her/ihr werd mich nimmer temmen
Wan ihr die Läuse zu hilf auch nehmen:

Dan mein hembd ist bestrichen leis/
Mit Saffran auff die Schotisch weis.

Vnd wiewol ich befüger wer
Aus voller macht vom Jupiter

Das ich euch gleich sprach den Sententz/
Doch das ich dis Gericht recht ergentz/

Vnd

Auff der Hohnverriinerung.

Vnd sehen möcht wie vnbetrogen
Wir ewer sachen hant erwogen:
Mit sampt der Weiber beschwerden/
Die wir von ihnen täglich hörten/
So will ich vberweisen euch
Eh ich euch schröck mit vrtheyl gleich.
Wolher/so will ich disputiren
Euch in die Schul ain wenig führen.
Was ist dann ewer grosse klag:
Ist das nicht ewer aygne sag:
Dass euch dahin der muthwill bring/
Dass man euch also töd vnd tring?
In dem jr nicht benügt an geringem
Wolt allzeit nach vil höherm ringen?
Tracht auß dem staub gleich auff den hund/
Vom Hund gleich auff das Weib zur stund:
Wolt von der Vihmagd auff die Frau?
Die euch dann sucht gleich genaw/
Weil sie mehr weil hat/dann die Magd
Dass sie euch auß den Klaydern jagt:
Verführt euch also stolz vnd schleck/
Das man euch also Blöck vnd stöck:
Wann ihr bey ewern Hunden bliben
Würden jr nicht so vmbgetriben:
Doch die Schoßhündlin man nicht maint/
Dann sie den Weibern sind gefreund/
Also das sie die Flöhen müssen/
Dann wann sie euch flöh daran lisen/
Würden sie euch bald von jr erben/
Inen zu aygenem verderben/
Dieweil jr so gar erblich seyt
Gleich wie die pestilenzisch zeit/

Der Weiber verantworung.

Vnd stoß euch willig dar für erben/
Da man doch nach euch nicht thut werben,
Ir wolt nur allzeit hoch ans Pret/
Gleich von der Erden auff das Bett/
Vnd sit euch gleich wie jener Spinnen/
Die auch zu hof wolt groß beginnen/
Spannt im pailast ir Netzin auß/
Da kam ain Betichungsfraw herauß/
Die zerstört irn das kunstlich Gspunst
Mit ainem Besam gar on kunst:
Also wolt ir bey Weibern stecken
Inn Welzen/ Hembdern vnd in Röcken/
Darauß sie euch doch mannlich schrecken
Gleich wie die Hasen auß den hecken.
Dann sie seind euch zu hoch vnd werd/
Daß ir sie nur zurürn begert:
Es ist kein gleichnuß zwischen euch/
Ir sind gar schwarz vnd sie sind Blatch.
Ir secht wie heilich Teuffelskluppen/
Vnd sie sehen wie himmlisch puppen/
Noch stecht ir bey ihn frü vnd spät/
So sie doch ewer hant kein gnad.
Sie hant euch lang krieg angesagt/
Auch ewer vofarn all geplagt/
Noch ward ir nicht auß schaden weiß/
Sonder bleibt in zu trotz mit fleiß/
So thun sie euch nicht vnrecht zwar/
Daß sie euch so verfo gen gar/
Vnd machen irg stuz wider trotz/
Das euch der Rauch vor stolz nicht strotz:
Ir wolt sie sollen euch beschirmen/
Aber ir wolt die Schamer stürmen/

Auff der Flöh verflainung.

Was? wolt ir haben die zu freund
Die ihr stäts strecht vnd pferzt wie feind?
Das wild/welches die herren hāgen/
Setzt sich sein herren nicht entgegen
Ir aber wolt/man soll euch hāgen/
Vnd setzt den hāgern euch entgegen.
Sie haben ewer kaine ehr/
Drum wollen sie euch nimmermehr/
Sie müssen sich je ewer schāmen
Wa sie zu rechten leuten kāmen/
Das sie liffen wie hūnd vol flōh/
Man auß vnd ein euch steigen seh.
Jener Kaiser viel golds ain gab/
Der im ain Laus het gnommen ab/
Dann darauß/sagt er/kenn er frei/
Das er ain Mensch wie andre sei
Aber da auch ain anderer wolt
Mit flōhen gewinnen so viel gold/
Vnd im ain flōh abgnommen het/
Da stellt er in gar hart zu red/
Ob er in für ain hūnd anseh
Das er lauff wie ain hūnd voli flōh.
So dis ain Mannaperson nicht leid/
Der doch nicht acht der zierlichait:
Wie v. l munder ist es zu leiden
Den Weibern/so rain sind wie Kreiden.
Darumb so müssen sie sich wehren
Das ihr sie nicht inn hūnd verkeren.
Ir/sagt ir schwarz staubbürtig Risen/
Ein Weibsbild soll nicht Blut vergiessen/
Dann es ist wider ire art
Die gmainlich ist Barmhertzig zart.

Der Weiber verantwortung.

Ey ja man solt euch dazu lonen/
Vnd ewer weissen haut dran schonen?
Man solt die hand inn büsem stecken
Wann ir durch Mordstich aine schrecken?
Was? soll man nicht ain Mörder richten/
Vnd ieden Frevler mit recht züchten/
Vnd den/der auch ain wenig schad/
Aber doch gern meh schadens that/
Auch straffen für sein wenig schaden/
Damit schaden nicht wachsauff gnaden?
Wüßt ihr nicht was Esopus schreibt
Von ainer die ain floh ze treibt
Vnd er bat das sie in erlöß/
Dieweil er nicht könn thun vil böß:
Da sie sprach/drum must sterben du/
Das sich nicht zimpt/das man böß thu
Ainem ohn ursach vil noch wenig/
Dann böse sind allzeit argwönig,
Vnd wer wolt euch was guts zutrawen
So ain ab ewerm glicht solt grawen?
Das glicht zaiget nichts redlichs an/
Sonder Mörder/wie ir seit dann.
Derhalben wird euch nichts beschöner
Das euch die Weiber ie versöner/
Allweil ihr sie verlegen wolt
Vnd doch sagen/ir seit in hold.
Wie glaubt ich ain/der mich wolt hailen
Vnd mich verwund zu allen thailen?
Was soll man dem Wolfflan das Schaff
Vnd solt empfangen drum kain straff?
Was wer auff Erden für ein leben?
Wa würd die Gerechtigkeit da schweben?
Wann

Auff der Floh verflainierung.

Wann iedes frevel vnd arg list
Gedult würd/vnd nicht bald vertüst:
Wann mutwill/raub vnd freche macht
Würd für ain Billichkait geacht?
Da würd dis lied billich gesungen
Die Billichait hats Schaff verschlungen:
Aber du schnöde Creatur
Du würst nicht bessern die Natur/
Welche vns hat von kind auff glehrt
Das man sich wider Vnbill wehrt.
Was thäten wir sonst mit den Händen
Wann wir zu Leibschutz sie nicht wenden?
Was thät die hurnausß mit dem angel/
Wann er ihr Schirmhalb wer ain mangel?
Es ist kain würmlein nicht so klain/
Es krümpt sich/wirfft man drauff ain stain/
Der hund erleid nicht ewer stich
Er schnappet nach euch beissiglich/
Vnd Weiber/die zart flaisches sein
Solten erleiden ewer pein/
Vnd durch so schlimm verächtlich Thier
Behönd vnd gstupfft sein für vnd für:
O Klain/ nur auff die hauben griffen
Biß ihr euch auß dem Land verschliessen:
Weiber sind drumb kain Mörderin
Wann sie schon richten Mörder hin.
Sonst müßt auch der Bapst Julius
(Dains klain groß gleichnus grösen muß)
Ain hur sein/weil er huren pfend/
Was wer das für ain Argument?
Der würdt nicht Blutdurstig gesprochen
Der Vnschuldig blut hat gerochen/

Der Weiber verantwortung.

Dann mann soll das böß vndertrucken/
Damit das gut mög färher rucken/
Das böß man von der erden thu
Auff das inn Khü/das gut nem zu:
Solt mann die häuser darum haisen
Wolffshölen/weil sie euch drauß schaisse/
So hiesen die stätt Mördersgruben
Weil sie austreiben Mördersbuben:
Aber jhr müest es vmher kehren/
Wann sie litten euch Kammerbären/
Euch Weiberwölff/so hieß das hauß
Ein Raubhauß/weil jhr drinnen maußt:
Vnd wann die stätt böß Buben dulden/
Können sie solchen Nam verschulden.
Darum ist nichts alls ewerschänden!
Die schand muß sich auff euch doch enden.
Was solten wir/aller gschöpff ster/
Nicht meh macht haben weder jhr?
Vnd jhr Blutzäpffer nempt die macht
Das jr biß auff das Blut vns schlacht?
Wir aber solten solchs nichtdörffen/
Da vns Gott alls thät vnterwerffen?
O du schandthier/solst dich vergleichen
Zu weibern/das sie dir solln weichen?
In dem/das vnuerschambr sagst her/
Es wer gut das kein weib nicht wehr
Von wegen euer Flöhgeschlecht/
Die sie straffen mit allem Rott.
Vnd waißt nicht/das wann sie nicht weren/
Würdest dich nicht halb so wol ernehren:
Dann wa wolest finden so zart blut?
Welchs dir für Maluasier wol thut?

Nun

Auff der Stöß verflainerung

Nun/laßt sein/das sie gar nicht weren.
Gleich wie dich alsdann künst ernehren/
Also nehr dich nun/da sie seind/
Weil den mangel dir bringt dein feind/
Dieweil gleich laut/etwas nicht wissen/
Vnd das man weiß/nicht können gnissen.
Auch wann die Weiber schon nicht weren/
Kämen andre/die euch Baß scheren/
Dann wann die Frösch das Bloch verlachen/
Kommet ein Storck/der kans ihn machen.
Was meßt jr euch zu den Gewalt
Der euch gar nicht ist zugestalt?
Dann ihr solt behelffen euch im staub/
Gleich wie die Raupen in dem laub/
Dieweil ihr auß dem staub entspringen.
Aber wann ihr wolt weiter ringen
Wie Raupen/die nicht allain pfezen
Am Laub/sonder auch Frucht verlezzen/
So thut man wie den Raupen euch/
Vnd töd euch allen Räubern gleich:
Zewschrecken sind vnnütze Gäst/
Noch bleiben sie in ihrem näst
Bey ihrem Taw/darauff sie kommen/
Vnd haben ihn nie fargenommen
Das sie vns vberlästig weren
Am Leib/vnd vnser Blut Begeren.
Geht zun weysen Numaisen hin/
Die auch/wie ihr/sind klain vnd dinn/
Secht/wie sie tragen/Ketschen/lupffen/
Vnd nicht/wie ihr/stäts hupffen/stupffen.
Vnd wann schon die Zewschrecken auch
Was schädlich sind nach ihrem brauch/

Der Weiber verantwortung.

So wert es doch nur durch den Summer:
Ir aber thut auch an vil kummer
Den Weibern in dem Winter kalt/
Vnd hengt euch bey jn an mit gwalt/
Versteckt euch bey jn allenthalben/
Doch nicht der meynung/wie die Schwalben/
Die still ins Mur im Winter ligen/
Dass sie auffn Sommer wider fligen.
Vder gleich wie das Murrelthier
So schlafft den Winter für vnd für/
Sonder dass ihr sie plagen/nagen/
Vnd sie oft in den Harnisch jagen.
Solt man nicht dem vnrühig gschöpff
Zerknitschen alle Därme vnd Köpff/
Euch an den Hals ain Mülstein henden/
Vnd in dem tieffsten Rhein ertrenden?
Ja man solt euch vier Töd anthon/
Weil jr Schaden bey Sonn vnd Mon/
Vnd nicht allain bey tag angreifen/
Sonder wie Dieb bey nacht umbschwaffen.
Bey nacht schädigen sehr die Katzen/
Bey tag der Frucht vil mehr die Spatzen/
Aber ihr kain braucht tag vnd nacht
Gleich wie ihr solches vbermacht.
Habt ihr schon nie kain Frucht zerbissen/
Beißt jr doch die/so der Frucht gnissen.
Habt ihr schon nie kain Ross gestolen
Habt ihr doch Blut geraubt verholen.
Stechen auch schon die Bienen hie/
Thun sis wann man erzörnet sie:
Ir aber vngerayzt auch stecht/
Vnd hawt wie in den Baum der Specht:

Wann

Auff der Flöh verflainerung.

Wann ihr schon nicht wie Wändläuß stinckt/
Doch schwarzen Teufelskat jr bringt/
Kan man schon ewer Saych nicht finden/
Glaub ich doch gänzlich es sey dinten/
Dann jr seyt wol so Teuflisch Schwarz/
Das ich glaub jr scheißt Bech für hartz.
Wann jr wie Scorpion nicht gifften/
Doch jr mancherley Franckhait stifften/
Mit dem/das jr so blözlich schrecken
Die Leut/mit ewern Blutigen flecken.
Ich weiß wol/was ihr für werd kehren/
Das nemlich jr euch so müßt nehren/
Vnd das das Blut sey ewer Speiß/
Aber solchs hat sein maß vnd weiß.
Dann Jupiter hat euch zugeben
Das ihr vom Thierblut sollen leben/
Von Mäusen/Kazen/Hunden/Kazen/
Die euch sein können wider Krazen/
Oder vom Todtenaß vnd flaisch
Davon dThir leben allermaiß/
Vnd nicht vom Menschen/der Bey leben/
Ist kainem Thier zur Speiß nicht geben.
Dann so der Jupiter nicht wolt
Das ihr die Pferd angreifen solt/
Dieweil sie vns sind dienstlich nutz/
Wie vil mehr hat er vns in Schutz/
Vnd will nicht/das jr vns vil stechen
Weil wir vns toppel können rechen/
Vnd euch geschmayß so gröblich strälen/
Das ewer nit der weil vil fälen.
Vnd gewiß/wann nicht ewer gschlecht
Gar vberschwänglich Samen brächt/

Der Weiber verantwörung

So wer schon ewer stam zerknitscht/
Also hant Weiber euch gepritscht.
Aber wann sie hie neun erlegen/
So wachsen sehen dort dagegen/
Wie Herculis tod Wasserschlängen
Aus denen andre gleich entsprangen:
Welchs anzeigt ewer nartheit swar/
Dass ihr euch gebt in offne gfahr/
Vnd wolt euch nehren vnder Feinden/
Da man sich heut kaum nehet bey freunden.
Jedoch ist/s wie ihr selber sagt/
Dass ihr euch schlecks halb also wagt/
Vnd wolt kurtzumb nur Wildpret schlecken/
Das süß frisch Blut muß besser schmecken/
Gleich wie dem Esel:dem am Rand
Das Wasser nicht meh schmactt zu Land/
Sonder trat in ain Schiff darauff/
Damit auß mittelm Rhein er sauff:
Aber was geschach? loß gieng das Sail/
Ersaufft den Schiffman Eselgayl.
Also gahrs auch euch Bethgayln gsellen/
Wann Menschenblut ihr schlucken wöllen/
Das euch daß schlecken/wird zum Schrecken/
Vnd die Rotflecken/zum Tod strecken.
Dann wann die Katz will Häfen lecken
So büßt man ihr den lust mit stecken.
Waher es aber kompt/möchst fragen/
Das Flöh sich zu den Weibern schlagen/
Das will ich ainem kurtzlich sagen.
Es hat sich also zugetragen:
Da Eva nun vil Kinder het
Vnd aber darzu gar kain Beth/

Auff der Floh verflainerung.

Wund sis inn ihr Beltwerck bewärt/
Vnd legt sie warm zum feur bein hãrd,
Da nun die Kinder auff die Erd
Iz plãßlein offt hand sußgelãrt/
Vnd darauff schein die Sonn sehrhalß/
Da ward darauff das Flõhgeschmaiß/
Welchs bald vnruwig ward vnd sprang/
Weil Eva iren Kindern sang/
Mainten/das man zu dantz in sing/
Weil kein Hãuschreck vngsungen spring.
Schlossen demnach zur wãrme gleich
Inn Belt/dieweil sie waren feucht/
Da wuchsen sie mit grossem hauffen
Weil nieman sie that oberlauffen.
Dann weil sie nieman nit beschwãrten
Vnd sich im wust von Beltzen uehrten/
So ward in nieman darum graun/
Biß das zu lezt ain Hundsfloh kam/
Den Euehund hett fãrgezogen
Mit stossung seiner Elenbogen/
Der war gewont der greulichkeit
Vnd biß dem Kind rot flecken bratt/
Dann im schmact das jung Bindsblut sehr/
Hact drein/als ob es Hundsfell wer/
Vnd lehrt die andern Flõh desgleichen/
Die willig im nach theten streichen/
Weil sie in grõßhalb/inn ihrem Reich
Für ainen Kõnig schizten gleich/
Verhofften auch so groß zu werden/
Stachen die Kind/die sich nit wehrten/
Welchs dann die Kinder schreien macht
Das Eva nicht viel schlieff bei nacht

Der Weiber verantwortung.

Bis morgen besah sie die Kind
An dem sie gleich Rot flecken find/
Da wußt sie nicht darauß zuschliessen
Maint purpeln wurden drauß entspriessen.
In dem ersicht sie zwen schwarz Mörder
Die mit dem stich anhalten härter.
Sih/seit jr hie/ ihr klain schwarz teufel/
Ir kommet von der Schlang ohn zweiffel
Das ihr die Kind stecht vnd vergiffet
Inn irem schlaff solch vnruh stiftet.
Vnd zornig gleich reißt sie die Windel/
Stricht nach dem Hundsloh mit der spindel
Er aber entsprang bei den händ/
Sie cuff der spur eilt nach vnbschwärt/
Vnd sagt ins Fewr den Kinderpfezer
Das er verbrant gleich wie ain Ketzer/
Vnd als er lies ain grossen Knall/
Maint sie/er spott ihr inn dem fall.
Bis sie den andern auch aufftrieb/
Vnd in lang zwischen fingern rieb/
Vnd legt in darnach auff ain Brett/
Zusehen ob er zahn auch hert/
Vnd maint nit anders er wer tod.
In dem sie ain weil bei im stoht
Da wischt er auff/vnd floh daruon/
Ach/sprach sie/das ist wol ain hon/
Vom fliehen/will ich floh dich nennen/
Dich allenthalb berennen/trennen.
Dann wer da fleucht/den sol man jagen.
Vnd wer verzeucht/den soll man schlagen.
Steng darauff an/durchsucht die Kinder/
Aber die floh warn vil geschwinder/

Auff der Flöh verflainierung.

Sie sprangen von ain Beltz in andern
Vnd thäten all zu Luas wandern.

Da hat die gut Fraw wol zuwehren/
Dann weil sich die Flöh mechtig mehren
Mußt sies ihr lebtag kriegen/ nforden/
Dieweil sie täglich ärger werden.

Daher Kompts/das ir Weiberstiber
Noch täglich seit bei Weibern lieber/
Weils erstlich wolten euch verjagen/
Vnd noch die Beltz fast an in tragen.

Habt noch vom ersten Luasstreit
Zun Weibern ainen alten Neid.
Was dörrt ihr Schwarz Beltzstieber dann
Die Weiber Vnbills Klagen an?

Was habt ir ihre Beltz zustürmen?
Wa man will stürmen muß man schirmen.

Sie haben euch gekaufft kain Beltz/
Ir habt kain macht im freunden ghölz:
Wie manchs gut weiblin het sehr lang
Am Beltzlin/thät nicht ewer trang.

Aber da sie stäts drein muß klopffen/
Vnd hin vnd wider ropffen/sopffen/
So muß sie wol den Beltz verderben
Vnd sich vñ andere bald bewerben/

Bringet sie also vñ das gelt
Das sie zur Not oft nichts behelt:

Wie manche het an ain genug/
Wann sie nicht müßt euch zu betrug
Ainen stäts henden für den laden/
Herab zusprengen euch Beltzmaden/
Vnd ain andern frisch ziehen an.

Vor ewerm Flöhschwarm thu zuhan/

Der Weiber Verantwortung.

Was: seit ir nit ain Leidig gschöpff/
Vnd schwarz vnrubig Teufels köpff/
Das ir inen wolt dis erlaiden
Welchs inen Gott thät selbs beschaiden:
Dann hat nicht Gott im ersten Garten
Der Eua ain Gatsbelg Berathen:
Vnd ir wolt sie dazu bewegen
Durch plagen viel/in hinzulegen:
Ich wats/wann sie die Belg hinlegten
Das ir euch inn die haut einlegten/
So gar seit trozig ir Belgkreuter/
Vnd der Weiber recht Irzinordneider.
Ir habt es erstlich angefangen/
Vnd seit des noch nicht müsig gangen/
Willich wer grewlichkait thut vben/
An dem würd Grewlichkait getriben.
Frösch müssen ainen Stordfen haben/
Käubisch Nachtraben/die Galgnaben/
Dieselben/welche Blut vergiessen
Nimmer ains guten ends geniessen/
Darum muß die Blutmuß zerspringen
Wann sie will Blut vom Menschen zwingen/
Vnd vnder ewer schwarzer Rott
Ampt kainer nicht ain rechten tod.
Gleich wie mann von Tirannen spricht/
Das ohn Blut zur höll kainer zeicht/
Vnd wie ain weiser sagen thet
Vngwonters er nie gsehen het
A's ain altbetagten Tyran/
Vnd zu Mör ain alten Schiffman/
Also mit warhait sag ich do
Das ich sah nie kainer alten flob/

Dann

Ruff der Flöh verflainerung.

Dann all die ich sah vnd seh do
Sind schwarz/ vnd nimmer Blo noch gro/
Darumb so werd jr nimmer gerathen/
Weil ihr kein alte habt/ die euch rathen:
So gedunck euch nun nicht wunderbar/
Dass ihr nicht graw werd von gefahr
Sintemal dise grawen nimmer/
Die weder ehr noch schand bekümmert:
Vnd welche nicht graw wollen werden/
Gleich wie jr Moridib/ die statts mörden/
Die muß im schwarzen haar man henden
Das ihre grawe Leut gedencken.
Sürnemlich die den grawen Leuten
Nicht wollen ihre ehr erbieten/
Gleich wie jr habt ain alten sit/
Das ihr deß alten schonen nit/
Der alten Weiber/ vnd Matronen/
Deren man solt vor andern schonen:
Ja ihr schont auch nicht anzuhawen/
Die schwerleibige schwanger Frauen/
Die doch ohn das sind bald zuschrecken
Das sie all vier bald von sich strecken/
Vnd mag sich leicht etwas verkeren
Das sie ain Kntechrist geben.
Drumb sagt man/ das ain schwangerm leib
Man auß dem weg ain Heuwag treib/
Vnd wer ain Schwangern Leib verletz
Wird für ain toppel Mörder geschätzt
Ir aber solche recht veracht/
Drumb kumpt jr billich in die Nacht/
Das man euch erlaubt allen Daumen.
Die gsottne Ayer können raumen/
Man ist sonst man / Drumb / vnfach M...

Der Weiber verantwortung.

Vnd wie man euch mag nennen herter.
Dann wie manch mißgeburdt habt jr
Verursacht / vnd manchs schröcklich Thier?
Vnd das Menschlich Geschlecht geschendet
Das man es nicht vor Thieren kent?
Wie manche haben ihr Hautschinder
Gebracht vmb ire frucht vnd Kinder?
Wann ihr so blözlich blazt hinein
Als schüt kalt Wasser man auff ain.
Wasß dörfft ihr dann verwundern euch
Das Weiber / so sind milt vnd weich
Eweren hochmut trucken vnder?
Sie haben mehr vrsach / daß sie wunder
Wie inn solchen staubklaynen Säcken
Könn so grosse greulichkeit stecken.
Sind Frawen dann / wie ihr sagt / zart /
Watumb beißt jr sie dann so hart?
Vnd sind ewer Waydwerck allain?
Aber diß wird die vrsach sein /
Dieweil ihr wißt / das ewer Spieß
Sie meh dann ain Bauren verdrieff /
Vnd das euch frewt / die meh zuplagen /
Die es am minsten können tragen.
Da spürt man die halstarrigkeit
Die den Weibern thut als zu layd /
Vnd sich nur alles deß befleißt
Was das edelst Geschöpff verdreufft.
Vnd so ich recht diewarheit rürt
Wie sich ain Flöhcangler gebürt /
So muß ich schier erschrecken heut
Ober ewer vn Sinnigkeit /
Daß ihr euch wagen dörfft so frisch

Auff der Jhon Vertainung.

Sinder ain Vold das listig ist:
Ja das listigst/wann ichs dörrst sagen/
Vnd es Weiber möchten vertragen:
Wie ihr solchs selbs gebt zuuerstehn/
Vnd wolt ir doch nicht müßig gehn:
Billich aber brauchen sie list
Gegen ain feind/der Teuflisch ist/
Vnd inen gar ist vberlegen
Mit der meng/die kain macht mag legen:
Vnd wann man euch mit list nicht dempt
Ir trügen sie hin mit dem Hembd/
Gleich wie die Bären in Nordweden
Etwa den Königstöthern theten/
Vnd wie die Wölff auß Menschen gwandelt
In Luthau haben lengst gehandelt/
Vnd wie die Gayl Gaißmännlin pflagen
Die schön Weibsbilder hinweg tragen/
Vnd wie der Jovisch Ochß that dort/
Der Iwo die Jungfraw trug fort/
Vnd wie der Jovisch Adler thete
Mit dem Himelschenck Ganimede/
Wiewol es die auß liebthat thaten/
Ir aber theten es zu schaden/
Nicht das ir euch mit ihn ergezt
Sonder auffs eusserst sie verlezet/
Gleich wie die Juden darumb stelen
Die Christenkinder/sie zu quelen/
Vnd ihr Blut mit Nadeln vnd Pfeimen
Herauß zustechen vnd zugrimmen.
Solt man nicht brauchen list vnd strenge
Wider ain solch Blutdurstig menge?
Vnd denen brechen ab mit list

Der Weiber verantwortung.

Deren man sonst nicht mechtig ist?
Ja warlich thut es sehr vonnöten
Dem Weibervold/euch zutöden/
Ir machen sie sonst gar leibaygen
Das ihr sie wie ain Pferd bestiegen/
Wie Tamerlan den Balaget
Welchen er in ain Käfig het/
Vnd im/wann er zu Pferd wolt steigen/
Mußt zu ain Fußband sich darneigen:
Ja wann sie nicht auch sind gar lustig/
Spotten jr jhren darzu lustig/
Gleich wie ir spott der frommen Magd/
Welche/als ihr sie bey Liecht plagt
Das Liecht löscht/euch dardurch zublenden
Das ihr sie nicht im finstern senden:
Aber was gelt es/wa heüt aine
Solchs thun wird/dan ich kenn gwiß keine.
Sie werden Liechter eh anzünden/
Das sie euch Kammerflechter finden/
Vnd bey dem Liecht euch braten fein
Vnd nemmen euch den Sonnenschein:
Sie erdencken eh heut Flöh fallen/
Damit sie euch nur wol bezalen.
Vnd wiewol ihr sehr flucht im sinn
Der Flöhfallen erfinderin/
Gehet Katzenbett doch nicht gen Himmel
Vil minder ewer Flöhgeprümmel
Dannoch wird die/so sie erfand
Stäts werden gerühmt euch zur schand/
Vnd mit der weil zum ehrgemerck
Gesezt zun erfindern guter werck/
Wiederem vil sezt Plinius

Auff der Flöh verflainung/

Vnd polidor Vergilius:

Weil der fund meh zurümen ist

Als der die Rachel sand zum Tisch/

Vnd der den laz sand an das gfaß/

Auch allerlei schlech vnd gefräß:

Auch der da schmidt das Rinderwelsch/

Vnd die gschriff mit zisern gfelschr:

Auch Brethspiel würffel/hölzern spiß/

Vnd der erstlich Krebsfangen wiß.

Sintemal der Flöhfallen fund

Meh nötig ist zu aller stund/

Von wegen schüzung menschlichs leibs.

Vnd sarnämlich des Edlen Weibs.

Darumb wann ihr der Weiber list

Wolt absein/so dempt ewer glüß/

Dan wer ainen inn harnisch bringet

Derselb auch ain zuschlagen zwingt.

Sie haben euch gelegt viel lader

Noch bleibt ihr statts des Achts mit Bruder/

Denckt jr nicht an die guldm Kärrn

Daran sie euch geschmiedet hätten?

Oder an Eisen schwere plöck/

Da sie euch schlugen inn die Stöck?

Oder ans halsband vnd Gebiß?

Wie etwan sie anlegten diß

Ainem ewerer Kottgesellen/

Den sie zum Schauspiel thäten stellen/

Vnd färten in herum im land

Gleich wie die Moren den Zelfand/

Oder wie Gaucler heut handtieren

Die Adler/Löwen vmher füren:

Der Weiber verantwortung.

Nam fährt in aber inn ain Beltz
Vnd nam mann von im auff viel gelts/
Dann jeder sehen wolt den Affen/
Der Weibern gibt so viel zuschaffen/
Vnd fräuwten sich seins vnglück's all
Das man diß wild Thier brächt inn stall
Ach diser hon solt euch abschrecken
Das jr nicht meh die Weiber wecken/
Wa ihr nicht gar halßstärzig wären/
Vnd mutwillig den Tod begären:
Noch rümet ihr stäts ewren list
Der doch nichts gegen Weibern ist:
Sie sind euch viel zu listig/viel/
Sie wissen auff euch Tausent ziel:
Auff was für vrsach mainet ihr
Das sie Beltz tragen für vnd für?
Warlich nur drum/das ihr drein schlieffen
Vnd sie euch darnach driinn ergriffen.
Dann Beltz vnd Brustuch sind der wald
Darin sich das schwarz wildbret halt.
Daher hat jene Koelfraw/
Damit sie euch nur wol verbaw/
Zwen Beltz getragen vnbeschwärt/
Vnd das raucht fein zusammen kehrt/
Auff das jr euch vzwischen ein
Verschlagt/vnd sie euch außnem fein.
Auff was für vrsach haben sie
Die hündlein bei in spat vnd frü/
Vnd wenden so groß kotten dran
Das sies auß Malta bringen lan?
Surwar nur drum/das die Mistbellen
Euch fangen auff inn iren fellen/

Vnd

Auff der Flöh verflainerung/

Vnd euch darnach die zarte Weiblin
Heraber Kläubeln vnd recht häubeln.

Warumb lahn sie die Busen offen

Als wärn jung hünere draus geschlossen?

Nur daß sie faren aus vnd ein

Vnd euch erhaschen bei ain bain.

Warum han sie die Finger gespitz

Vnter dem fürtuch inn dem Schlitz?

Nur drum/daß sie euch gleich ertappen/

Geben mit fingerhut ain schlappen.

Warum lehrt die Mutter das kind

Wan sie ain Floh oder laus find

Das es alsbald dieselben Mummeln

(Wie sie dann nennen euch Harhumeln)

Begert inns händlin woll zermelck

Auff das es euch alsdann so welck

Mit seinen harten Nägeln knitsch/

Vnd ewer Blut gleich an es spritz?

Gewis nur darum/das sie gwohen

Ewer von kind auff nicht zuschonen;

Vnd warum solt man sie nicht lehren

Sich zeitlich gegen euch zuwehren/

Diweil jr flöh/wie ihr gebt an/

Auch in dem Stiff zu Pulican

Ewer jung Manschaft lehrt turnieren

Vnd starck das spißlin auff sie füren:

Billich ist sich zur wehr zustellen/

Gegen denen/die an vns wöllen.

Auch alre Weiber/ drab mir graufft/

Die ziehen sich eh naclend auß

Damit sie euch Belzstelger finden

Es sei da fornen oder hinden/

Der Weiber Verantwortung.

Müssen also die scham hinlegen
Nur das sie bringen euch zuwegen/
O wie ein schrecklicher Anspect/
Er hat mich oft wol mehr erschreckt
Als wann ich sach ein wolff im Reiser
Vnd ward darab wol neun tag hasser.
Bosz Zeltz/wie muß manch feine Maid
Durch ewer Maisterlosigkeit
Stehn fornen vnd dahinden Blos/
Nur das sie werd der Maister loß/
Da sie euch sprengt am laden hrab
Acht nicht ob ihr fallt Schenkel ab
Oder in Kopff fallt löcher/beulen/
Oder wie Jämerlich ir heulen.
Wie jr solchs selbs von Weibern Elagt
Vnd nicht des minder sie noch plagt:
Köndt jr nicht an den Märtzen denken/
Wann sie Zeltz fur die laden henden/
Da jr muß/wa jr nicht wolt sterben
Abspringen/euch Narung zuwerben:
Warlich ich wills euch nicht nachthun/
Ich spräng sonst/wie ein bschrotet hun.
O wie wußt Jupiter so woll
Wie er euch zum Zweck bringen soll/
Inndem er geschaffen hat den Mertzzen/
Der euch erfrödt im leib die Hertzzen/
Das ihr dauon fallt an alln enden
Wie die Mucken im herbst an Wänden:
Gehen/also muß man euch Mertzzen:
Also vertreibt man euch das scherzen/
Vnd die Satirisch galle art
Wann ihr besteigt die Weiber zart/
Also

Auff der Floh verflainerung.

Also muß man das Gieß euch kühlen/
Gleich wie jenem Mönch auff der Mälen/
Vnd gleich wie Sant Franciscus that
Der seine Brunst im Schnee abbad/
Vnd wie Bruder Sanct Benedict
Der mit Nesseln sein Leib erquickt.
Was gelts/der Mertz trengt euch sein ein
Die Hundstag/da ihr Brünstig sein:
Ir solten schir im Mergen auch
Wie mein Großvatter het im Brauch/
Zwen Degen vor forcht vmb euch schützen/
Vnd gegen dem Mertz/der stürzt/stürzen/
Weil euch der Mertz haist recht ain Mars/
Der euch setzt Martisch auff den Ars/
Wie der Herbst den Hewschrecken thut/
Der ihnen den Hewmon einthut.
Ir machen schir mit ewern Bschwerden
Das nicht allain die Weiber werden
Lüstig/sonder halbstarrig auch/
Vnd bringens also gar in Brauch
Daß sie es auch an Mannen üben/
Vnd also die ganz Welt betrüben.
Ja/ihre macht/wie ich hab gesagt
Gantz vnuerschampt manch fromme Magd/
Das manche sich nit schämt zuzagen
Ir schwarz lang Brüst/dran die Hund seugen/
Nur das sie euch Blutbälg erwisch
Die hinder ir Brüst hangen ist/
Vnd meigt euch dann auff dem Tisch/
Ja auff dem Teller/drauff sie ist.
Kain Fraw mag so sehr nicht ergetzen
Das Scherenschleiffen vnd das schwezen/

Der Weiber verantwortung.

Wann sie sich zu den Swatterin setzen
Vnd' gar ain alte schart außwezen/
Sie greifen nach euch/so ihr stecht/
Vnd richten euch nach ihrem recht/
Zwischen den baiden roten daumen
Auf das sie ihrem hertzen raumen:
Vnd wer es auch beim hailigthumb/
Es freiet euch kein Kirch noch Thumb.
Dan/was dörrst ihr sie daran hindern?
Wan sie reden von ihren Kindern/
Oder außrechnen ihre Zeit/
Vnd wie ihr Kindtgnass war bereit/
Vnd was ihr Nachbarin trag für Röd/
Vnd wie die Welt voll hochfart sted/
Vnd wie vngern sie klayd ihr Man
Wann sie gern etwas News wolt han/
Vnd wie er irn das Gelt so schmal
All wochen auff den Markt darzal/
Vnd wie vil trachten sie nechst auß
Als sie am Tisch zu Gast lang saß/
Vnd andre meh nötige stück
Die mir nicht all einfliegen stück/
Dann ich ja nicht der Teufel haiff
Der hinder der Mess ohn gehaiff
Ain Bühaut voll schrib solcher reden
Die zwey frumb Weiblin zsamien hetten/
Ich wolt er het ghabt treck in Sänen
Da er die Bühaut muß außdänen/
Hat er sonst nötigers nicht zuschaffen
In der Zell/dann sie hören klaffen?
Es ist ain grober vnuerstand
Auflosen an deß Nachbarn Wand:

Aber

Auf der Flöh verkleinerung.

Aber jr Flöh seid schuldig dran/
Das auch der Buz muß vnruh han/
Dieweil die Weiblin zu vergessen
Euer stich/wann ihr sie stäts pressen/
Müssen hermachen etlich gszelin
Von ainem langen Gvatters gschwetzlin
Daher sie auch euch zu Veracht
Die Buncelmären han erdacht/
Wie solcher ain langs Paternoster
Ovidius beschreibet zum Muster/
Die er/wie man gemainlich glaubt/
In Kockenstuben hat auffklaubt/
Damit man vor ernstschastem gschwetz
Vnd aufhören nicht acht der pfetz.
Vnd ist kein wunder/das die Frawen
Inn Buncelstuben euch nicht trawen/
Dieweil ihr gehn dörfft in ain Khat/
Darein man euch doch gar nicht ladet.
Was habt ihr doch zuthun darinnen?
Ir köndt weder nähen noch spinnen/
Gleich wie die Spinn/die Spinnerin/
Die man doch auch kaum leidet darinn?
Daher die Spinnen sich beklagen
Das auch die Spinnerin sie ausschlagen:
Ir aber könt nichts als nur stupffen
Mit Spindeln/Wadeln/vnd dann hupffen/
Solcher Stupffkuncelstubnerin
Bedörffen sie gar nicht dahin:
Müssen daher die Weiber denken
Das ihr euch drum bey in anhendern
Auff das ihr inen Boffen trähert/
Oder ain haimlichkait außspähert.

Darumb

Der Weiber verantwörung

Darumb that jene Jungfraw recht
Die ain solchen Ausspeher Knecht/
Als sie ihn auff dem Markt erwischt/
In das Fischsäcklin stieß so frisch/
Trug ihn in Thurn haim für ain Fisch
Legt den Kundschaftter auff den Tisch/
Vnd bracht an ihm ein jr gedult
Vnd recht ihn wie er hat verschuldt/
Nemlich/klembt ihn zwischen die Thür
Das er von ihm streckt alle vier.

Dann darumb tragen gern die Mädlin
Wann sie außgehn/die Säck vnd lädlin/
Damit so jr sie vnderwegen
Angreiffst/sie in den Thurn euch legen/
Vnd Baslermaydlin drum anhencken
Die Nymmer/euch drinn zuertrencken.

Wiewol ihr nun seyt vorthailhafft
Wie ihr euch rhümbt der aygenschaft/
Seyt ir doch nie so böß gewesen
Sie könten euch den Knopff auflösen:
Dann obwol ihr arglistig geschöpff
Die arme Magd/so wasser schöpffte
Greiffst hinden an/vnd hacket sie
Vnter deß sie hat grosse müh:
Noch halt sie so steiff nicht das Sayl
Ainer muß werden ihr zu thayl/
Sie laßt jr eh in hindern gucken
Nur daß sie ainen hol vom rucken/
Den knitscht sie auff dem Wasserstain/
Weil jr vil herter sein dann stain.
Vnd Billich strafft man disen Man
Der ain greiffst hinderwertig an/

Vnd

Auff der Sloh verflainerung.

Vnd alles verterbt/plagt vnd jagt
Eh er ainem den Krieg ansagt:
Wie jr dann halt solch gwonhalt stark/
Also das ir am Grempelmarkt/
Die Weiblin/die jr kram anbieten/
Vnd ob den haisen hâfen brieren/
Anzapffen/wie alt sie auch seien/
Vnd ab dem grawen har nicht schewen.
Ich glaub/jr maint/das sie das schinden
Nicht auff der gstopfften haut empfinden/
Aber mit gfar/werd jrs gewar/
Wann sie euch haschen also bar/
Vnd werffen euch böß mißgewächs
Inn glut zubrennen wie ein hechs/
Verbrent also ain hechs die ander/
Damit bei Bösen die Rach wander:
Wann ir dann knilt wie Pulfertüchlin/
Darfür âs sie nicht Sträublinküchlin/
Dieweil jr sie habt wollen pländern
Vnd am geltlösen schandtlich hindern/
Solch peyn thun euch die Köchin auch
Die euch erstrecken inn dem Rauch/
Dann weil wie Scorpion mit schrecken
Ir leut vergift mit roten flecken/
So muß man billich euch so peynigen/
Euch wie vergifteter durchs feur rainigen;
Demnach die glut/bewart des gut/
Vnrain vom rainen schaiden thut.
Wiewol jr auch nicht feurs seid werd/
Dieweil man gold damit bewert/
Drum ihene Magd euch gsteinigt hat
Auff freiem Markt inn freier statt

Der Weiber verantwortung/

Damit die stain dieselben decken
Die sich mit Blurverguß beflecken.

Manche die halt euch noch geringer/
Also das wann ihr Maidlin zwinget/
Siet tret/ vnd sie euch greiffen muß
Bertritt sie euch nur mit dem fuß:

Dann wann ain feind sich merckt veracht/
Vergeht im sein hochmut vnd bracht.

Defgleichen thund auch dise Maidlen

Die euch inn die Saichfachel beutlen/
Darinn erläuffen vnd vertelben:

Doch seit ihr auch kaum werd desselben/
Dieweil es Jungfrawwasser ist/

Nach dem viel Löffler woll gelüßt:

Was rümbt ir euch der Listigkeit/
Demnach ihr doch so thorecht seit

Das ihr schliefft ainer inn ain Ohr/

Dann thut sie nur die hand darfor/

So seit ir Belzfish schon im Netz:

Da richten sie euch nach dem Gesetz/

Welchs laut/wer sich rümbt listig fast/

Vnd wird vom listigern vberrast/

Des spott man der Kumnichtigen fründ/

Vnd strafft sein vnfürsichtigkeit.

Wann aber ich von stück zu stück

Setzt ewer vnfürsichtig tück/

Die man noch täglich an euch spürt/

Vnd aber auch hinwider rürt/

Der Weiber vortail/die sie treiben/

So köant ichs nicht bei tag beschreiben/

So halt ich euch zwar viel zu gering

Das ich die Nacht mit euch zubring/

Auff der Flöh verflainerung.

Doch muß ich ain stuck nicht vergessen
Daran allain den Tod ihr fressen:
Vnd sag/das vber die beschwärd
So ich hie oben hab erklärt
Das ainig stuck euch allesammen
Zum tod solt vrtailn vnd verdammen/
Nämlich das ihr/baid Herz vnd Knecht/
Baid Fraw vnd Magd/baid hoch vnd schlecht/
Verhindert an iren geschäften
Vnd sie beraubet irer kräften
Durch Blutsaugen vnd plözlich stich/
Die ainen schrecken schnelliglich/
Seit jederman ain vberlast
Es sei gleich bei hast oder Rast.
Dann wie manch Tochter vnd manch Magd
Die gern wolt spinnen vngeplagt/
Vnd jezund an der arbeit ist/
Zwickt jr/das jr vergehn die lust/
Dieweil sie euch nachfischen muß
Vnd drum aufflegen aine Büß/
Vnder des spän sie ettlich faden/
Also bringt ihr die Fraw inn schaden/
Die es der Magt sagt grob zu hauß/
Wann sie nicht spinnt ihr tagwerck auß/
Vnd ist sie doch vnschuldig dran/
Also spinnt ihr nur hader an.
Solt nicht das ganze haußgesind
Erwischen Wehr/vnd was es find/
Vnd euch verfolgen vber Mör
Auff das ir her nicht kämen mehr?
Solt nicht ain Magd erzörnen sich
Das sie vmb's Kind käm liederlich?

Der Weiber verantworung.

Das sie auch iren Beltz zum Hemd/
Darein ihr nit mit euch verbrenndt?
Wie der Herz/der sein Schwert anzündt
Der Ratten halben die drinn sind/
Oder sie sucht ain Eulenspiegel/
Der ir den Beltz wäsch vnd versiegel/
Oder an euch vor grimmer hitz
Verstäch all spitze Spindelspitz?
Oder wie jene Tochter that
Die vber Flöh ließ gahn ain Rad?
Vnd aine Legion mit Flöh
Mit blossem gäs setz inn den Schne/
Welchs euch ward herber als der Mertz/
Der euch recht stört den Ragenstertz:
Ja wann sie euch Radbrechen/Zencken/
Köndt ich sie nicht darum verdennen:
Wann sie schon hetten all den sinn/
Wie ir sagt von den Naderin
Die ewer Kammeriunghern etlich
Streckt an ain Nadel/warlich spötllich/
Vnd brat sie darnach bei dem Sewr/
Disß war woll etwas vngewehr:
Aber es haist/hart wider hart/
Ain harte schwardt/würd hart geschart.
Was schads/het sie euch schon gefressen/
Wie wir von Libischen Völckern lesen/
Welchen kain Läuß noch Flöh entgiengen
Wann sie derselben etlich fiengen/
Die nicht die Köpff dahinden liessen/
Dann sie die Köpff in vor abbissen:
Damit all hoffnung in zunehmen
Das sie ainmal nicht wider kämen.

Solche

Auffder Flöhverflainerung.

Solchs ist ain fein Exempel zwar/
Welchs Herodorus beschreibet klar
Zu nutz den Weibern/sie zulehren/
Dem vnentlichen gschmaiß zuwehren;
Wolt nun jr Frawen auch meh sagen
Das gehrte für euch sorg nicht tragen?
Doch lehr ich kain zuessen das/
Dieweil es ist vn sauber was/
Vnd gehört für die Affenmäuler/
Vnd Eselische Distelgayler:
Gleich wie ich auch verbit hiemit
Euch Weibern/das ihr lan den sitt/
Die Flöh ainander zuzusaußen/
Dann wie möcht jr dem Teufelshaußen
Solche ehr thun/ihn in Wein zustecken/
Vnd ewern Leyb damit besrecken:
Sie sind nicht saubers Wassers wert/
Noch das sie der Höllhund verzehret.
Wolt jr Jungfrawen machen euch
Die schandtlich Belzburst in dem gleich
Das man ab ihuen trincken soll/
Gleich wie die Buler trincken wol
Ab ewerm Har/wann sies bekommen/
Ab ewern Tüchlin/die sie gnommen/
Vnd noch dazu/wann sie es kanten/
Ewers Schweiß etlich pfund verschländen/
Dann wie ich hör/stilts ain den Krampff
Als in anwährt ain Jungfrawentampff/
Vnd thet kain grimmen mehr fülen
Als er nur tranck auß ewern Schühlen/
Auch haylet ainem gleich sein Wund
Als ers mit ewrem Schlayer bund.

Der Weiber verantwortung.

Wa sind dan diese schöne Gellen
Die euch inn Keller nicht lan wöllen/
Förchten das ihr den Wein vergiffen/
So jr an Bulern wunder stiffen:
Aber es sind kalt-satichig Affen
Drumb han wir nichts mit ihn zuschaffen/
Wir wöllen wider auff die Flöh:
Die ihr forthin nicht sauffet meh/
(Verzeicht mir/das ich Sauffen sprech
Wäst trüncf ich für kain trincken rech)
Ir habt doch genug Wehr zur zeit:
Scheren vnd Messer/das jhrs schneid/
Schneid dapffer drein/wie ins frembd ohr/
Es wachst euch darumb kain hor.
Jedoch wanns velleicht aine thet
Vnd biß schon ab die Flöhköpff stät.
Könt ich drumb auch nicht zörnen sehr/
Diweil sie nicht die erste wer/
Sonder an den vorigen Frawen
Mag wol ain tröstlich Sorbild schawen/
Welches sie nicht auß fürwitz thaten/
Sonder groß noth lehrt sies erzathen:
Wie hetten sie sonst demmen können
Euch Beltzverherger/Klayderspinnen?
Anders stehts mit Flöh vnd Läusehässern
Als mit den Canblischen Leutfressern/
Dann die Leutfresser solches thaten
Auß grewlichkait/ohn Menschlich gnaden/
Aber Flöhfresser sich zuwehren/
Vnd ihr Feind hiedurch abzukehren.
Derhalben niemand nicht verwunder/
Wann heut schon gescheh etwas Besunder/

Auff der Flöh verflainerung

Vnd auch Flöhfresserin entstunden
Wie man Leutfresser hat gefunden/
Nicht sich an euch zusättigen
Sonder sich zuuerthädigen/
Weil nicht allain wie Mörderßräuber
Iram Leib schädigt alle Weiber/
Sondern wie Kranckheit/Frost vnd Winter
Sie auch an ihrer Arbeit hindert/
Ja auch das träge Haußgesind/
Welchs ohn das nicht ist zugeschwind/
Erst noch mehr machet hinderstellig
Mit ewern Kützeln vngesellig.
Also daß ihr auch in der Buchen
Die Köchin bey dem Herd da suchen/
Stampfft sie/wann sie soll Schüsseln spülen/
Das sie euch Strupffern nach muß wülen/
Vnd macht also feyrabend später/
Das richt nur an ihr Vbelthäter.
Ja oft wann sie anrichten soll/
Supp oder Musß eingiessen wol
So gebt ihr Schelmen jr ain zwick/
Das sie muß greiffen gleich zu rück/
Vnd euch verjagen vor all dingen/
Alßdann ihr in die Speiß da springen/
Vnd in den Pfeffer euch vermischt/
So trägt man euch alßdann zu Tisch/
Da ist die Fraw euch auff dem Hünlin
Villeicht für Näglin vnd Rosinlin/
Vnd also ihr selbs Blut verschlind/
Wie etwan Tiestes sein Kind/
Darauß schwer Kranckheit kompt all tag/
Die kein Arzt nicht errathen mag:

Seyt also rechte vnglück stifter;
 Recht Mörder/ Beth vnd Tischvergiffter/
 Die man nach Kayserlichem Rechr
 Mag brennen/Braten/sieden schlecht.
 Vnd so vil mehr haimische Feind
 Als frembde Feind zuhassen seind/
 So vil mehr soll man euch Bethspinnen
 Verfolgen/vnd kein lan entrienen.
 Es wer kein wunder/das auch heut
 Gleich wie erwan vor langer zeit
 Das Völcklin inn Myuscia
 Glegen im Land Achaia/
 (Welchs plag halben der Schnacken/Mucken/
 Thet in ain ander Land verrucken/
 Oder gleich wie die Abderiten
 Die vor der Frösch vnd der Mäuß wüten
 Inn Macedonien verzogen)
 Auch die Weiber von ewerm plogen
 Verruckten wie Storcken vnd Schwalben/
 Weil ihr Blurmauser allenthalben
 An ihnen braucht so sehr die Waffen/
 Das ir sie nicht recht lassen schlaffen/
 Sonder bey Nacht sie oft erschrocket
 Vnd on ain sanengschray erwecket/
 Könnit bey nacht mindet rhuen/rasten/
 Als beschloßest Maus in Brotkasten/
 Es ist kein Bett noch Lagerstatt
 So hoch/so rain/gefürt/geratt/
 Ir könt hinauff ohn Latern stigen/
 Auch ohn Hufeysen/kräffel/frigen/
 Da könt ir kein rhu haben nicht/
 Schreyff in das maus auch morgen sicht

Auff der Slöß verflainerung/

So gibt man euch den schrepfferlon/
Gleich wie ihr arbeit habt gethon.
Dann wa habt jr das Handwerk glehrt
Wann vnd wem das schrepffen gehört?
Ir schrepfft nur ewer Wans zu meisten/
Es sei zum bösten oder besten/
Wann man es schon nicht vbertritt/
Auch an enden/da es nutzt nitt/
Vnd zäpfft so bald das beste Blut
Als das ärgst/welchs euch nicht wol thut:
Wolt ihr dann junge schrepffer sein/
Verdingt euch in ain Badstub hnein/
Aber das werd ihr noch woll lassen
Weil jr das Laß wie Katzen lassen.
Ich habt nur lust Blut zu vergiessen/
Vnd thun/was Weiber thut verdriessen:
Ja jr Blutscherzer seit so wietig
Das ir auch handelt sehr vngietig
Mit Jungfrawen/so Brangen sollen/
Vnd bei der Hochzeit Mäulig schmollen/
Die zäpfft ir fornen/hinden an/
Nur das sie da inn schanden stahn/
Wie ihr den Krieg von euch selbs saget
Aber vber den sig sehr Elaget/
Weil sie/wann sie vom Bräuttrisch kommen/
Klopffen die Beltz her wie die Trommen/
Vnd brauchen da die baide daumen/
Raumen was sie vor thäten saumen.
Auch thuns euch recht ir Schadenfro/
Dieweil ihr si wolt schänden do:
Dann werzu schänden ain gedencft
Denselbigen die schand selbs krändt:

Der Weiber verantwortung/

Vnd wer haist euch das Maidlin pfezen
Ihrs Bulen pfez mags meh ergezen:

Aber euch ist erlatd das Bier/

Darumb tracht ihr nach Maluasier/

Das Rosenfarb Jungfräulich Blut/

Euch also wol inn Zänen thut/

Das euch Belzjunghern nicht mehr schmeckt

Der Viehmagt hindern/was sie legt/

Noch auch der alten Trompeln Brüst

Vnd was des gmainen Weidwerck's ist/

Sonder man muß die Zän euch schaben/

Euch nun mit Nonnenblast erlaben/

Drumb gsellt jr euch zum höchsten stam

Wie Kostreck vnder Vepfeln schwam/

Wolt wie die Feldmauß euch vermessen

Mitt der Stattmauß zu nacht zuessen/

List vnder guldin gwand vnd Seiden:

Die warlich euch nicht lang erleiden:

Dann weil sie sehr viel Blaidex han

Ziehen sie täglich frische an/

Sie hand vil Mägd/die euch ersch'agen/

Vnd durch die Spies euch können jagen:

Köndt also jr zu hoff nichts gwinnen

Gleich wie hie oben auch die Spinnen:

Noch dörrft ir ewern Hochmut zaigen.

Vnd erst auch inn ain Mönchs kut steigen.

Aber/was gelts jr köndt wol fliehen

Wann sie ain Toden die anziehen?

Welche man drum doch sällig spricht

Vnd jr wolt sällig werden nicht?

Nichts ist ain freund/der nicht inn Not

Ja inn dem Tod auch bei ain stoh.

Auff der Slöß verflainerung.

Aber das aller ärgste ist

Das jr auch inn die Kirchen nist

Acht nicht obs Herculs Tempel sei/

Darein kein Muck dorfft fliegen frei/

Da jr die fromme Weiblin hindert

An ihrer andacht die jr mindert:

Dann wie ist da ain Rucken/bucken/

Ain schmucken/jucken wann jr zucken/

Ach/wie ain knappen vnd ain schnappen/

Ain sappen/grappen vnd ertappen:

Da keiner andacht ist so tief/

Sie thut griff/wann sie schon halb schlieff:

Auch wann der Pfaff schon elemiert

Die hand sie riert/wann sie euch spürt:

Vnd wer ist/ders euch gern vergift

Wann jr Blutspisser ainen spißt?

Es geht ain gar durch Bain vnd Marck

So giftig sind die stich vnd starck.

Wie manchs Mütterlin in der Predig

Schlieff gern/wer sie nur ewer ledig?

Aber kurgum/da ist kein Xhu

Wie in der badstub/ein vnd zu/

Hindert nur jre gute Traum

Vnd machts viel gröber dann dahaim

Wie mir solchs offft die Weiber klagen/

Das jr sie allzeit viel mehr plagen

Inn der Kirchen/dann je zu hauff.

Glauben derhalben vberauff

Das euch allda der Teufel rent/

Wa jr nicht selbs di Teufel seit.

Vnd wer wolt schier daran auch zweifeln

Weil jr Schwartzänlich seit den Teufeln?

Der Weiber verantwortung.

Vnd wolt die Fromkait allda hindern
Baid bei den Alten vnd den Kindern.

Ein wunder ist/sprach mal ein Weib/
Das eine auß der Kirchen Bleib/

Vnd het im Schlitze die Hand zu Hauff:

Wann inn der Kirchen allzeit drauß
Auß ainem Floh noch neun entstehn,
Vnd also grob zu Acker gehn.

Die Red entspringt auß vngedult

Vnd legt nicht recht auff d Kirch die schuld:

Jedoch wer kann dazu auch betten

Wann ir ain so Barmherzig treten:

Es solt ain Weib noch widerfaren/

(Wie dann soll gschehen sein vor saren)

Das ain Fraw ain treibainigen Stul

Warff nach ain Floh/der ir entful/

Auch inn der Kirchen/nur vor grim:

Dann aller zorn ist vngestümm

Wann er bricht auß/ vnd nicht wirt gsäumbt/

Wie sich an diser Frawen reümbt.

Aber wann mir sezund die Frawen

Sein folgen wöllen vnd vertrauen/

Will ich sie zur der letz jertz leren/

Sich lachends munds auch wol zuwehren/

Wie ihr zu end solchs hören werden

Euch Maid!instriglern zu beschwörden.

Wolauß so räuspert euch darauff

Halt/das mir Eainer nicht entlauff.

Es träumbt in schon vom Teufel hie/

Dann ihr gewissen trucket sie.

Wiewol ich hab euch hart verbandt

Das ir mit springt vor die wand:

Dann

Auf der Flöhverkleinerung.

Dann diese grub ist schon besprenget
Mit Gaisßblut/ vnd mit Kôl vermengt/
Vnd mein Mercurisch Richterstab
Mit Igelschmalz ich gschmiret hab/
Damit ich euch Flöh stillen mag
Das jr werd stumm/ vnd taub vnd zag/
Wie Mercurius mit seinem Stecken
Kont schlaffen machen vnd erwecken.
Wol auff/ so höret fleißig auff
Wie es sich jetz; um ende lauff/
Es wird nun an Bindrümen gan
Man wird auffn schwantz der Schlangen stan
Ich will euch jetz vom Teuffel predigen:
Die Weiber/ oder gar erledigen/
Oder sie doch fein vnderweisen
Wie sie euch bringen in die Eysen.
Dann ich all ämpter hab vom Ioue
Von der Flöh wegen an seinem Hofe/
Jupiter wirdt von ewertwegen/
Nicht erst stral brauchen/ euch zu legen/
Gleich wie die Weiber ihr verlacht
Das sie anrüssen Jovis macht/
Wann ihr inen thut vbertrang:
Wolan/ daß ich die sach anfang.
Die sach hab ich recognoscirt
Vnd hin vnd wider wol justirt/
Ewer Blutsauger flag vernommen/
Auch ist mir auff der Post zukommen
Der Weiber groß verantwortung
Vnd flag von ewer bschädigung/
Wie ich euch die hab nach der läng
Zie vor erzelt/ ohn als gepräng.

Das Flöhrthail.

So find ich nun zu ainem thail
Vil vnschuld/welchs im dint zu hayl.
Erstlich das alle Weiber gern
Auch von Natur zu Friden wern
(Es sey dann gar ain böser Mutz
Die gern hat/das sie der Mann butz)
Aber ihr grosse fridsamkeit
Gibt euch Staubjunghern glegenheit
Das ihr sie plagt nach ewerm willen/
Ewern Blutdurst an ihn zu külen/
Betrübt also der Frawen gdult
Das sie ihr Händ mit Blut verschuld.
Daher sehr vil ins Frawenzimmer
Mit bloser hand euch tödten nimmer/
Sonder sie knitschen euch so fett
Zwischen des Beruchs geschlossnem Bret/
Oder sie ziehen Hendschuch an
Vnd brauchen Fingerhüt daran.
Darauß man sieht jr zartlichkeit
Das Blutverguß nicht ist ihr freud?
Aber ihr zwinget sie dazu
Vnd last ihn tag vnd nacht kein ruh/
Bissetlich sie mit blut beslecken
Dadurch die andern abzuschrecken.
Zum andern/wann sie schon villeicht
Machen ihr hend im Flöhblut feucht/
So thun sie solches nicht mit willen/
Sondern hie mit euch was zustüllen/
Ist also ain Nothwehr zuhaissen
Ain widerstand sie nicht zubeissen.
Ja ist ain Beltzrettung zunennen
Ewer Beltzrennen mit zutrennen.

Zu Weiber vorthail.

Ain Nothwehr aber/wie man sagt/
Ist ain Todwehr/wann mans nit wagt:
Darumb wann sie sich schon vergessen
Vnd euch zu grob vulleicht auch messen/
Nachts/das sie in der Notheyl hasten
Dann Not kan nicht auff Roht vil rasten:
So ist auch billich/das ihr gdenck
Wie ihr ihn vor habt eingeschenck/
So nemmet dran auch ewern gwin/
Wie man ain sucht/so find man ihn.
Zum dritten/ist es nicht ain Weib
So vast zuthun vmb jren Leib/
Als vmb der Kinder zarte haut/
Die jr oft haßlich grob zerhaut/
Vnd macht sie bey nacht wainen sehr/
Davor sie nicht kan schlaffen mehr:
Ja welche am meisten sie zerret
So weck jr auch den Mann darmit/
Der mainet dann das Kind sey krank/
Vnd fangt mit jhren an ain zank.
Ja jr macht/das die Nachbaurschafft
Vor dem geschray nicht ruhig schlafft/
Also ist auch mit den Jungfrawen
Dieselben auff jhr Bulen schawen.
Dann sie besorgt/wann die ersehen
Das sie vil juck
Vnd greiff nach Flöhen
So schewen die sie anzusprechen
Auff das sie nicht Flöh erben möchten.
Secht/solchen jamer richt jr an/
Wie kan ich ab den Weibern stan?
Ja kan hierinn nicht anders sprechen/
Dann das sie sich sehr billich rechen/

Das Flöhrthail.

Dieweil sie hizu treibet an
Ir lieb zum Kind vnd irem Man/
Vnd wolt gern wie der Pellican
Mit irem Blut für alle stan.
Zum vierdren ist jr angelegen
Daß ihr die Haushaltung bewegen/
Vnd bringet ain vnordnung drein/
Dieweil jr pferzet in gemain/
Baid Fraw vnd Magd / baid Knecht vnd Kind/
Hindert also das Hausgesind/
Wann es an seiner arbayt ist
Das es nach ewern stichen wischt.
Wer wolt dann solche Hauszerstörer
Leyden/vnd solch Gesind verkerer.
Solt man in nicht das Land verbleten
Ich geschweyg das Haus/darinn sie wäiten.
Dieweil an ains jeden Haushaltung
Stehet das Hail der Landsverwaltung.
Zu legt/das jr Kurtz mögen schawen
Die groß rechtfertigung der Frawen/
Sag ich/das sich vil meh gebürt
Das ain Weib vber euch regirt
Vnd straffet ewer arge werck/
Gleich wie den Fröschen thun die Störck/
Als das jr vber sie gebieten
Vnd wider das Edelst Geschöpff wäiten/
Weil jr Flöh nit in dhöh seyt gschaffen/
Sonder im Staub nur vmbzugaffen.
Nun habt jr gar den gangen Flaiber
Von der Rechtfertigung der Weiber.
Jez laßt vns ewer sach besehen
Warumb dieselbig wir verschmehen/

Zu der Weiber vortail:

Vnd euch die gänzlich sprechen ab
Vnd euch verdammen biß ins Grab.
Erstlich darum/weil offenbar
Das es ain alter Kleid ist gar/
Ain Beltzhaß/den jr all inn euch
Auff Eue Beltz habt gsogen gleich/
Ganz liederlich vnbesügt/
Dieweil man euch hat recht bekriegt/
Vnd ewer mutwill nicht gelossen/
Sonder auff Beltzen euch verstoffen/
Darinn ihr grossen hochmut übtent/
Vnd bald die Kinder erst betrübent;
Welche gewonhait jr noch halten/
Vnd folget bößlich ewern Alten/
Die alle kriegren ain böß end/
Welchs euch noch nit von Bosshait wend.
Darum ist euch der Tod bereit
Zu lon ewer halßstarrigkeit.
Vnd wer wolt euch Beltzneidern doch
Was guts han zugetrawet noch/
Dieweil ihr ewer grewlich zangen
An Kindern gleich habt angefangen.
Dann thut man args den jungen Zweigen
Was wirt den Alten man erzalgen?
Hierum/weil ihr halt ewern Kleid/
Bhalten die Weiber jren streit/
Vnd wer da ist am maisten schwach
Der zeh die Bagz dann durch den Bach.
Zum andern/so mißfalt mir mehr
Das jr seit also fräsel sehr/
Vnd übet gewalt/der dann gmeinlich
Durchs Schwert wirt niderghawen betnlich
Vnd

Das Hohnurtheil.

Und reißt euch an ain jeden Stand/
Thut jeder an groß schmach vnd schand/
Also das jr manch Fraw verstoren
Wann sie ist inn jhren grösten ehren/
Vnd macht/das sie muß greiffen offte
An hatmlich örter/vnuerhoffte/
Vnd suchen euch/wa ir sie sucht/
Euch straffen vñ solche vnzucht.
Ja ir dörrft sie so hoch Bemühen
Das sie sich nackend auß muß ziehen/
Vnd machen ainen bösen blick/
Sind das nicht arge Bubenstück/
Damit ir Weiblich scham erösen
Vnd ihrer decke sie entplösen?
Greiffen auff offnem Markt vor Leuten
Sornen vnd hinden vnd zur seiten.
Fürwar diß sind solch Schelmen zotten
Die mit dem Fewr wern auß zurotten.
Wie solt ich euch dann ledig sprechen/
Ich wolt euch eh das Rad zutreiben.
Zum dritten/sag du Schwarze Händ/
Ist nit dein grösser Blutdurst wärd/
Das man solch Blutig Urthail sag
Das Blut vber dein Kopff ausschlag.
Dann seit ein mal euch Mörder all
Nicht die Natur strafft inn dem fall/
Wie die Blutschnack/so mit gewalt
Engwat böst vom Blutsaugen bald/
So seit ir Weibern vorgeschlagen
Das sie euch auß dem Blutbad zwagen.
Dan kain Mord bleibt lang vngestraft
Wann er ain weil schon thut vnd schlafft:
Fürnams

Zu der Weiber vortail.

Sarnämlich/so ir auch vergiffet/
Wie solchs die Weiber hand gebrufft.

Zum vierten/ir euch selber schändt/
Weil vngedäumelt ir bekandt

Das schleckshalb ir seit also wütig/
Vnd wagt euch inn Tod so dollmütig/

Dann vberfluß/schleck/gail gelüst

Die sinn verwüstet/vnd vertüst/

Vnd geitz vnd vnersättlichkeit

Gebürt im Gemüt vn Sinnigkeit.

Weil jr dann seit verrückt im Sinn

Gebt jr euch selbs inn Tod dahin.

Wer aber sich selbs bringt vmb's leben

Der kann ändern die schuld nit geben.

Wolan/so gebt euch selbs die schuld

Das ich zu euch trag gar kein huld.

Zum fünfften/solt michs nit verdriessen

Das ir Betstrambler so geflissen

Mit ewerm bicken/griffen/zwicken/

Dem Hauß vatter sein Gsind abstricken/

Vnd von der arbeit gar entwänen/

Wann es sich muß nach euch vil dānen.

Wie kann ich euch hie fallen bei

Vnd loben solche Weiteret.

Dann jedem frommen Man gefalt

Das man den Haußfriden ethalt/

Welchen ir Madlinstrigler all

Zu Boden richten vnd zu fall:

Mann sagt/besser ain fenster auß/

Dann das zu grund gang gar das Hauß/

Also wet besser/das jr sterben/

Dann das gar wirt ain Land verderben.

Das Flohurtail.

Lezlich/weiht jr Beltzumber auch
Von ewer Speiß vnd altem Bruch/
Der einhielt/das jr Thierblut schluckten/
Vnd nit das Weiber Volck viel druckten:
Aber jr wolt nur Menschenblut
Welches nie kainen kam zu gut.
Wie kan euch hold sein dann ain Weib/
Weil jr tracht nach item Blut vnd Leib.
Zu dem/so vbermacht jrs gar
Mit dem Blutzäpffen immerdar.
Vnd weil jr hielt kain maß darein
Stallt ich kain maß im straffen jhn.
Jedoch das diser gfarlich streit
Nicht mit der zeit wachs gar zu weit.
Hab ich mir jezundt fürgenommen/
Mit dem Urteil solchs fürzukommen/
Vnd solchs auff rauhe wäg gar nicht/
Sonder vertragaweiß zugericht.
Nämlich/das kain Floh kain soll beißen
Er wiß dann auch schnell außzureißen/
Kain Floh kain Fraw soll zwingen/dringen/
Er wiß dann wider zuentspringen/
So lieb im sein Leib/Leben ist/
Dann so er vielericht wirt erwische
Will ich dem Weib sehr gonnen wol
Das sie zu tod den Einzeln sol.
Dagegen sollen auch die Frawen
Stetig inn dem fall für sich schawen/
Vnd kainen töden/dann sie wissen
Das der sei/der sie hat gebissen:
Oder die Weiber müssen nun
Ain widerruffjn alßbald thun/

Zuder Weiber Vorthail.

Vnd ihn nach Westphalischem Recht
Vom Galgen nemmen/ist er gschmächet;
Auch daß sie ihn die Zän besichtigen
Vnd den Verbrecher alsdann züchtigen/
Vnd oder ihm die Zän außklemmen/
Oder ihm sonst den angel nemmen/
Gleich wie man thut den grossen Brämen/
Oder am lincken Fuß ihn lämen.
Das sind mitlinde plagen/straffen/
Die nicht deß minder auch was schaffen/
Vnd das Siöhbürstlin auch erschrecken/
Weil solch pein sich zum Tod auch strecken/
Dann so strafft man auffrätisch Lauren
Gleich wie die Dirmarsische Lauren/
Das man ihn lämbt vnd blendt die Pferd:
Nimt in all Wehr/Spies/Bichs/ vnd schwert
Oder machts/wie der Türck vor Rab
hawt ihn den rechten Daumen ab.
Dann lieber/wie ist der gerüst
Der lam/Blind/vnd vnwehrhafft ist?
Also möcht aller neyd vnd streit
Werden ohn Blutuerguß zerleith/
Vnd werden angericht ain Zucht
Die sonst ist vil zu sehr verzucht.
Aber auff das ihr Siöh könt sehen
Das ich billichkait nach thu spehen/
So will ich euch vier orth erlauben
Da jr die Weiber möget schrauben.
Erstlich nur auff die genge Jung/
Welchs ihr Weh ist vnd thädigung/
Damit sie sehr die Mann behören
Wann sie nicht schweigen vnd auffhören/

Das Flöjvorthail.

Auff das ihr ihn das genge Blut
An wenig außher schreyffen thut.
Wiewol ihr werden haben müß/
Weil sie die üben spath vnd frä.
Demnach solt ihr auch freyhait haben
Im Kröß der Kälber umbzutragen/
Die sie umb halß vnd hend vmzäunen
Das sie wie ain Irzgarten scheinen:
Vollgends wanns villeicht auch nicht schad
Zapffts an im Niderwad vnd Bad:
Aber da laß ich euch für sorgen
Wie ihr darein kompt wol verborgen.
Vnd secht/das jr euch da nicht nezt
Ir fligt sonst wie ain nasse Zetz.
Zum dritten/möcht jr auch im dantz/
Bey ihnen wagen recht die schantz/
Auff das ihn die Dantzucht vergeh/
Sie kügeln an der linden Zeh/
Vnd auffm hindern Küssbacken beißen/
Dann da empfinds kain glüend Eysen.
Secht/sind euch das nicht vorthail groß/
Das ich euch stell die Weiber Bloß.
Jedoch gebit ich euch bey m Bann
Das ihrs greiff vorderwertig an/
Vnd vor dem stich vor allzeit schreyen/
Auff das ihr nicht Verräther seyen.
Jedoch rufft nicht zu laut vnd hell/
Vnd nicht wie Kärchelzihel schnell/
Die erst alsdann Auffsehen ruffen
Wann sie ain stossen/vnd vor puffen.
Wer aber weiter schreyten wolt/
Nicht sein gehorsam/wie er solt/

Zu Weiber vort hail.

Den will der Freyhalt ich berauben/
Dem Vogel in der Luft erlauben/
In auß dem Frid in vnfrid setzen/
Ihn gar preiß geben zuuerlezen/
Ihn han verbotten sein Freunden
Vnd gar erlaubet seinen Feinden/
Das alle Weiber Brauchen mügen
Alle Flöhfallen/die sie krügen
Vnd sie darinn auffhengen dann
Zu atnem spott vor jederman/
Gleich wie den Taufferischen König
Johan von Landen widerspennig/
Der zu Münster im Käfig hendt
Das man des Nadelkönigs gdenct.
Oder wie man lehrt in vil Stätten
Böß Leuth im Narzenhäußlin betten:
Oder euch binden/vnd anfesseln
Euch für ain Bären ombzesseln/
Oder zuspannen in den pflug
Vnd in ain Barren zu dem zug/
Wie dann Alexander von Metz/
Dessen Sembd im pflug weiß war stets.
Ich dörrft auch zwar erzörnen mich
Wann ihr mir nit folgt aygentlich/
Das ich die Weiber lehret flicken
Die Flöhgarn/vnd die Flöhnetz stricken/
Auff das ihr Scharenweiß behangen/
Gleich wie wir Visch vnd Vögel fangen/
Ich dörrft sie auch Flöhangel weisen
Vnd die blinden scharpffen Fußeyßen.
Ja/wann ihr nicht thut nach mein wunsch/
Will ich sie lehren die new Kunst

Das Flöhrthail.

Mit Hasenleim/ so heut erdacht/
Das man damit das Wildprät facht:
Dann man sol dem Kain gnad beweisen/
Der mutwillig kompt inn die Eysen/
Vnd ain verwanten Vbertreter/
Strafft man für doppel Vbelthäter.
Derhalben wann euch Stubenstäuber
Vmb den vnghorsam schon die Weiber
hart straffen/ vnd am Blut sich rechen
Will ich sie doch drumb ledigsprechen.
Ja ich will sie gewarner haben
Das sie euch ligen lan vngrabten/
Vnd euch nicht trawen/ wann jr euch
Stelt als wern ihr ain Todenleich/
Sonder wann sie zu tod euch schleiffen
Sollen sie vor den Puls euch greiffen/
Vnd fülen/ ob derselb noch schlag
Vb es ain leben noch vermag/
Dann gwißlich wann er wirdt erstan
So wird er widerumb auch gan.
Vnd leglich wann euch alles diß
Nicht will bewegen/ saur noch süß/
So werd verursacht ich daran
Ain gbott wider euch gan zulan/
Bleich wie in Engelland geschehen
Wider die grosse mæng der Krähen/
Vnd wie die Vlmer jürlich satzen/
Gebott wieder die loidige Spazzen/
Das man der lohnet/ die euch töd/
Weil wol das Land ohn euch besteht.
Vnd das ihr recht vernemen künd
Wie ich sey gegen euch gesinnt/

Zu der Weiber vortail.

So Bin ich ganz vnd gar bedacht
Wann jr diß alls nicht habt vollbracht/
Euch zu verbannen/gar mit schand/
Zu ein inns kalte Lappenland/
Da sehr die Kält ist ewer Feind/
Wiewol die Belg da woifail feind.
Ja ich will euch verbannen rund
In dem Höllischen Bettenhund/
Das Cerberi Feuerrote haut
Werd ewer Acker den ihr bawt/
Dann der kann ewer Sägfewer sein
Euch sägen/das jr Beissen kain.
Oder ihr müßt zu Haringsspeisern/
Zu Nierichwassern/öpfelfeisern/
Vnd zu den ewig Freitagsspreisern/
Zu den Belgwarmen MönchsCartäusern/
Dann bei den/wie Cardanus schreibt/
Kain Wandlaus/noch kain Floh nicht bleibt/
Drum weil sie kain Fleisch speisen gut
Schmactt euch nit jr Fischschmactend Blut.
Endlich/meh vortail euch zugeben/
Möcht jr wol bei Barfüßern leben/
Welchedoch haisen ewer Brüder/
Die werden euch nit sein zuwider/ Sonder/
Derhalben/so euch ist zurhaten
So folgt des Canzlers Flöhgenaden.
Wolt aber jr nicht stillst an nun
Vnd habt meh forderung zurhun/
Möcht ihr noch ewer Recht wol werben
An die Weiber vnd ire Erben/
Am jeden sein recht vorbehalten
Baid an die Jungen vnd die Alten. Itemit

Zu der Weiber vortail.

Sonder sauffen lan am faißten ort/
Auff das sie thun kein Brudermord/
Oder zieht inn die haise Land
Da man nicht spürt so bald den Brand/
Dann deren haut ist ettwas härter/
Als deren an den kalten örtern.
Hiemit so will ichs jezund enden/
Den Zauberstab nun von euch wenden/
Vnd euch gar auß der Gruben lassen.
Nun spring ain jeder seine Strassen:
Vnd grüßet/bitt ich/von meintwegen
Die erst Frau/ so euch kompt entgegen/
Dann da sind jr kein Igelschmalz/
Sonder zart Kalbfleisch vngesalzt.
Wolan/die Flöh die sind dauon.
Nun muß ich thun Prouision
Euch Weibern/wie ain Flöh Ar. auch/
Dann diß ist mein Ampt vnd mein Brauch:
Derwegen will ich nun zu letz
Euch geben Flöhartznei Gesetz/
Wie ir die Flöh ohn Blurvergusß
Hintrichten/vnd ohn vberdrusß.
(Dann ich Kurtzum nicht sehen kann
Das Weiblich händ mit Blur vngan)
Vnd sind die Arzenei probiert
Wie ich sie hie hab eingefürt.
Darum wann sie euch helfen werden
So danckt mir auch für mein beschwården.

Nun die schönen Flöh Recept
Sind also betreibt vnd gestept.

Die

Recept für die Flöh.

Die Flöh auß den Kammern zu vertreiben:

i. Nimm Dürwurz oder Donnerwurz / Koch es inn Wasser / Bespräng demnach das gemach so macht es den Flöhen jr sach.

ij. Wircket deßgleichen auch der Senffsamen / vnd Oleander / wann mans braucht wie das ander.

Flöh zu töden.

iiij. Nimm vngelöschten Kalf / mach ihn durch ain Sib / Bespräng damit die sauber gefegt Kammer / so richt es an ain grossen jamer.

v. Nimm wilden Rämmich / wilde Cucumer / oder Coloquint / Koche es inn Wasser / bespräng damit das Haus / so macht es den Flöhen den gar auß.

Flöh vnd Wäntel zu vertreiben.

v. Nimm Wermut / Rauten / Stabwurz / wilde Nütz / Sergenkraut / Nußlaub / Farnkraut / Lavender / Kadē / grün Coriander / Psillenkraut / lege dise Kräuter alle / oder ain teil dauon / vnder die Büßpflwen / oder Koche sie inn Mörzwibeln Essig / Besprenge sie damit / so geht keine meh kain tritt.

vi. Nimm Wassernus / oder Mördisteln / oder Flöhkraut / oder Coloquint / oder Bronberkraut / oder Kól / Koch es inn Wasser / bespräng damit die Gemach im Haus / so lauffen sie all dar auß.

vij. Ist fast ain guts die Flöh auß den decken oder Blaidern zubringen / so man Gaißblut inn

Recept für die Flöh.

Ein Aimer oder Säßlin thut / vnd es vnder die
Wehrstalt stellt / dan da samlet sich die ganz Flöh
welt.

vij. Schreibt Cardanus / das von Flöhen / Mus-
cken / Schnacken vnd wanzgen / könne ain jeglich
es von sein eigen rauch / so man es brennt / wer-
den getödt vnd geschändt / derhalben mach man
viel Flöhrauch / so vertreibt es die Flöh auch /
gleich wie ein böß Weib den Bauch.

ix. Die Flöh auff ain ort zusamen zubringē. Ma-
che vnter dem Bett ain Grub oder ain Loch / füll
darein Gaißblut / so werden sich alle Flöh darein
anhengen / die möcht ihr als dan erträncken / oder
sonst dem Teuffel zum Newen Jahr schencken.

x. Oder nim ain Hasen / stelle oder grabe ihn in
ain loch / also das er dem Herd oder Boden gleich
vnd eben stande / schmier ihn allenthalben mit
Kinderschmaltz / so werden sich alle Flöh dahin
walzen / die kan man als dann schön einsalzen.

xi. Die Flöh zu vertreiben / nimm Holder / bauz
oder sied es inn Wasser / vnd Bespräng als dann
das Flöhig ort damit / so tödt es die Flöh vnd Mus-
cken / das sie niemand trucken.

xij. Soll bewärt sein / das wan ainer Psilienkraut
oder Flöhkraut / dieweil es noch grün ist / inn ain
Haus träget / so verhinderet es das kain Flöh dar-
inn wachse / noch Aier gachse.

xij. Schmiere ain Stecken mit Igelsschmaltz /
stelle ihn mitten inn die Kammer / so kommen
die Flöh alle an den Stecken / die Brat als dan für
Schnecken / wer weiß / sie mögen vieleicht eben
so wol schmecken.

Flöhlied zusingen/wann sie die
Beltz schwingen/schön inn
Tact zubringen.

Im Thon: Entlaubet ist der Walderz.

DIE Weiber mit den Flöhen / Die han ain
stäten Brüg :: Sie geben auß groß Lehen/
Das man sie all erschlig/ Vnd ließ ihr kain en-
trinnen / Das wer der Weiber brauch. So het
tens ruh Beym spinnen/Vnd in der Kirchen auch.
ij. Der Krieg hebt an am morgen/ Vnd werth
biß in die Nacht :: Die Weiber in nicht borgen/
Vnd heben an ain Schlacht. Vnnd so sich die
Schlacht fahet an / Werffen sie das Gewandt
darvon/Vnnd allweil sie zusechten han/ Inn dem
streit sie nackend stahn.

ijj. Vnd wiewol man klagt sehre / Das sie sind
schuldig dran :: Das sich das Flöhschmaiß
mehr/ Weil sie Beltz tragen an. Sag ich/es sey
erlogen/Dann GOTT hat Euen bald/ Im gart
Beltz anzogen/Wer ist/der Gott ie schalt?

iiij. Ja het ich allweg bare / Ain Gulden inn
der hand:: Als oft die Weiber fahren/Nach Flö-
hen vnters Gwand. Ich wird ain reicher Ana-
be/ Het ain köstlichen Zoll/ Ich wolte gar bald ha-
ben/Ain ganze Truhnen voll.

v. Vnd könt ain Mönch verbannen / Die Flöh
so vngewehr:: Mit briessen treiben dannen/Die
Weiber Segfeur. Verstieß die Flöh so böse/Hin in
die Hellen recht / Der wirdt sehr vil Gelt lösen.
Von dem Weiblichen geschlecht.

Dei

Ursach der Flöh Schlacht.

vi. Der diß Lied hat gesungen/ Trägt ain mit-
leyden groß/ Mit Weibern hart getrungen/ Von
Flöhen vber dmoß / Vnd wünsch das alle Kün-
ste/ Gedächten auff all weg/ Das man zur Strawen
dinst/ Der Flöhen mutwill leg.

Friden vnd ruhe vor den Flöhen/ Schaben/
vnd Läusen: vor den Raupen / Schnacken vnd
Flädermäusen. Von Würmen/ Fröschen vnd Schnecken.
von Ratten/ Schlangen/ Spinnen vnd Hw-
schrecken. Wünsch Reznem dem
Leser on schrecken vnd gecken.

Homerus der Poeten Licht
Vnd der fürnembst von Kunstgedicht
Der hat vns wöllen vnderweisen
Den Krieg der Frösch mit seinen mäusen.
Deßgleichen der Virgilius
Hat beschriben mit guter muß
Die klag der Schnacken von den Leuten
Wie sie irn stich so vbel deuten.
So hat auch der Quidius
Gestellt wie sich beklagt die Muß.
Ja der Fantastisch groß Poet
Hat sich gewünschet all zu schönöd
Zu ainem Flöh/ auff das mit fug
Er Bey seinem Bulen steck genug.
Das wer den Maydlin zubegeren
Das alle Flöh Quidisch weren/
So würden sie nicht so gepferzt
Wie man sie sonst den weg verletz.
Ich aber wünsch demselben Gecken
Das er ihrs Raths vil pfund müß schlecken/
Vnd das ihm lib Hertz drinnen schwim
So wer sie dann gesteckt in jm.

Warumb sie angebracht.

Wetter hat Favorin bewisen
Des Siebers vnschuld / vnds geprisen/
Auch fast globt den Vnflat Thersiten
Als ob ihm Ehr sey zuerbiten.
Gleich wie auch Lucianus that
Ders Schmarozen entschuldigt hat/
Als ob es sey ain feine Konst
Weil man damit krügt vil vmb sonst.
Hat auch die Muck herfür gestrichen
Sie gar dem Elephant verglichen.
Vnd Sinesius lobet frey
Das die Kalhait zuwünschen sey.
Was lehrt Esopus durch all Thir
Dann das sie weiser sind dann wir.
Deßgleichen hat man solche Kunden
Su vnsern zeiten auch gefunden/
Als Porcium / den Säwpoeten
Der weist wie Schwein ainander tödten
Vnd Erasmus von Roterdam
So rhämt der Torhait grossen stam/
Agrippa auch von Nettershaim
Lehrt wie schön sich der Esel zäum/
Vnd das er nicht sey faul vnd träg
Sonder bedachtsam auff dem wäg.
Cardano ist sehr angelegen
Das er bey Leuthen bring zuwegen
Das man nicht meh den Wust der Welt
Neronem ain Tyrannen schelt.
Hat nicht von Straßburg Doctor Brand
Im Narzenschiff gestrafft jeden stand/
Bey Narzen grosse Weißhait glehrt:
Weil man nit ernsthaft ding gern hört

Ursach der Flöh Schlacht.

Was soll ich vom Eulnreimer melden/
Der im gereimten Eulenhelden/
Den Eulenspiegel steckt zum zweck
Allen Schäldern im Bubenack/
Im grossen Bubenack der Welt
Dann Schäld' erfüllen Stätt vnd Feld.
So hat der Eysler Rappenschmide
Erhebt der Narrenkappen sitt.
Auch Doctor Knaust rühmt die Numassen
Vnd thut die faul Rott zu ihn weisen.
Vnd wer hat nicht gelesen heut/
Die Wolffsklag/wie er klagt vnd schreit
Das man ihm gibt kein Buttelstuck
So trüger keine Schaf hinweg/
Vnd das er sich im Stegraff nehr
Dieweil man in kein Handwerk lehr.
Wer sieht nicht was für selzam sereit
Unsere Briefmaler malen heut/
Da sie führen zu Feld die Katzen
Wider die Hund/Mäuß vnd die Katzen.
Wer hat die Hasen nicht gesehen
Wie Jäger sie am Spieß umbtreenen
Oder wie wunderbar die Affen
Des Buttenkrämers Kram begaffen.
Vnd andre Brillen vnd sonst grillen
Damit heut vast das Land erfüllen
Die Briefmaler vnd Patronierer
Die Laßbristträger vnd Hausierer.
Derhalben mit dem Edlen hauffen
Auch mitzuhetschen vnd zulauffen/
Den Flöhstreit wir eingeführt han
Auff das wir durch solch weg vnd ban

Warumb sie angebracht.

Nicht allain Weiberhuld erlangen
Darum man sonst bricht spieß vnd strangen/
Sonder der Männer vnd Gesellen.
Die ihre huld erlangen wollen.
Auch ob ich schon erlang kain gonst
Vnd hören muß manch bösen wunsch/
So tröst ich mich der Schnack'en grab/
Welchs Virgilius so außgab.
Ich arme Schnack' lig hie begraben/
Vnd danck'barkeit hats Grab erhaben.
Dann weil ich weck' mit meinem stich
An Hirten vom schlaff gwarfentlich/
A's im ain Schlang stelt nach dem leben
Hat er mir disen danck' hie geben/
Hat mich mit seiner hand zerriben
Das ich für die Schlang tod bin bliben/
Also gar hat vndanck'barkeit
Die Welt eingnommen weit vnd breit
Das sie auch ertreich' vns klain Schnack'en/
Mit iren vntrewen Klauenhack'en.
Der halben wann schon auch vieleicht
Vndanck'barkeit die Siöher schleicht/
Hand sie sich zu verwunden nicht/
Wails auch ihren Sommerbrüder'n gschicht.
Dann wecken gschicht allzeit mit schrecken/
Drum deitens vbel sehr die Ged'en.
Mir aber hut es besser schmecken
Das mich die Flöh vnd Schnack'en wecken
Dann das mich Katz vnd Schlangen led'en/
Dann dort vergeht gar bald der schrecken
Vnd machen nur rot klaine flecken:
Diese aber voll vntrew stecken

Vnd

Ursach der Flöh Schlacht.

Und pflegen zu dem Tod zu strecken.
Dem aber also wol will schmecken
Das hinten krazen/ fornen lecken
Der wisch das Gßas gar an die Hecken
Und wesch das Antlitz gleich im Becken
Und seh welchs im wöll besser schmecken.
Wol an/ an Floh thut mich schon schrecken/
Das ich auffhören soll zugecken.
Gut Nacht biß mich die Flöh wider wecken.

End.

Gedruckt zu Straßburg
bei Bernhart Jobins
Erben.

Anno 1594.



